

Labari kpa n bo MATIO akerε i ni

Kabo ba kerε Yesu nam дума барасu ni

¹ Ahin дума керεwam керε ti Yesu Kristo nam busu wɔ, fiteeri Abraham kɔ tu Fεmε Davidi fa ba juuri saŋga bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jakɔbu, na Jakɔbu awu Yuda ni i niemam, ³ na Yuda awu Farese ni Zara bo bu ni yo la Tama ni, na Farese awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemɔ, ⁵ na Salemɔ awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Fεmε Davidi ni.

Tɔ, na Fεmε Davidi awu Fεmε Solomon bo i ni yo la Yuriya yi ni, ⁷ na Fεmε Solomon gusu awu Fεmε Robowam, na Fεmε Robowam awu Fεmε Abiya, na Fεmε Abiya awu Fεmε Asafu, ⁸ na Fεmε Asafu awu Fεmε Yosafati, na Fεmε Yosafati awu Fεmε Yoram, na Fεmε Yoram awu Fεmε Yoziya, ⁹ na Fεmε Yoziya awu Fεmε Yowatam, na Fεmε Yowatam awu Fεmε Ahazi, na Fεmε Ahazi awu Fεmε Hezekiya, ¹⁰ na Fεmε Hezekiya awu Fεmε Manase, na Fεmε Manase awu Fεmε Amoni, na Fεmε Amoni awu Fεmε Yosiya, ¹¹ na Fεmε Yosiya awu Fεmε Yekoniya ni i niemam. Nyini saŋga n ye bu miεeri Yisarelifɔm fiteeri bu asien su kɔri Babilɔniya asien su n a.

¹² Bu faari bu kɔɔri Babilɔniya n dɛɛ n sin ni, na Fɛmɛ Yɛkoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jakɔbu nyinga bekun, ¹⁶ na nyini Jakɔbu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefɔ n bo Nyɛmɛ ase ka i súnma i ni.

¹⁷ Tɔ, nyini kere ka fiteeri Abraham fa ba juuri Fɛmɛ Davidi, bu tiiri nanam buru ni nna wɔ, na fiteeri Fɛmɛ Davidi fa ba juuri sanɔa bo bu miɛeri Yisarelifɔm kɔɔri Babilɔniya asien n su ni, bu tiiri nanam buru ni nna wɔ, na fiteeri nyini sanɔa n fa ba juuri sanɔa bo bu wuuri Kristo Tiidefɔ ni, bu gusu tiiri nanam buru ni nna wɔ.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wɔ, ama, kana bu ba ja i kɔ i hun n dika ni, na ba fa nu ka i bita nyinse bo i fite Nyɛmɛ Awiewie Casi n dɛɛ yiko nu wɔ.

¹⁹ I hun Yosefu yo ti sɔnɔ bo i yo sa bo i kɔ atin su Nyɛmɛ dɔ ɔ, nyini ti, wɔ koro má ka i wura i yi n nyinse jama nu, na wɔ fa sunsunni ka i yaki i asiri nu. ²⁰ Sanɔa bo i wo birisi su n sɔ ni, na Micera n dɛɛ mereke aba i dɔ alele nu, aba ase i ka, “Fɛmɛ Davidi anuma Yosefu, má a soro sere ka a ja Mariya, na a fa i kɔ u dika, dama Nyɛmɛ Awiewie Casi ni maari i nyinse n a. ²¹ I wú baabiesɔ na a fere i ka Yesu, i bu la ka Tiidefɔ, dama yiri bá yi i minɛm fite bu satiem nu a.”

²² Tɔ, nyini n kere yoori sɔ, adena i ma Nyeme nɔaniɛ kanfɔ n nɔaniɛ n bá yo yiiwa, kabo wɔ jɔjɔ ka,

²³ “Sunɔguru bo wɔ nya si má biɛsɔ bá nyinɛ,
na i wú baabiesɔ,
na bu fére i ka *Emanuweli*,”

i bu la ka, Nyeme wo ya dɔ. ²⁴ Saɔga bo Yosefu tengeeri ni, na wɔ yo kabo Micera n dɛɛ mɛrɛkɛ n seeri i ni, na wɔ fa Mariya aba i dika. ²⁵ Ama, i ni yiri asaɔga má bara ni biɛsɔ, haari Mariya ba wuuri baabiesɔ, na Yosefu atun i duma ka Yesu.

2

Kabo asarambaa kɔɛsiyifɔm baari Yesu busu niɛ ni

¹ Saɔga bo bu wuuri Yesu miɛ n bo bu fere i ka Betilehem na i wo Yudiya awɔɛ n nu ni, nyini saɔga ni Herode ti nyini awɔɛ n nu fɛmɛ a. Na asarambaa kɔɛsiyifɔm nbem afite wiɛ afiiri, aba Yerusalem aba abisa ka, ² “Baa n bo ba wu i na i bá yo Yudaɔm fɛmɛ n wo ni wɔ? Ya ŋu i asarambaa wiɛ afiiri dɔ, ye ya ŋa ya bá na ya bá kutu i a.” ³ Fɛmɛ Herode tiiri sɔ ni, na jɔɛ n amie i ni Yerusalemɔm kere. ⁴ Na wɔ fere Nyeme sayoowa dɔɔguyofɔm nkpienkpienm, ni Nyeme nɔaniɛ kerefɔm kere atien bu nɔɔ, na wɔ bisa bu ka, “Ye bu wú Kristo Tiidefɔ n ni wɔ?” ⁵ Na ba bɔ i nu ka, “Betilehem bo i wo Yudiya asien n su ni, dama kabo Nyeme nɔaniɛ kanfɔ n kerɛeri i lɛɛ. Micera n ŋa o,” ⁶ ‘Wɔɔɔ Betilehem bo a wo Yuda asien n su ni, a ti má miɛ kaan.

Wɔɔ ti Yuda asien n su miem anyunuyifom
 kun a,
 dama ka femε n bo m yí i na i bá yo m mine
 Yisarelifom tiifo ni,
 i fite u dɔ ɔ.' ”

⁷ Na Femε Herode afere asarambaa kɔresi-yi-
 fom n asiri nu na i si sanɔa bo asarambaa n tieeri
 ni. ⁸ Na wɔ kere bu ka, “Am kɔ Betilehem, na am
 kɔ nienie nyunyumi, na nzen am ŋuuri baa ni,
 am kpie am nyi ba se m na m gusu kó kutu i.”
⁹ Femε n jɔjɔri bu dɔ wieeri sɔ n na ba de atin,
 bu wo kɔ su sɔ ni, na ba ŋu asarambaa n bo bu
 ŋuuri i wie afiiri ni, ka i du bu mɔ haari na wɔ
 kɔ ajina awuru n bo baa n wo nu n tii su. ¹⁰ Bu
 ŋuuri asarambaa n sɔ ni, na bu ahore ajɔ agaya.
¹¹ Na ba kɔ awura awuru n nu, na ba ŋu baa
 n ni i ni Mariya na ba kutu i, na ba yo i anse.
 Na ba nya ateke bu kurukum, na ba yi aceerim
 ace i. Aceerim n la sika, ni tulaale nvanvanifo
 be, i ti samene wɔ, ni baka nyunvuin nvanvanifo.
¹² Nyini sin na ba fa atin be akpie bu nyi akɔ bu
 bɔsu, dama Nyemε ase bu alele nu ka má bu kɔ
 Femε Herode dɔ kun.

*Kabo Yosefu faari Yesu ni i ni ŋmati kɔɔri Ijipiti
 ni*

¹³ Asarambaa kɔresiyifom n kɔ wieeri ni, na
 Micera n dɛε mereke aba Yosefu dɔ alele nu, aba
 ase i ka, “Yasu fa baa n ni i ni na am ŋmati kɔ
 Ijipiti asien su, má nyini Femε Herode wo baa
 nienie su na i kun i. Am kɔ wo dɔ haari cɛen bo
 m bá kaaki ba ma am nɔɔ ka am yasu dɔ.” ¹⁴ Na
 Yosefu ayasu afa baa n ni i ni anmati kɔngue n
 kere, na ba kɔ Ijipiti asien n su, ¹⁵ na ba wo dɔ

haari Feme Herode aba awu. Ahin yoori so ni, i ma kabo Micera n ma i noanie kanfom n yo jɔjɔori n yo yiiwa a. I ɲa, “Ma fere m wa n afite Ijipiti asien n su.”

Kabo Feme Herode ma bu kuunri nbaabieso kan kanm ni

¹⁶ Saɲga bo Feme Herode ba faari nu ka asarambaa kɔresiyifom n adadaka i ni, na wo fa yaa agaya, na wo ma i sojam noo ka bu ko Betilehem mie n nu, ni i aheme aheme n kere su na bu ko kun nbaabieso kan kanm kere bo ba wu bu kisa, ko ju afo nnyo, dama i sunsun ka saɲga n bo asarambaa kɔresiyifom n ɲa asarambaa n tieeri ni, wo ju ka afo nnyo. ¹⁷ Nyini kere ka, kabo Nyeme noanie kanfo Jeremiya yo jɔjɔori n ayo yiiwa. I ɲa,

¹⁸ “Ya ti awie bo ɲga Rama mie kpiri nu,
sun ni ahoresaaki wo do,
bara Rakeli susun i nbaam busu.

Wo kete ka ma be kpata i, dama i nbaam wo
ma bere kun.”

Kabo Yosefu faari Yesu ni i ni fiteeri Ijipiti baari Nazareti ni

¹⁹ Saɲga bo Feme Herode ba wuuri ni, na Micera n dee mereke aba Yosefu do alele nu Ijipiti asien n su, aba ase i ka, ²⁰ “Yasu fa baa n ni i ni, na am kpie am nyi ko Yisareli asien su, dama minem bo bu kpiiri ka bu kun baa ni, ba wu.”

²¹ Na Yosefu ayasu afa baa n ni i ni, na ba kpie bu nyi ako Yisareli asien n su. ²² Ama, saɲga bo i tiiri ka Akilawu adi i si Feme Herode femeya n Yudiya awore n nu ni, na sere ati i ni kabo i ko wo do. Na Nyeme mereke aba i do alele nu, aba

akere i kabo i yo, na wɔ yasu akɔ Galili awɔrɛ n nu akɔ awo miɛ be bo bu fere i ka Nazareti n su. ²³ Nyini n kere ka, kabo Nyɛmɛ ma i nɔaniɛ kanfɔm n jɔjɔori n yo yiiwa a, fa kɔ Kristo Tiidefɔ n dɔ. I ɲa, “Bu fére i ka Nazaretifo ɔ.”

3

Kabo Yohane Nyɛmɛ Nzue Biefo n kaanri Nyɛmɛ jɔrɛ ni

¹ Nyini sanɲa n na Yohane Nyɛmɛ Nzue Biefo n akɔ Yudiya boro kpantain n nu, kɔ sukan Nyɛmɛ jɔrɛ, i ɲa, ² “Am kaaki am wo, dama sanɲa n adodo bo Nyɛmɛ Fɛmɛ bá niɛ i minɛm su.” ³ Yiri Yohane n ye Nyɛmɛ nɔaniɛ kanfɔ Esaya yo jɔjɔori i jɔrɛ n a. I ɲa, “Sɔnɔ be subo ndoori boro kpantain n nu se ka, ‘Am sɛsɛ Mibiɛ n atin n su, na am yo i atin n dɔŋgu.’ ”

⁴ Yohane wuraari sutura bo bu faari nyɔɔma ndɔrɛ wuuri i a. Na wɔ fa jina abo i wi nu. I diire yo la lalom ni wiɛ wɔ. ⁵ Na mine afite Yerusalem miɛ kpiri n nu, ni Yudiya dɛɛ awɔrɛ miɛm kɛrɛ su, ni Yodan dɛɛ bue n kɛrɛ aba i dɔ, ⁶ na ba kan bu ɲgasi ni bu satie kɛrɛ akere Nyɛmɛ, na Yohane abie bu Nyɛmɛ nzue Yodan kunma n nu.

⁷ Ama, sanɲa bo i ba ɲuuri ka Farasifɔm ni Sadiusifɔm dɔŋgu suba i dɔ ka i bie bu Nyɛmɛ nzue ni, na wɔ se bu ka, “Amberɛ burukɔɔnufɔm bo am ti ka woom ni, ɲma seeri am ka am ɲmati fite nyini suicin kekereke n bo Nyɛmɛ sufa ba am dɔ n nu a? ⁸ Am yo sakpa bo i kere ka am akaaki am wo. ⁹ Na má am sunsun ka Abraham ti am na n dɛɛ ti, na am koro fite nyini suicin n nu. M suse

am wɔ lɛɛ, ka, Nyɛmɛ koro ma ahin yabuɛm ni kaaki nbaam ma Abraham. ¹⁰ Nyɛmɛ asi i samba n nana ase baka kɛrɛ bu na i kpɛi i ji sin nu, yiri bo i suuwa ti má kpa ni. ¹¹ Mini sufa nzue biɛ am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fá Awiewiɛ Casi n ni sin yo am casi a, kabo sɔnɔ biɛ nzue na i yo casi ni. ¹² I bita i ngani kpaja fieeba bo i ba bobo ngani n gbanɔba n su, na i kpája yi ngani mbaa n fa ɔɔ i bondo nu, na i nyá yara kunkun n sin n bo i je na i nɔ má n nu.”

Kabo Yohane biɛri Yesu Nyɛmɛ nzue ni

¹³ Nyini sanɔa n na Yesu afite Galili awɔrɛ n nu, aba Yohane dɔ Yodan kunma n nu ka Yohane biɛ i Nyɛmɛ nzue. ¹⁴ Ama, na Yohane akete ka i biɛ má Yesu Nyɛmɛ nzue ni. I ɔa, “Má i ti ye ni ka wɔrɔ biɛ m Nyɛmɛ nzue a, ye nzu ti ye a ɔa mini biɛ u a?” ¹⁵ Ama, na Yesu abɔ i nu ka, “Ma ya yo sɔ adena ya yo deke kɛrɛ bo Nyɛmɛ koro ni.” I seeri sɔ n na Yohane asoro su. ¹⁶ Sanɔa bo Yohane biɛri Yesu Nyɛmɛ nzue n wieeri n na i fiteeri nzue n nu ni, kpenɔa na anɔoro ateke, na wɔ ɔu ka Nyɛmɛ Awiewiɛ n ajura ka tiiwa dɛɛ su aba atana i ɔu. ¹⁷ Dɔ na wɔ ti akonvi be ɔga anɔoro, i ɔa, “Ahin ti m wa a, m koro i agaya, m ahore ajo i ɔu.”

4

Kabo Sitana yoori Yesu na i niɛ ni

¹ Nyini sin na Nyɛmɛ Awiewiɛ Casi n afa Yesu akɔ boro kpantain n nu ka Sitana kɔ yo i na i

nie, ka i yó yiri Sitana n dæe koroowa nzen i yó má. ² Dó na Yesu acici i nõo haari cæen aburana, kɔŋgue ni wiesu bo i di má pui, na ahɔe aba ati i. ³ Na Sitana bo bu kaaki fere i ka Nɔgeesɔfo n aba ase i ka, “Nzen a ti Nyeme Wa, se ahin yabuem n na bu kaaki diire.” ⁴ Ama, na Yesu abo i nu ka, “Ba kere i Nyeme Jore Kadasi n nu ka, ‘Má diire ngumi ma sonɔ ngoo a, ama, i de noanie kere bo i fite Nyeme do n gusu.’ ”

⁵ Na Sitana n akaaki afa Yesu ako Yerusalem mie kpiri n nu, na wo ko afa i ajina Nyeme Sereebiri Awuru n tii su lenlenge, na wo se i ka, ⁶ “Nzen a ti Nyeme Wa, ti to asienɔgu na m nie. Dama ba kere i Nyeme Jore Kadasi n nu ka, ‘Nyeme má i merékem nõo na bu nie u dika.’ Ba kaaki akere i ka, ‘Bu fá bu saa so u nu, na má u jaa bo yabue be.’ ”

⁷ Na Yesu ase i ka, “Ba kaaki akere i Nyeme Jore Kadasi n nu bekun ka, ‘Má a yo Micera Nyeme n na a nie kabo i yiko ti barasu.’ ”

⁸ Nyini sin na Sitana n afa i ako buka be tii su lenlenge, na wo kere i durunya n nu asien kere, ni kabo bu ti na bu yo nyumi barasu. ⁹ Na wo se i ka, “Nzen a kutu suuri m, m fá nyinim n kere ma u.” ¹⁰ Na Yesu ase i ka, “Woro Sitana, fa cinsi m bi bere. Dama ba kere i Nyeme Jore Kadasi n nu ka, ‘Kutu Micera u Nyeme ni, na a su yiri ngumi.’ ”

¹¹ Na Sitana n ako ayaki i, na Nyeme merékem aba i do na ba ba asu i.

Kabo Yesu boori i juma bu Galili awɔre n nu ni

¹² Na sanɔa bo Yesu ba tiiri ka ba tara Yohane anyi i dansaraka ni, na wɔ fite bere ako Galili awɔre n nu. ¹³ I yasuuri Nazareti mie n nu ni, na wɔ ko awo Kapenam mie kpiri n bo i wo dodo Galili kunma kpiri ni, na i wo Zabulonfɔm ni Nafatalifɔm deɛ awɔre n nu ni. ¹⁴ I ko tanaari do ni, adena kabo Nyeme noanie kanfo Esaya yo jɔjɔri n yo yiiwa. I na,

¹⁵ “Zabulon ni Nafatalifɔm, am so am sui, ambere bo am wo dodo kunma kpiri n bo i wo Yodan kunma n wie afiri deɛ bue ni, ambere bo am wo Galili awɔre n ni, deke bo bu ti má Yudafo wo ni, am so am sui.

¹⁶ Minem bo bu wo awosin nu ni, ba nu wein bambaka ni.

Na bo bu wo awosin ni yiwee nu ni, bere ye sin ni je ta wein ma bu a.”

¹⁷ Fite nyini sanɔa n na Yesu abo i bu sukan Nyeme jore, i na, “Am kaaki am wo, dama sanɔa n aju bo Nyeme Feme ba nie i minem su.”

Kabo Yesu fereeri jombaa tarafɔ nbem ka bu su i su ni

¹⁸ Na sanɔa bo Yesu sunati Galili kunma kpiri n noo su ni, na wɔ nu mine nnyo nbem, bu ti sono kun nbaam wɔ. Bere la Simon bo bu fere i ka Petoro ni, ni i niema Andere. Bu wo bu diendie sandi su kunma kpiri n nu, dama bu ti jombaa tarafɔm wɔ. ¹⁹ Na Yesu ase bu ka, “Am bra na am ba su m su na m má am tien minem noo ma m, kabo am tara jombaam ni.” ²⁰ I seeri so ni, na ba kaba ayaki bu diendiem ni, na ba su i su.

²¹ I nati koori i nyunu kaan, na wo ñu mine nnyo nbem bekun, bu ni bu si, bu fere i ka Zebedi, bere la Yakobo ni i niema Yohane. Bu ni bu si n wo lee nu suyo bu diendiem dongu, na Yesu afere bu. ²² Do na ba kaba afite lee n nu ayaki bu si ni, na ba su i su.

Kabo Yesu kaanri Nyeme jore na i ma tukpaki-fom nyaari laifie ni

²³ Na Yesu abara aye Galili awore n kere nu, na i sukere minem bu tientienbunoo soom n nu, deke bo bu sere Nyeme na bu kere minem Nyeme jore nu ni, na i sukan labari kpa n fa ko Nyeme femeya n su, na wo ma minem bo bu la tukpaki barasu barasu n kere anya laifie. ²⁴ Na i duma ata abara aye Siriya awore n kere nu, na ba so minem bo bu la tukpaki barasu barasu kere, ni bo bu di yaari agaya bu ñuniembaa nu, aba i do ka i ma bu nya laifie. Ajinim wo bu nbem ñu, na nbem to ngbiti, na nbem gusu saam ni bu jaam awu, na wo ma bu kere anya laifie. ²⁵ Na jama beberebe afite Galili awore n nu, ni Mie Burum dee awore n nu, ni Yerusalem mie kpiri n nu, ni Yudiya dee awore n nu, ni Yodan kunma n sin do, na bu kere aba asu i su.

5

Kabo minem yo na bu nya terefie Nyeme do ni

¹ Yesu ñuuri jama n ni, na wo fun ako atana buka be su. Na i susufom n aba i do. ² Na wo bo i bu ka i kere bu, i ña,

³ “Bere bo bu ti yaarifom bu ahore su ni,
terefie wo bu do,

- dama Nyeme femeya n ti bu dee wo.
- ⁴ Bere bo bu ahore asaaki ni,
terefie wo bu do,
dama Nyeme da bu ahore a.
- ⁵ Bere bo bu yo bu nu kaan ma Nyeme ni,
terefie wo bu do,
dama Nyeme ba fa durunya n ma bere wo.
- ⁶ Bere bo bu nyunu aboro ka bu yo sa bo i ko atin
su
kabo sono la konviki fa ko diire ni nzue busu
ni,
terefie wo bu do,
dama Nyeme ba ma bu akunnuyi a.
- ⁷ Bere bo bu si ajunfo ni,
terefie wo bu do,
dama Nyeme ba si bu ajunfo a.
- ⁸ Bere bo bu ahorembaa ti casi ni,
terefie wo bu do,
dama bere ba nu Nyeme a.
- ⁹ Bere bo bu kpata aluwa ni,
terefie wo bu do,
dama Nyeme ba fere bu ka i nbaam a.
- ¹⁰ Bere bo bu yo sa bo i ko atin su n dee ti
na minem kere bu wuwuruwa ni,
terefie wo bu do,
dama Nyeme femeya n ti bere dee a.”
- ¹¹ Na Yesu akaaki ase ka, “Amberere bo minem
ba kpie am nzuko, na bu kere am wuwuruwa, na
bu bu kore barasu kere so am, na i kere fite ka
am ti m deem dee ti, terefie wo am do. ¹² Bu ba
yo am so, am ma am ahore jo agaya, dama am
nya nkatso bambaka Nyeme do. I fite ka, kabo
bu yo kereeri dawa dee Nyeme noanie kanfom n
wuwuruwa n lee.”

Kabo Yesu ɲa i susufɔm ti ka ɲjin ni wein ni

¹³ Na Yesu ase ka, “Amberɛ, m susufɔm ni, am ti ka ɲjin wo durunya n nu a. Ama, nzen ɲjin fiefie nya ba saari wieeri, i koro yo má i fiefie kun. Nyini saɲga ni, wɔ ka ɲgbɛɛn lɛɛ, ɲka bu fá butu wɔ, na minɛm tientien saɲga i ni fa. ¹⁴ Amberɛ ti wein bo i ta ma durunya n nufɔm a. Mie kɛrɛ bo i wo kpɛrɛ su, sɔnɔ kɛrɛ ɲu i wɔ. ¹⁵ Sɔnɔ be nya so má fitana su na i fa ganɲa butu su, ama, i fa taka deke su aɲgoro wɔ na i ta wein ma awuru n nufɔm kɛrɛ. ¹⁶ Nyini ti, am ma am wein ta durunya n nu, na sɔnɔ kɛrɛ ɲu am sakpa yoowa, adena bu kansɪ am Si Nyɛmɛ bo i wo aɲgoro ni.”

Kabo Yesu ɲa ya su Nyɛmɛ nɔaniɛ kpamaawa n su barasu ni

¹⁷ Na Yesu ase ka, “Fa kɔ Moyisi nɔaniɛ kpamaawa n ni Nyɛmɛ nɔaniɛ kanfɔm dɛɛ kereewa n su, má am sunsun ka ma ba ka m ba cɛ bu se wɔ. Ai, ma ba má ka m ba cɛ bu se wɔ, ama, ma ba ka m ma i kɛrɛ bá yo yiiwa a. ¹⁸ Nahɔrɛ ye m suse am n a, kabo aɲgoro ni asiɛɲgu toko wo bɛrɛ ni, bu yí má nɔaniɛ n be haari kampiti sɔ n mmɔɔ fite má nɔaniɛ kpamaawa n nu, haari na i deke n kɛrɛ ba awieeri. ¹⁹ Nyini ti, sɔnɔ kɛrɛ bo i buuri Nyɛmɛ nɔaniɛ maawa n kampiti sɔ mmɔɔ ɲgbɛɛn, na i kereeri minɛm ka bɛrɛ gusu yo sɔ, bu fére i mi ka sɔnɔ kaan Nyɛmɛ femɛya n nu. Ama, sɔnɔ kɛrɛ bo i suuri Nyɛmɛ nɔaniɛ kpamaawa n su na i kereeri minɛm ka bu gusu yo sɔ, bu fére i mi ka sɔnɔ bambaka Nyɛmɛ femɛya n nu. ²⁰ Nyini ti, m suse am wɔ lɛɛ, ka,

kana am bá wura Nyeme femeya n nu, má ka am yo sa bo i kó atin su Nyeme dɔ n tara Farasifom, ni Nyeme nɔaniɛ kerefom dɛɛ ni.”

Kabo Yesu kere fa kɔɔri yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Má a kun sɔnɔ,’ na ‘Nzen wɔɔ kere bo a kuunri sɔnɔ, bu dí u jɔɔ.’” ²² Ama, m suse am wɔ lɛɛ, ka, wɔɔ kere bo a faari yaa u benɔu ŋu, wɔ yo daka ka bu di u jɔɔ. Sasu bekun, wɔɔ kere bo a seeri u benɔu ka i ti sɔnɔ ŋgbɛɛn, wɔ yo daka ka bu fa u jina Yudaɔm jɔɔdifo nkpiɛnkpiɛnm n nyunu na bu di u jɔɔ. Na nzen wɔɔ kere bo a seeri u benɔu ka i ti sinnzin, Nyeme fá u wura cɛɛma sin n nu. ²³ Nyini ti, nzen a fa u aceeri aba ka a ba sere Nyeme, na a tenɔge su ka u ni u benɔu be la ŋgasi, ²⁴ yaki u aceeri n yoowa yoobiri n ka, na a kɔ na am kɔ yo am afien dɔŋɔ, na a nya ba fa u aceeri n ma Nyeme. ²⁵ Nzen u ni be la jɔɔ, na nzen i koro ka i fa u kɔ jɔɔ diibiri, jɔkɔti tara i mi n jaa, na má jɔɔ n ju jɔɔ diibiri n ni, má nyini, i mi ni fá u kɔ wura jɔɔdifo n saa nu, na yiri gusu fá u ma dansaraka niɛfo ni, na yiri gusu nyá nyi u. ²⁶ Nahɔɔ ye m suse u n a, nzen a woori dɔ na a tɔ má kaari n kere awie má, a nyá má atin fite má dansaraka n nu.”

Kabo Yesu kere fa kɔɔri ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Má a saaki ajaa ciire.’” ²⁸ Ama, mini, m suse am wɔ lɛɛ, ka, wɔɔ kere bo a niɛ bara, na u konvi wuraari i, i ti ka a saaki ajaa ciire u ahore su wɔ lɛɛ. ²⁹ Nzen u nyumbaa n kun cin u wuraari

satie nu, lokoti yi i tu. I ti ye ni ka a fun u ηuniembaa n bue kun, ni bo a fa u ηuniembaa n kere wura ceema sin nu. ³⁰ Nzen u saa fomboro cin u wuraari satie nu, kaba kpie i tu. I ti ye ni ka a fun u ηuniembaa n bue kun, ni bo a fa u ηuniembaa n kere wura ceema sin nu.”

Kabo Yesu kere fa kɔɔri bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sɔnɔ kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’ ³² Ama, mini, m suse am wo lee, ka, sɔnɔ kere bo i faari i yi jiiri, na wo yo má ka bara n ako somaya ye i fa i jiiri a, na nzen bara n ko jaari bieso fofore, i mi n ma bara n asaaki ajaa ciire lee. Na sɔnɔ bo i faari bara n jaari, yiri gusu asaaki ajaa ciire lee.”

Kabo Yesu kere fa kɔɔri ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Má a tan ndie na a kaaki woro u nɔɔ, ama, ma u sui wo ndie bo a tan i ama Micera n su, na a yo i.’ ³⁴ Ama, mini, m suse am wo lee, ka, má am tan ndie mmoo fieo. Má am tan angoro, dama Nyeme femeya n woobiri lee. ³⁵ Má a tan asiengu gusu, dama i ti Nyeme jaa gbagbaa jinaabiri wo. Má a tan Yerusalem, dama i ti ya Micera Feme n dee mie kpiri wo. ³⁶ Má a kaaki se ka a tan u tiiawa, dama a koro yo má u tiinmie kun mmoo fofoe, wara biri. ³⁷ Am ma am noanie kere yo tika. Nzen i ti ‘Een,’ am se ka, ‘Een.’ Nzen i ti ‘Ai’ gusu a, am se ka, ‘Ai.’ Sin nyini sin, noanie kere bo i buka su n fite Sitana do o.”

Kabo Yesu kereeri ka má ya fa minem satie tɔ bu kaari ni

³⁸ Na Yesu akaaki ase ka, “Am ati ka ba se ka, ‘Nzen sɔnɔ yi u nyumbaa, wɔrɔ gusu yi i mi dɛɛ, na nzen i bo tuuri u jee, wɔrɔ gusu tu i mi dɛɛ.’

³⁹ Ama, mini, m suse am wɔ lɛɛ, ka, nzen sɔnɔ yoori u satie, má a wɔrɔ satie ma i mi. Haari nzen be fiinri u nyɔɔnu, kaaki bue nyiŋga n gusu ma i na i fin buka su. ⁴⁰ Nzen be cici u lekisi ka i fa u kɔ jɔrɛ diibiri, na i de u tanlɛɛ kaan n be i wo i bu ni, kaba yi i tii su dɛɛ bambaka n mmɔɔ buka i su. ⁴¹ Nzen fanɔfɔ be miɛeri u ka a sɔ i sɔori kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔnɔ bo i sereeri u deke be, má a kpɛ i, na sɔnɔ bo i ŋa a fiɛ i deke be, má a kete.”

Kabo Yesu kereeri ka ya koro minem bo bu kpɔ ya ni

⁴³ Na Yesu akaaki ase ka, “Am ati ka ba se ka, ‘A koro sɔnɔ bo i koro u ni, na a kpɔ sɔnɔ bo i kpɔ u ni.’ ⁴⁴ Ama, mini, m suse am wɔ lɛɛ, ka, am koro am kpɔfɔm, na am sere Nyɛmɛ ma bo bu kere am wuwuruwa ni, ⁴⁵ adena am yó am Si Nyɛmɛ bo i wo angoro ni nbaam. Dama yiri ma wiɛ fite ma satieyɔfɔm, ni sakpayɔfɔm kɛrɛ a, na i kaaki ma nzue tɔ ma bo bu yo sa bo i kɔ atin su i dɔ ni, ni bo bu yo má sa bo i kɔ atin su i dɔ n kɛrɛ. ⁴⁶ Nzen am nya koroori minem bo bu koro am ŋgumi ni, nzu ŋkatɔ, ye am nya i a? Dama haari lampodefɔm bo bu sisi minem ni mmɔɔ yo sɔ ɔ. ⁴⁷ Na nzen am bisa am danfom ŋgumi ahin, am sunsun ka am ayo nzu sakpa ye be koro yo má i a? Bo bu su má Nyɛmɛ ni mmɔɔ koro yo sɔ,

má sɔ? ⁴⁸ Tɔ, am ma am woowa n ti kpa bo i la má aɲusu, kabo am Si Nyeme bo i wo aɲgoro n deɛ woowa n ti kpa bo i la má aɲusu ni.”

6

Kabo Yesu kereeri ya ka ya ce yaarifom aceeri barasu ni

¹ Na Yesu ase bu ka, “Am si am ɲu sa, na má am yi am nyemesu sayoowa fite fofoe nu, adena minem ɲu i na bu kansu am. Nzen am yoori sɔ, am nya má ɲkato be, am Si Nyeme bo i wo aɲgoro n do.

² Nyini ti, nzen a ɲa a ce yaarifom aceeri, má a bo ndoori na sɔnɔ kere ti, kabo burukɔɔnufom yo i bu tientienbunɔ sɔɔ n nu, ni mie kunnu atingberem n su ni, dama bu yo sɔɔ, adena minem kansu bu. Nahore ye m suse am n a, bere ɲkato awieeri lee, ye ba du mo anya i n a. ³ Ama, nzen a ɲa a ce yaarifom aceeri, má a ma be ɲu i fieo, na bu si sa bo a suyo i ni, ⁴ adena u aceeri n yo asiri nu. Do na u Si Nyeme bo i ɲu sa kere bo a yo i asiri nu ni, n to u kaari.”

Kabo Yesu kereeri ya nyemesere atin barasu ni

⁵ Na Yesu akaaki ase ka, “Nzen sanɲa bo am ba susere Nyeme, má am yo kabo burukɔɔnufom yo ni, dama bere koro ka bu sujina bu tientienbunɔ sɔɔm n nu, ni deke bo atingberem jaja nu ni, na bu sere Nyeme adena minem ɲu bu. Nahore ye m suse am n a, bu ɲkato awieeri lee, ye ba du mo anya i n a. ⁶ Ama, sanɲa bo a ba susere Nyeme, wura u sɔɔ na a nyi u aɲɔ, na a sere u Si Nyeme

bo be ηu má i ni, na u Si Nyεμε bo i ηu sa kερε bo a yo i asiri nu ni, nyá to u kaari.

⁷ Na sanƙa bo am ba susere Nyεμε, má am yo nanmε kabo bo bu su má Nyεμε n yo ni, dama bu sunsun ka bu jɔjɔri beberebe n ye Nyεμε de bu sere a. ⁸ Má ambere yo ka bere, dama am Si Nyεμε si am sa koroowa kερε n mmɔɔ ka, ye am nya sere i a.

⁹ Nyini ti, kabo i ti ye ni ka am sere Nyεμε yaa. ‘Ya Si, bo a wo aƙoro ni,
ma minem bu u дума casi ni.

¹⁰ Ma u femeya n bra.

Ma u koroowa yo asienƙu fen, ka alecεema nu.

¹¹ Ma ya nyuma deε cεen nu, ya nɔɔ nu diire.

¹² Fa ya ηgasi fa ce ya,

kabo ya gusu afa ace bo bu do ya ηgasi ni.

¹³ Má a ma deke be yo ya na ya wura satie nu,

ama, yi ya fite anyumbiri nu.

[Dama, u deε la femeya, ni faƙa, ni jirima sanƙa kερε. Ami.]’

¹⁴ Dama nzen am fa minem ηgasi ce bu, am Si Nyεμε bo i wo aƙoro n gusu fá am deε ce am.

¹⁵ Ama, nzen am afa má minem ηgasi ace má bu, am Si Nyεμε bo i wo aƙoro n gusu fá má am deε ce má am.”

Kabo Yesu kereeri ya ka ya cici ya nɔɔ ni

¹⁶ Na Yesu akaaki ase ka, “Sanƙa bo am sucici am nɔɔ, má am nie aƙunfo nie kabo burukɔ-nufom yo ni, bu yo má bu ηu nyankandi, adena minem ηu ka ba cici bu nɔɔ. Nahore ye m suse

am n a, bu nkato awieeri lee, ye ba du mo anya i n a. ¹⁷ Ama, nzen a ba sucici u nɔɔ, yo u ɲu nyankandi, ¹⁸ adena má minem si nu ka a sucici u nɔɔ, má ka u Si Nyeme bo be ɲu má i ni, na yiri u Si Nyeme bo i ɲu sa kere bo a yo i asiri nu ni n tó u kaari.”

Kabo Yesu ɲa ya tien ajেকে nɔɔ se Nyeme dika n nu ni

¹⁹ Na Yesu akaaki ase ka, “Má am tien ajেকে nɔɔ se durunya n nu fen, bo watarawam muka i na i kporo, na i to ɲgambulaari, na awiefom gusu bá wura wo i. ²⁰ Ama, am tien ajেকে nɔɔ se Nyeme dika n nu, bo watarawam koro muka má i, na i koro to má ɲgambulaari, na awiefom gusu koro wura wo má i. ²¹ Dama deke bo u ajেকে wo ni, u ahorembaa kere gusu wó do o.”

Kabo Yesu kereeri anyumbaa kpa jore ni

²² Na Yesu akaaki ase ka, “Ya nyumbaa ni ti ka fitana ma ya ɲuniembaa n a. Nzen u nyumbaa nya ti kpa, u ɲuniembaa n kere tá wein n wo lee. ²³ Ama, nzen u nyumbaa nya ti má kpa, u ɲunie kere wo awosin nu wo lee. Nyini ti, nzen wein wo má u do, nyini n la ka, a wo awosin bambaka bo i la má anusu nu lee.”

Kabo Yesu ɲa ya daafi Nyeme ɲu barasu ni

²⁴ Na Yesu akaaki ase ka, “Soɔo kun koro sanja su má mibiem nnyo. Nzen i ɲa i yó so, i kpó kun wo, na i koro nyinga ni, wara i bóro i nyi su kun n wo, na i bú nyinga ni ɲgbɛɛn. Am koro sanja su má Nyeme ni ajেকে.”

²⁵ Na Yesu akaaki ase ka, “Nyini ti, m suse am wo læε, ka, má am tana sukoko fa ko am ηγωω su, kabo am dí, ni kabo am nú, na má am kaaki sukoko fa ko am ηjunie su, kabo am nyá suturam bo am fá wura na am kára. Dama ηγωω n tara diire, na aηuniembaa n gusu tara suturam, má so? ²⁶ Am nie anumam, haari ni bo bu do má ni, na bu kaaki kpie má ni, bu tambu go má bondo nu gusu, se am Si Nyeme ma bu diire ye bu di a. Amberε la anyunuyi tara anumam, má so? ²⁷ Am nu, ηma tana koko fa ko i koroowam su ye i mi koro buka i ηγωω tintiin su haari kaan so a? ²⁸ Ye nzu ti ye am ma suturam sa mie am a? Am nie kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wo læε, ka, haari Feme Solomon, ni i nenje n kere bo i yo la i ni, wo la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a ηú ka ba kpie bu na bu yara bu, ye Nyeme nie bu dika, nzu ti ye i nie má amberε bo am tara wuram co n a? Amberε, am yarada n ti kaan so. ³¹ Nyini ti, má am tana koko se ka, ‘Ye ya dí nzu wo?’ wara ‘Ya nú nzu wo?’ wara ‘Ya wúra nzu wo?’ ³² Dama bo bu su má Nyeme ni, bere sunsun so sanja kere a. Am Si Nyeme si ka am koro nyinim n kere. ³³ Nyini ti, am du mo kpini Nyeme femeya n ni sa bo i ko atin su i do n busu ka, na i nyá ba fa nyini dekem n kere buka am su. ³⁴ Nyini ti, má am koko fa ko ahunma su, ahunma mmoo kpini i deε. Dama nyuma deε sunsunni mmoo ase su.”

7

Kabo Yesu na má ya jɔɔ be jɔɔ jaraki i ni

¹ Na Yesu ase bu ka, “Má am jɔɔ be jɔɔ na am jaraki i, adena má Nyeme gusu jɔɔ ambeɛ jɔɔ jaraki am. ² Dama kabo am jɔɔ am bengum jɔɔ jaraki bu ni, so ye Nyeme gusu jɔɔ am gusu jɔɔ jaraki am a. Gɔɔ bo am fa susu ma minem ni, so ye Nyeme gusu fá susu ma am a. ³ Nzu ti ye a nie ɲu wura mbaa n bo i wo u niwa nyumbaa nu, ye a nie ɲu má yeenzin n bo i wo u deɛ nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye sanga kere yeenzin n wo u deɛ nyumbaa n nu a? ⁵ Wɔɔ burukɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyumi na a yi wura mbaa n bo i wo u niwa n deɛ nyumbaa nu ni.

⁶ Má am se ka am fa deke bo i ti casi fa ma caam, nzen am yoori so, bu kpíe bu nyi fɔn tara am wɔ, na bu kán titi am nu. Sasu bekun, má am se ka am fa afere fofu bo bu la gɔ agaya, fa tu afam. Má nyini, bu tíntien i su wura fa nu wɔ.”

Kabo Yesu na Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme dɔ, na i má am. Am niɛniɛ deke bo am koro i dɔ, na am ɲú i. Am bobo anɔ ni, na i téke i ma am. ⁸ Dama sɔnɔ kere bo i sere Nyeme deke be, i má i, na sɔnɔ kere bo i niɛniɛ deke be, i ɲú i, na sɔnɔ kere bo i bobo anɔ ni, i téke i ma i. ⁹ Ambeɛ nu, ɲma ye i wa sere i diire, ye i mi kéte na i fá yabuɛ ma i wa n a? Ai, be yo má so.

¹⁰ Wara, ambere nu, nma ye i wa sere i jombaa ye i kéte na i fá woo ma i wa n a? Ai, be yo má so. ¹¹ Tó, ambere, haari ni bo am ti satieyofom ni, am si aceeri kparam bo am fá ce am nbaam, nzu ti ye nzen am sereeri am Si Nyeme bo i wo angoro ni, i koro ma má am aceeri kparam a?

¹² Nyini ti, kabo am koro ka minem yó ma am ni, am yo i so ma bu, dama Nyeme nɔaniɛ kpamaawa n jore n kere lee, na i nɔaniɛ kanfom dee buka su.”

Kabo Yesu jɔjɔ fa kɔɔri anɔ n bo i ti fii n jɔre ni

¹³ Na Yesu akaaki ase ka, “Am fa anɔ n bo i ti fii n na am wura. Dama atin n bo i fa minem kɔ saakiibiri ni, i anɔ n ti tetere wɔ, na i natiri ti má kekere, nyini dee ti, minem dongu fa yiri wɔ.

¹⁴ Ama, atin n bo i fa minem kɔ ngɔɔ woobiri ni, i anɔ n ti fii wɔ, na i atin gusu nati ti kekereke, nyini dee ti, minem bo bu nju nyini atin n na bu su i su ni, bu sunnu má.”

Kabo Yesu na ya fa minem sayoowa fa si bu ni

¹⁵ Na Yesu akaaki ase ka, “Am si am nju sa ni kɔrefom bo bu yo bu nju ka bu ti Nyeme nɔaniɛ kanfom ni. Bu yo bu nju benle ka nbɔem wɔ, ama, bu ti ka bedim wɔ, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am anju ka buwe asu koto? Wara, am anju ka bedikantonɔga asu ndɔrɔwa? Ai. ¹⁷ Ama, i ti so ɔ lee, ka baka kpa kere su suuwa kpa a, na baka ngbeen kere su suuwa ngbeenngbeen. ¹⁸ Baka kpa koro su má suuwa ngbeen, na baka ngbeen gusu koro su má suuwa kpa. ¹⁹ Baka kere bo i su

má suuwa kpa, bu kpíe i wɔ, na bu fa ji sin nu. ²⁰ Nyini ti, bo bu yo bu ɲu ka bu ti Nyeme nɔaniɛ kanfɔm ni, bu sayoowa n nu, ye am koro fa si kabo bu ti barasu a.”

Kabo Yesu jɔjɔ fa kɔɔri jina cɛɛn n jɔrɛ ni

²¹ Na Yesu akaaki ase ka, “Má sɔnɔ kɛrɛ bo i bo fere m ka, ‘M Mibiɛ, m Mibiɛ,’ ni wura Nyeme femɛya n nu a, se má ka bo bu yo m Si Nyeme bo i wo aɲgoro n dɛɛ koroowa ni. ²² Jina cɛɛn n ba juuri, mine dɔɲgu bá se m ka, ‘Ya Mibiɛ, niɛ e. Ya yo faari u dɛɛ duma, na ya fa akan Nyeme jɔrɛ, na ya fa u duma n afɔn ayi ajinim afite minɛm ɲu, na ya kaaki afa u duma n ayo alekutura sam dɔɲgu.’ ²³ Na m nya se bu ka, ‘Amberɛ satieyofɔm ni, am fa cinsi m bi berɛ. M si má am cɛɛn n be cɛɛn n be da.’ ”

Miɛɛnu fa kɔ ataari tafɔ nnyɔ nbem jɔrɛ

²⁴ Na Yesu akaaki ase ka, “Nyini ti, sɔnɔ kɛrɛ bo i tiiri m dɛɛ nɔaniɛm n na i deerɪ i na i fa yoori juma, i mi ti ka alecirafɔ be bo i taari i awuru na i seeri i jaa n yabue su n wɔ. ²⁵ Na nzue aba atɔ, na wawa n kɛrɛ ayi asandi, na aɲuma akpisi awuru ni, ama, wɔ tɔ má, dama i jaa jina yabue su n dɛɛ ti. ²⁶ Ama, sɔnɔ kɛrɛ bo i tiiri m dɛɛ nɔaniɛm n na wɔ de má i, afa ayo má juma, i mi ti ka sinnzin be bo i taari i awuru ɲmie nu n wɔ. ²⁷ Na nzue aba atɔ, na wawa n kɛrɛ ayi asandi, na aɲuma akpisi awuru n na i kɛrɛ abereki atɔ liim. Nyini awuru n tɔɔwa n tiiri tie haari.”

²⁸ Saɲga bo Yesu ba jɔjɔɔri sɔ wieeri n na jama n ayo alekutura fa kɔ i kereewa n su, ²⁹ dama i

kereewa n awo i ngumi ni Yudafoṃ dɛɛ Nyemɛ nɔaniɛ kerefɔṃ ni. I kereewa n nu la yiko.

8

Kabo Yesu tuntuunri kokofɔ be ni

¹ Saŋga bo Yesu juraari buka n su ba juuri n na jama beberebe asu i su. ² Na kokofɔ be aba i dɔ, na wɔ ba akutu i nyunu asere i ka i buka i, i ŋa, “M Mibiɛ, nzen a koro ka a ma m nya laifiɛ, a koro ma m nya i.” ³ Na Yesu atenge i saa anana i ŋu, na wɔ se i ka, “M koro. Nya laifiɛ.” Na kokobi n akaba ayaki sɔnɔ n na wɔ nya laifiɛ. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ŋu kere Nyemɛ sayoowa dɔnguyofɔ ni, na a kɔ yo yoowa n bo Moyisi yo kereeri dawafɔṃ ni, dama nyini kere minem ka a nya u ŋu a.”

Kabo soja kpɛn be yoori Yesu yarada agaya ni

⁵ Saŋga bo Yesu kɔ wuraari Kapenam miɛ kpiri n nu ni, na Romafɔṃ soja kpɛn be aba asere Yesu jande ka i buka i, ⁶ i ŋa, “M Mibiɛ, m gbefenɛ da awuru, i saa ni i jaa kere awu, i sudi wahara agaya.” ⁷ Na Yesu ase i ka, “M bá na m ma i nya laifiɛ.” ⁸ Na soja kpɛn n ase i ka, “M Mibiɛ, m ti kaan ni be a ba m dika. Ama, haari a ma nɔaniɛ n mmɔɔ, m gbefenɛ ni nyá laifiɛ. ⁹ Dama mini mmɔɔ ni m tii n wo sɔnɔ saa nu wɔ, na mini gusu nya la m dɛɛ sojam bo m niɛ bu su. Na bo m nya se i ka, ‘Kɔ fɛn,’ na i kɔ, na m se nyinga gusu ka, ‘Bra fɛn,’ na i ba. Na m se m akɔɔ n gusu ka, ‘Yo ahin,’ na i yo i.” ¹⁰ Saŋga bo Yesu tiiri sɔ ni, na wɔ yo alekutura, na wɔ se

minem bo bu su i su n ka, “Nahore ye m suse am n a, ma nya anu má sɔnɔ bo i la yarada agaya ka ahin sɔnɔ n nusu, haari fa sanɔa ni Yisarelifɔm mmɔɔ. ¹¹ M suse am wɔ lɛɛ, ka, minem beberebe fite durunya n wiɛ afiri, ni wiɛ atɔɔri kerɛ, na berɛ, ni Abraham, ni Izaki, ni Jakobu bá sanɔa tana Nyeme femeya n nu, na bu dí na bu nú. ¹² Ama, na minem n bo má i ti ye ni ka berɛ wo Nyeme femeya n nu ni, na Nyeme fa bu tu awosin nu. Do na bu sún, na bu kán bu saa.” ¹³ Na Yesu anya ase soja kpɛn n ka, “Kɔ awuru. Kabo a yo yarada ni, i yó sɔ ma u a.” Na soja kpɛn n gbefene n anya laifie, nyini sanɔa n bo Yesu fa jɔjɔri ni.

Kabo Yesu tuntuunri tukpakifɔm beberebe Petoro dika ni

¹⁴ Sanɔa bo Yesu wuraari Petoro dika n na wɔ n ka Petoro sibara da sɔrɔ, i la má i nɔ, yakɔkɔ abo i. ¹⁵ Na Yesu aso i saa nu, na yakɔkɔ n ayaki i, na bara n ayasu, na wɔ kɔ ayo diire ama i.

¹⁶ Nyini cɛn n naaso, na ba fa minem beberebe n bo ajinim wo bu nɔ ni, aba Yesu do. Na wɔ ma ajinim nɔɔ na ba fite, na wɔ tuntun tukpakifɔm na bu kerɛ anya laifie. ¹⁷ I yoori sɔ, na nɔanie n bo Nyeme nɔanie kanfɔ Esaya yo jɔjɔri i n yo yiiwa wɔ, i na, “Na wɔ de ya afite ya tɔrem, ni ya tukpaki kerɛ nu.”

Minem bo bu koro ka bu su Yesu su n jɔre

¹⁸ Sanɔa bo Yesu nuuri jama n sɔ ni, na wɔ se i susufɔm n ka bu kpɛ kɔ kunma kpiri n bukun do. ¹⁹ Na Nyeme nɔanie kerefɔ kun aba Yesu do, aba ase i ka, “Ya Kerefɔ, deke kerɛ bo a kɔ, m

sú u su wɔ.” ²⁰ Na Yesu ase i ka, “Naakum la kunmam, na anumam gusu la tiɛrim, ama, mini Adamande Wa n yiri, m la má m tii daabiri.” ²¹ Na i susufɔm n kun be gusu ase i ka, “M Mibiɛ, ma m du mɔ kɔ yo m si sutura ka, na m nyá ba su u su.” ²² Ama, na Yesu ase i ka, “Wɔrɔ su m su, na a yaki bo ba wu ni, na bu se bu benju.”

Kabo Yesu kereeri ka i la yiko tara aɲuma ni nzue ni

²³ Nyini sin na Yesu awura lee nu, na i susufɔm n asu i su. ²⁴ Bu wo kɔ su sɔ ni, na aɲuma bambaka be ayasu nzue n nu, na i subo nzue gɔ lee n nu. Má lee ni suyi ni nzue wɔ. Ama, nyini saɲga na Yesu wo daafiri su. ²⁵ Na i susufɔm n akɔ atɛnge i, na ba se i ka, “Ya Mibiɛ, de ya tii ji, má nyini, ya wu awie.” ²⁶ Na wɔ se bu ka, “Nzu ti ye am soro sere sɔ a? Amberɛ, am yarada n ti kaan sɔ ɔ.” Na wɔ yasu atien aɲuma n ni nzue n ɲu, na dika n kere atara jum. ²⁷ Na ba yo alekutura, na ba se ka, “Nzu sɔnɔmbiri barasu la ahin, bo aɲuma ni nzue n mmɔɔ de i nɔaniɛ a?”

Kabo Yesu fɔn yiiri ajinim fiteeri mine nnyɔ nbem ɲu ni

²⁸ Saɲga bo Yesu kpiɛeri kunma kpiri n kɔ juuri awɔre n bo bu fere i ka Gadara n ni, na i ni mine nnyɔ nbem aye, bu fite faɲkunmam nu wɔ, ajinim wo bu ɲu. Bu ti tiɛ haari bo be koro nati sin má nyini awɔre n nu. ²⁹ Bu ɲuuri Yesu sɔ ni, na ba tien afere i, bu ɲa, “Nyɛmɛ Wa, a koro nzu ya nu fen a? A ba ka a ba ma ya ɲu anyumboro wɔ ka, na saɲga n nya ju, nzen se?” ³⁰ Nyini saɲga afam beberebe wo di su, bu waari

má ni berɛ, ³¹ na ajinim n asere Yesu ka, “Nzɛn a ɲa a fɔn ya fite minɛm n ɲu, ma ya kɔ fun afam n ɲu.” ³² Na Yesu ase bu ka, “Am kɔ.” Na ba fite ayaki minɛm ni, na ba kɔ afun afam n ɲu. Dika n nu berɛ, na bu kerɛ aɲmati acoɔndi akɔ ato kunma kpiri nzue n nu, na nzue n adi bu. ³³ Afa sasafɔm ni ɲuuri nyini n sɔ ni, na ba ɲmati akɔ miɛ n kunnu akɔ abo ndoori, fa kɔ sa n bo wɔ yo n su. Na ba kan sa kerɛ bo i tuuri minɛm n bo ajinim woori bu ɲu ni. ³⁴ Na miɛ n nufɔm kerɛ pepere afite akɔ Yesu dɔ. Saɲga bo bu kɔ ɲuuri i sɔ ni, na ba sere i jande ka i fite bu awɔre n nu.

9

Kabo Yesu tuntunri sɔnɔ bo i saam ni i jaam awu ni

¹ Na Yesu akaaki awura lee n nu, akpie ako i bɔsu. ² Dɔ na mine nbem afa sɔnɔ be aba i dɔ, i saam ni i jaam awu. Bu sɔri i ni i dasu kerɛ baari a. Yesu ɲuuri kabo bu yoori i yarada n sɔ ni, na wɔ se sɔnɔ n bo i saam ni i jaam awu n ka, “M wa, ma u ahore si, dama ma fa u satie ace u.” ³ Dɔ na Yudafɔm Nyemɛ nɔanie kerefɔm nbem asunsun bu ahore su ka, “Ahin sɔnɔ n sujɔɔ wura Nyemɛ ɲgasi nu.” ⁴ Yesu siiri bu sunsunni nu sɔ ni, na wɔ bisa bu ka, “Nzu ti ye am bita sunsunni tie am ahore su a? ⁵ Bɔnɔ ti kekereke a, bo m se ka, ‘Ma fa u satie ace u,’ nzɛn, ‘Yasu fa u dasu n na a nati’ n a? ⁶ Ama, m kɛre am ka mini Adamande Wa n la yiko durunya n nu bo m fa minɛm satie ni bu ɲgasi ce bu.” Na wɔ se sɔnɔ n ka, “Yasu fa u dasu n na a kɔ awuru.” ⁷ Na sɔnɔ n ayasu, na wɔ kɔ awuru. ⁸ Saɲga bo jama

n ɲuuri nyini n sɔ ni, na ba yo alekutura, na ba kansi Nyeme, kabo wɔ ma minem nyini yiko n ni.

Kabo Yesu fereeri Matio ka i ba su i su ni

⁹ Na Yesu ayasu dɔ akɔ. I wo kɔ su sɔ ni, na wɔ ɲu lampodefɔ be, bo bu fere i ka Matio, ka i tana i juma yoobiri. Na Yesu ase i ka, “Yasu bra na a ba su m su.” Na wɔ yasu asu i su.

¹⁰ Saɲga bo Yesu wo Matio dika, sudi diire ni, na satieyofɔm, ni lampodefɔm beberebe aba Yesu ni i susufɔm n dɔ, na ba saɲga adi diire. ¹¹ Farasifɔm ɲuuri nyini sɔ ni, na ba bisa Yesu susufɔm n ka, “Nzu ti ye am kerefɔ n ni lampodefɔm, ni satieyofɔm saɲga di diire a?”

¹² Na Yesu ati bu jɔjɔwa n na wɔ bɔ bu nu ka, “Minem bo bu la laifɛ n koro má ayirifɔ, má ka bo bu la má laifɛ ni koro a. ¹³ Am kɔ na am kɔ fiiti Nyeme nɔanie n nu na am ti i bu, kabo ba kere i ka, ‘M koro aɲunfɔ si tara bo am yo yoowa ma m.’ Ma ba má ka m bá fere minem bo bu ɲa bu yo sa bo i kɔ atin su Nyeme dɔ n wɔ, ama, m baari ka m bá fere satieyofɔm wɔ.”

Kabo Yesu kereeri nɔɔ cici jɔre ni

¹⁴ Na Yohane susufɔm n aba Yesu dɔ, aba abisa i ka, “Nzu ti ye yere ni Farasifɔm cici ya nɔɔ, ye u dɛɛ susufɔm bere cici má?” ¹⁵ Na Yesu abɔ bu nu ka, “Am sunsun ka konyafɔm koro wo ni ahoresaaki, saɲga bo konyafan n toko wo bu dɔ ni? Ama, saɲga suba bo bu bá yi konyafan n fite bu nu, nyini saɲga n ye bu nyá cici bu nɔɔ a.”

¹⁶ Na Yesu akaaki ase ka, “Be koro fa má sanvuin fɔfɔre kpa tɔ má tani dawa kunma, nzen

i yoori sɔ, sanvuin fɔfɔre ni sɔn tani dawa n wɔ, na i tɛke i kunma buka su. ¹⁷ I kaaki ti sɔ ɔ bekun ka be koro fa mǎ nzan nyiiwa fangafɔ gɔ mǎ dundu dawa bebete nu, nzen i yoori sɔ, dundu ni tɛe wɔ, na i kǎ ngbeɛn, na nzan n kere sɔngi butu. Ama, i ti ye ni ka, bu fa nzan nyiiwa fangafɔ gɔ dundu fɔfɔre biiwa nu wɔ, na bu fa taka bo pui yo mǎ i.”

Bara tukpakifɔ be, ni baabara be yiwee jɔre

¹⁸ Sanga bo Yesu wo jɔjɔ su sɔ ni, na Yudafɔm kpiɛn be bo i nie bu tientienbunɔɔ sɔɔ n su n aba akutu i nyunu, ase i ka, “M wa baabara awu, jina n nu bere. Bra na a ba fa u saa nana i ɲu, na i nyǎ ngɔɔ.” ¹⁹ Na Yesu ayasu, na i ni yiri akɔ, na i susufɔm n asu su.

²⁰ Dɔ na bara be woori jama n nu, i bita abiɛeri i afo buru ni nnyɔ lee bo i kpu na i kpie mǎ. Na wo sakati awura jama n nu Yesu sin, afa i saa akan Yesu tanlee n jaa bu. ²¹ Dama i seeri i kunnu ka, “Haari m fa m saa kaanri i tanlee ni mmɔɔ, m nyǎ laifie.” ²² Na Yesu akaaki anie anu i, na wo se i ka, “M wa, ma u ahore si. Yarada n bo a yo m ni, yiri ma a nya laifie a.” Dika n nu bere, na bara n anya laifie.

²³ Sanga bo Yesu kɔ juuri kpiɛn n dika ni, na wo ɲu see mbie kanfɔm, ni jamam ka bu wo nanmie su. ²⁴ Na wo se bu ka, “Am fa sin fite, baabara n awu mǎ, wo daafi wo.” Ama, na ba siri i. ²⁵ I fɔɔnri jama n kere fite wieeri ni, na wo nya awura sɔɔ n bo baabara n da nu n nu, na wo kɔ atara i saa, na wo yasu. ²⁶ Na nyini labari n abara aye dɔ dee awɔre n kere nu.

*Kabo Yesu tuntuunri anyinsin nnyo nbem na bu
nuuri asi ni*

²⁷ Na Yesu afite bere, i suko n na anyinsin nnyo nbem asu i su, subo fere i, bu na, “Feme Davidi anuma, si ya aɗunfo.” ²⁸ Na sangha bo Yesu ko wuraari awuru n nu ni, na anyinsinm n aba i do na wo bisa bu ka, “Am yo yarada ka m koro ma am nya laifie?” Na ba bo i nu ka, “Een, ya Mibie, ya yo yarada.” ²⁹ Do na wo fa i saa akan bu nyumbaam, na wo se bu ka, “Kabo am ayo m yarada ni, i yo so ma am.” ³⁰ Na bu nyumbaam n ateke, na ba nu asi. Na Yesu abobo bu ni nahore su ka, ma bu ma be si sa n bo wo yo i ni. ³¹ Ama, na ba ko abo ndoori abara aye do dee awore n kere nu, fa ko sa n bo Yesu ayo i ni.

Kabo Yesu ma bobo be nyaari laifie ni

³² Sangha bo anyinsinm n fite kori n dee sin, na mine nbem afa sono be aba Yesu do, ajini ayo i bobo wo. ³³ Yesu fon yiiri ajini n fiteeri sono n nu wieeri n na wo koro ajojo. Na jama n ayo alekutura, na ba se ka, “Ya nya nu ma ahin sa n be nusu een be, Yisareli asien n su.” ³⁴ Ama, na Farasifom n ase ka, “Ajanim kere dee feme ni ma i yiko ye i koro fon yi ajanim n a.”

Kabo Yesu siiri jama ni aɗunfo ni

³⁵ Na Yesu abara aye mie ngbingbirim, ni kan kanm n kere su, na i sukere minem, bu tientienbunoo soom n nu, na i sukan labari kpa n fa ko Nyeme femeya n su, na wo tuntun mine bo tukpaki barasu barasu n kere bita bu ni, na ba nya laifie. ³⁶ Sangha bo Yesu nuuri jama n na

wɔ si bu aɲunfo, dama ba di wahara, na bu la má bukafo. Bu ti ka nbɔɛm bo bu la má sasafɔ ɔ. ³⁷ Na wɔ se i susufɔm n ka, “Fiesu diire n sunnu, ama, bo bu kɔ i tambu n sunnu má. ³⁸ Nyini ti, am sere Mibiɛ n bo i dɛɛ la fie n ka i sunma jumayofɔm na bu kɔ i tambu.”

10

Kabo Yesu yiiri mine buru ni nnyɔ ka bu yo i jaramasam ni

¹ Na Yesu afere i susufɔ buru ni nnyɔm ni, na wɔ ma bu yiko ka bu kɔ sufɔn yi ajinim fite minem ɲu, na bu ma tukpakifɔm barasu barasu kere nya laifie. ² I jaramasa buru ni nnyɔm n bo i yiiri bu n duma n la Simon, bo bu fere i ka Petoro ni, ni i niema Andere, ni Yakobo ni i niema Yohane bo bu si la Zɛbedi ni, ³ ni Filipu, ni Batolomeyo, ni Tomasi, ni Matio bo i ti lampodefɔ ni, ni Yakobo bo i si la Alafeyo ni, ni Tadayɔ, ⁴ ni Simon bo i tu ɲgoni fa kɔ i asien su ni, ni Yudasi Isikariyoti bo i ba tɔori Yesu ni.

⁵ Na Yesu asunma nyini mine buru ni nnyɔm n na wɔ ma bu ahin nɔaniɛ ni, i ɲa, “Má am kɔ miɛm bo bu ti má Yudafɔm miɛm n nu, wara am wura Samariyafɔm miɛ be nu. ⁶ Ama, am kɔ Yisarelifɔm bo bu ti ka nbɔɛm na ba mini n dɔ. ⁷ Am kɔ na am kɔ kan Nyɛmɛ jɔrɛ kere bu, na am se bu ka, sanɲa n adodo bo Nyɛmɛ Fɛmɛ bá niɛ i minem su. ⁸ Na am ma tukpakifɔm nya laifie, na am tenɲe bo ba wu ni, na am ma kokofɔm nya laifie, na am fɔn yi ajinim fite minem ɲu. Kabo ma ma am ahin yiko n na ma de má pui ni, am gusu yo sɔ n na má am de pui. ⁹ Má am se ka am

bita ηwaa be, haari ηwaa kaan mmɔɔ. ¹⁰ Ahin atin n bo am sukɔ i ni, má am se ka am bita kuruku, má am fa tanlɛɛ be buka bo am wura i n su, má am fa gbagbaa, má am fa kpama, dama jumayofɔ kere ti ye ni ka bu ma i diire wɔ.”

¹¹ Na wɔ se ka, “Miɛ kpiri, wara miɛ kan kan kere bo am kɔ wuraari nu, am niɛniɛ sɔnɔ kpa, na am kɔ wo i dɔ, haari am bá fite miɛ n nu. ¹² Awuru kere bo am kɔ suwura nu, am bisa bu dɔŋgu, na am se bu ka Nyemɛ yo bu kisi. ¹³ Nzen nyini awuru n nufɔm deerɪ am wɔfɔ, am ma nyini kisi n ka bu dɔ, ama, nzen ba de má am, am kaaki de nyini kisi n bu dɔ. ¹⁴ Sasu bekun, nzen awuru, wara miɛ bo am kɔ wuraari nu, na ba de má am wɔfɔ, wara ba soro má am su ka bu ti am nɔaniɛ ni, am fite yaki nyini awuru n wara miɛ ni, na am kpɔnkpɔn yi am jaa tuturi kere. ¹⁵ Nahɔre ye m suse am n a, jina cɛɛn, Nyemɛ cín nyini miɛ n nufɔm sui tara Sodom ni Gomora miɛm n nu satieyofɔm ni.”

Kabo Yesu ηa bu bá kere i jaramasam wuwuruwa barasu ni

¹⁶ Na Yesu akaaki ase bu ka, “Am ti fɛn. M susunma am wɔ lɛɛ kabo nbɔɛm kɔ sanɔa bedim nu barasu ni. Nyini ti, am fa ηɔnle na am tara am ηu ka woom, na am yo am ηu benle ka tiwam. ¹⁷ Am si am ηu sa, dama mine bá fa am wura jɔredifɔm saa nu, na bu fín am ηgbere bu tientienbunɔɔ sɔɔm n nu. ¹⁸ Mini deɛ ti, bu cín am wura gominam ni nfemɛm saa nu. Nyini má am atin na am di m daani kere bere a, ni bo bu ti má Yudafɔm n kere. ¹⁹ Sanɔa bo bu bá faari am wuraari jɔredifɔm saa nu ni, má am ma am

ahore saaki fa kɔ kabo am kó jɔjɔ barasu. Nyini sanɔa n ba juuri, Nyeme má am nɔaniɛ ye am jɔjɔ a. ²⁰ Nɔaniɛ ni fite má am dɔ, ama, i fite am Si Nyeme dɛɛ Awiewie n dɔ, ye am jɔjɔ a.

²¹ Gɔrɔm ni niemam bá tɔ bu beɔgu ma bu kɔfɔm na bu kún bu, na nbaasim tó bu nbaam, na nbaam kéte bu wufɔm ɔu, na bu má minem kun bu wufɔm ni. ²² Mini dɛɛ ti, sɔnɔ kere kɔ́ am. Ama, wɔrɔ kere bo a mindi deeri nyini n kere kɔ juuri i awieeri su, Nyeme dé u tii ji. ²³ Sanɔa bo bu bá sukere am wuwuruwa mie be su, am ɔmati kɔ mie nyinɔa su. Nahɔre ye m suse am n a, am koro kan má Nyeme jɔre bara ye má Yisareli miem kere su ka, ye mini Adamande Wa ni kpíe m nyi ba.

²⁴ Sɔnsɔnfɔ tara má i kerefɔ, akɔɔ gusu tara má i mibiɛ. ²⁵ Nzen sɔnsɔnfɔ n ba juuri i kerefɔ n juubiri, i ti ye ni ka i nyunu yi i tii. Na nzen akɔɔ n ba juuri i mibiɛ n juubiri, i ti ye ni ka i nyunu yi i tii. Nzen bu nya fereeri awurufɔbie n ka Belazɛbuli, bo bu kaaki fere i ka Sitana ni, nyini sanɔa bu fére i dikafɔm bere kere ka se wɔ lɛɛ?”

Kabo wɔ yo daka ka ya soro Nyeme ɔgumi ni

²⁶ Na wɔ kaaki ase bu ka, “Nyini ti, má am soro sere ni minem. Dama deke be wo má bere bo i wo fieɛwa nu na bu bá ɔu má i, deke be gusu wo má bere bo i wo asiri nu na bu bá si má i. ²⁷ Deke kere bo m jɔjɔ seeri am kɔɔgue, wɔ yo daka ka am jɔjɔ i wiesu wɔ. Na deke kere bo m tuuri i asuturi am dɔ, wɔ yo daka ka am bo i ndoori na sɔnɔ kere ti i. ²⁸ Má am soro minem bo bu koro kun anuniembaa n na bu koro kun má awiewie n

ni. Ama, am soro Nyeme bo i koro saaki awiewie n ni anuniembaa n kere, cema sin nu ni. ²⁹ Am si ka njorem nnu nwaa ti kaan so o, ma so? Ama, bu kun n kpein mmoo to ma asienngu bo i ti ma ya Si Nyeme koroyanu. ³⁰ Haari am tiinmie kere mmoo bo i wo am tii su ni, Nyeme si i kere no. ³¹ Nyini ti, ma am soro sere. Am la anyunuyi Nyeme do tara njorem beberebe.”

³² Na Yesu akaaki ase bu ka, “Sono kere bo i kan kereeri minem ka i ti m susufo, mini gusu ba kan kere m Si Nyeme bo i wo angoro n ka i mi ti m dee wo. ³³ Ama, sono kere bo i keteeri minem nyunu ka i ti ma m susufo, mini gusu ba kete m Si Nyeme bo i wo angoro n nyunu ka i mi ti ma m dee.”

Kabo Yesu na wo fa kpakpaakinu aba barasu ni

³⁴ Na Yesu akaaki ase ka, “Ma am sunsun ka ma ba ka m fa tanalaifie ba ma durunya n nufom wo. Ma ma ma ka m fa tanalaifie ba, ama, m faari lue baari a. ³⁵ M baari ka m ba kpura baa ni i si tii wo, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sono dikafom kaaki i kpofom.

³⁷ Sono kere bo i koro i si, wara i ni tara mini, i ti ma ye ni ka i mi wo m do. Na sono kere bo i koro i wa baabieso, wara baabara tara mini, i ti ma ye ni ka i mi wo m do. ³⁸ Na sono kere bo i so ma i yiwee baka jaanu n na i su m su, i ti ma ye ni ka i mi wo m do. ³⁹ Sono kere bo i na i kpini i ngoo busu, i mi ba fun i, ama, na sono kere bo i tooi i ngoo mini dee ti, i mi nya ngoo.”

Kabo sɔnɔ kere bo i deeri Yesu susufɔm wɔfɔ nyá i nkato ni

⁴⁰ Na Yesu akaaki ase bu ka, “Sɔnɔ kere bo i de am wɔfɔ, i mi de mini wɔ lɛɛ, na sɔnɔ kere bo i de mini, i mi de yiri bo i sunmaari m wɔ lɛɛ.

⁴¹ Sɔnɔ kere bo i de Nyeme noanie kanfɔ ka i ti Nyeme noanie kanfɔ n deɛ ti, i mi nyá nkato kabo Nyeme noanie kanfɔ nya i n wɔ, na sɔnɔ kere bo i de sɔnɔ bo i yo sa bo i kɔ atin su Nyeme dɔ, na wɔ de i ka i yo sa bo i kɔ atin su n deɛ ti, i mi nyá nkato kabo sɔnɔ bo i yo sa bo i kɔ atin su n nya i n wɔ. ⁴² Nahore ye m suse am n a, sɔnɔ kere bo i saari nzue niniki kaan sɔ mmɔɔ, maari m susufɔ n bo i ti bu kere kaan n kun, ka i mi ti m deɛ susufɔ n ti, i mi nyá i nkato.”

11

¹ Sangá bo Yesu jɔjɔri i susufɔm n dɔ wieeri ni, na wɔ jengbe Galili awɔre n nu mie miem su, sukere minem, na wɔ kan Nyeme jɔre.

Kabo Yohane Nyeme Nzue Biefɔ n sunmaari i susufɔm Yesu dɔ ni

² Nyini sangá ni, ba nyi Yohane Nyeme Nzue Biefɔ n dansaraka sɔrɔ. Na wɔ ti sam kere bo Kristo Tiidefɔ n suyo bu ni, na wɔ sunma i susufɔm ka bu kɔ bisa i ka, ³ “Wɔrɔ ye bu yo seeri ka a bá n a, nzen ya nmínda sɔnɔ fɔfɔre be wɔ?”

⁴ Na Yesu abɔ bu nu ka, “Am kpíe am nyi kɔ se Yohane fa kɔ sam bo am ati bu na am aɲu bu ni, ka ⁵ anyinsinm aɲu asi, wɔbukam akoro anati, kokofɔm anya laifíe, asuturim ati asui, minem bo ba wu n atenge, na yaarifɔm gusu akoro ati

labari kpa ni. ⁶ Terefiε wo minem bo bu yo m yarada na bu la má sika be ni mini n dɔ.”

⁷ Saŋga bo Yohane susufɔm kaaki sukɔ ni, na Yesu ajojo jama n dɔ, fa kɔ Yohane ηusu jɔre, i ηa, “Saŋga bo am fite kɔori Yohane dɔ, boro kpantain n nu ni, am kɔori ka am kɔ ηu nzu wɔ? Am kɔori ka am kɔ ηu sɔnɔ bo i ti ka barankpaati fofoe bo aɲuma n kankan i wɔ? ⁸ Nzen má nyini, nzu ti ye am kɔori a? Am ηa am kɔ ηu sɔnɔ bo i wura sutura ηgbingbiri wɔ? Ai, am si ka minem bo bu wura nyini suturam ni, bu wo nfemem dika a. ⁹ Nzen má nyini, nzu ti ye am kɔori a? Am kɔori ka am kɔ ηu Nyeme nɔanie kanfɔ ɔ? Eεn, m suse am wɔ lεε, ka, am aɲu sɔnɔ bo i tara Nyeme nɔanie kanfɔ. ¹⁰ Dama Yohane ye bu yo kerεeri i Nyeme Jɔre Kadasi n nu ka,

‘Nyeme ηa o,

“M dú mɔ sunma m sunmafɔ n na i dú u mɔ,
yiri kó yo u atin n dɔŋgu se u a.” ’

¹¹ Nahɔre ye m suse am n a, Yohane Nyeme Nzue Biefɔ n la má abeŋgu, bo i tara i durunya n nu. Ama, sɔnɔ kerε bo i ti kaan, Nyeme femeya n nu n tara yiri Yohane.” ¹² Na Yesu akaaki ase ka, “Fite saŋga bo Yohane Nyeme Nzue Biefɔ n boori Nyeme jɔre kan n bu ni, fa ba ju ni kisa, ye Nyeme femeya n ηuuri kekereke a, na minem afa anyumboro ka bu wura nu de i. ¹³ Nyeme nɔanie kanfɔm kerε, ni Moyisi du mɔ kerεeri Nyeme Jɔre Kadasi n nu fa kɔ Nyeme femeya n su ka, ye Yohane nya baari a. ¹⁴ Nzen am yó bu nɔaniem yarada, Yohane la yiri n bo bu yo kerεeri ka Eliya

káaki ba n a. ¹⁵ Bo i koro ka i ti ahin jore n bu, i ti ye ni ka i so i sui na i ti.”

¹⁶ Na Yesu akaaki ase ka, “Ye m fá nzu fa sunsun kabo nyumafɔ ti a? Bu ti ka nbaatuma kan kanm bo bu tana gɔɔsu wɔ. Na bu sufere bu benngu, ¹⁷ bu ɲa, ‘Ya kan tere ama am, ama, am abo má kereba. Ya di sɛɛ jue ama am, ama, am asun má.’ ¹⁸ Deke bo i ti na m se sɔ n la ka, Yohane ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na ba se ka ajini wo i ɲu a. ¹⁹ Ama, mini Adamande Wa n ba juuri, na m ni mine asanga adi, na ya sangga anu, na ba se ka, ‘Am niɛ, ahin sɔnɔ n yiri, i ti ayaakpirifɔ ɔ, na i nu nzan nahore su. Wɔ tara lampodefɔm, ni satieyofɔm danfoya.’ Tɔ, minem kere bo bu su Nyeme dɛɛ alecira n atin n su ni, bu sayoowam kere ka i ti nahore a.”

Kabo Yesu ɲa miɛ nbem n nufɔm bá ɲu anyumboro barasu ni

²⁰ Miɛm bo Yesu yoori alekutura sam beberebe nu ni, bu minem n akaaki má bu wo, nyini ti, na Yesu akan bu ndie, ²¹ i ɲa, “Amberɛ Korazinfɔm, am bá ɲu anyumboro. Amberɛ Besayidafɔm gusu, am bá ɲu anyumboro. Alekutura sam bo m yo maari am ni, má nzen m yoori bu Tiro ni Sidon miɛ kpirim n nu, má minem n akaaki bu wo dada kere na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n dɛɛ ti ni. ²² Ama, m suse am wɔ lɛɛ, ka, jina cɛɛn, Nyeme bá cin am sui tara Tiro ni Sidon dɛɛ satieyofɔm. ²³ Amberɛ Kapenamfɔm gusu, am sunsun ka Nyeme bá ye am su kɔ angoro wɔ?

Ai, i bá yo am kaan wɔ, na i fá am cɔndi kɔ Yiweefɔm Woobiri nu. Alekutura sam bo m yo maari am ni, má nzen m yoori bu Sodom miɛ kpiri n nu, má kisa, miɛ n toko wo bere haari ni nyuma. ²⁴ Ama, m suse am wɔ lɛɛ, ka, jina cɛɛn, Nyemɛ bá cin am sui tara Sodom dɛɛ satie-yofɔm.”

Kabo Yesu jɔjɔ fa kɔɔri kabo i woowa ti barasu ni

²⁵ Nyini sanɔa n na Yesu ase ka, “M Si Nyemɛ, worɔ ti aɔgoro ni asienɔgu kere Mibiɛ a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. ²⁶ M Si, i ti nahɔre wɔ, kabo a koroori ka i yo lɛɛ.”

²⁷ Na wɔ kaaki ase bu ka, “M Si Nyemɛ afa deke kere awura m saa nu. Be si má Nyemɛ Wa ni, má ka i Si Nyemɛ si i a, na be gusu si má i Si ni, má ka Baa ni si i a, ni minɛm bo Baa n koro ka i yi i kere bu ni, bere si i a.”

²⁸ Na wɔ kaaki ase ka, “Amberɛ kere bo am sɔ sɔori nɔnɔori n na am afie ni, am bra m dɔ, na m má am numiyi. ²⁹ Am de m sɔori ni, na am ma am wo ti kabo m dɛɛ n ti ni, dama m ti benle wɔ, na m yo m ɔu kaan. Mini dɔ ye am nyá numiyi a. ³⁰ Dama kereewa n bo m fa ma am n ti má kekereke, na sɔori n gusu bo m fa sɔ am n wo má nɔ.”

12

Kabo Yesu jɔjɔ fa kɔɔri Numiyi cɛɛn jɔre ni

¹ Nyini sanɔa n na Yesu ni i susufɔm ni sunati sin alembaa fie be nu, Yudaɔm Numiyi cɛɛn ni.

Na ahɔe ati i susufɔm ni, na ba bubu be akpese. ² Saŋga bo Farasifɔm ni ŋuuri nyini sɔ ni, na ba se Yesu ka, “Niε fen. Kabo u susufɔm ni suyo ni, Nyeme nɔanie kpamaawa n kere ka má be yo sɔ, Njumiyi cɛen ni.” ³ Na wɔ se bu ka, “Am nya kan má Nyeme Jɔre Kadasi n nu, kabo Feme Davidi yo yoori saŋga bo ahɔe tiiri i ni i minem na ba si má kabo bu yo ni, nzen se?” ⁴ Ahɔe n ti, na wɔ kɔ awura Nyeme Sereebiri Awuru n nu, na wɔ di kpɔnɔ n bo ba fa ama Nyeme ni, na wɔ ma i minem ni be. Ama, am si ka ya dɛe atin n su, Nyeme sayoowa dɔŋguyofɔm ŋgumi ti ye ni ka bu di nyini kpɔnɔ n a. ⁵ Sasu bekun, am nya kan má Nyeme Jɔre Kadasi n nu, kabo Njumiyi cɛen n kere cɛen, na Nyeme sayoowa dɔŋguyofɔm ni saaki Njumiyi cɛen n ciire ni, na bu yo bu yoo-wam Nyeme Sereebiri Awuru n nu, na be se má bu pui, nzen se?” ⁶ M suse am wɔ lɛɛ, ka, deke bo i tara Nyeme Sereebiri Awuru n wo fen. ⁷ Ba kere i Nyeme Jɔre Kadasi n nu ka, Nyeme ŋa o, ‘M koro aŋunfɔ si tara bo am yo yoowa ma m.’ Nzen má am si nyini nɔanie n bu, má am ma má bu di minem jɔre cin bu sui, bere bo bu la má ŋgasi be ni. ⁸ Dama mini Adamande Wa ni ti Njumiyi cɛen n Mibiε n a.”

Kabo Yesu tuntuunri sɔnɔ asaa fuin be Njumiyi cɛen ni

⁹ Na Yesu ayasu dɔ akɔ awura bu tientienbunɔɔ sɔɔ n nu. ¹⁰ Sɔnɔ asaa fuin be woori dɔ. Na mine nbem akoro ka bu sɔ Yesu ŋgeε na bu járaki i ka na wɔ saaki Njumiyi cɛen n ciire ni. Dɔ na ba bisa i ka, “Atin wo nu ka ya koro ma sɔnɔ nya

laifɛ, Nɔmiyi cɛɛn ni?" ¹¹ Na Yesu abo bu nu ka, "Am nu, n̄ma ye i bɔɛ ti kun n kpein ye i toori kunma n̄goŋgo nu Nɔmiyi cɛɛn n ye i mi wúra yi má i a?" ¹² Adamande tara bɔɛ fieo. Nyini ti, ya dɛɛ atin n su, atin wo nu ka ya yo sakpa Nɔmiyi cɛɛn ni." ¹³ Na wɔ nya ase sɔnɔ n ka, "Tɛŋge u saa ni." Na wɔ tɛŋge i saa ni, na i saa n ayo faŋga bekun ka nyinga ni. ¹⁴ Dɔ na, Farasifom n afite akɔ asɛɛ bu n̄u su, kabo bu yó na bu kun Yesu.

Kabo amusuisufɔ n bo Nyɛmɛ ayi i n ti barasu ni

¹⁵ Saŋga bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpaki-fom kere anya laifɛ. ¹⁶ Na wɔ bɔbɔ bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyɛmɛ nɔaniɛ kanfɔ Esaya yo jɔjɔori n yo yiiwa a, i n̄a,

¹⁸ "Nyɛmɛ n̄a o,

‘M amusuisufɔ bo ma yi i ka i yo m sa koroowa n yaa.

Yiri ye m koro i a, m ahore ajo i n̄u.

M má m Awiewie n ba wura i n̄u.

Na i kó kan kere durunya n nufom kere kabo m nahore atin n ti barasu.

¹⁹ I ni be sé má akuruwa, wara i tíentien má.

I káaki yo má nan̄mie atingberem su.

²⁰ I búbu má janja wura bo wɔ biri,

na i nó má fitana bo i je má nyunyumi.

I wó bere sɔ

haari na m nahore atin n bá kunma deke n kere.

²¹ Na durunya n nufom kere bá ti i duma ni,

na bu yó i tama.' ”

Kabo Farasifom tuunri Yesu nzuin ka i ni Sitana dɛɛ ti kun ni

²² Nyini sin na ba fa sɔnɔ be aba Yesu dɔ, ajini ayo i anyinsin ni bobo wɔ. Na Yesu ama wɔ nya laifie, na wɔ koro ajojo, na wɔ ɲu asi. ²³ Na minem kere ayo alekutura, na ba bisa bu ɲuɲu nu ka, “Feme Davidi anuma n lee, nzen se a?” ²⁴ Ama, Farasifom tiiri sɔ n na ba se ka, “Belazebuli bo i ti ajinim kere dɛɛ feme ni, yiri ɲgumi ma ahin sɔnɔ n yiko dɛɛ ti, ye i koro fon yi ajinim n a.”

²⁵ Yesu siiri bu sunsunni n sɔ n na wɔ se bu ka, “Femeya kere bo i nya kpakpaakiiri nu wieeri, nyini femeya ni ka ngbeen wɔ. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sáandi wɔ. ²⁶ Nyini ti, nzen má Sitana bo i ti ajinim kere feme n nya fon i ajinim fite minem ɲu, má nyini kere ka ba kpakpaaki nu lee. Ye i yó se ye i femeya ni koro jina a? ²⁷ Tɔ, ye nzen am ɲa Belazebuli maari m yiko, ye m fa fon yi ajinim a, ye ɲma maari am dɛɛ minem ni yiko ye bu bita fon yi bu n a? Nyini ti, kabo am minem yoori ni, nyini kere ka am la má nahɔre. ²⁸ Ama, Nyeme dɛɛ Awiewie ni ma m yiko ye m fa fon yi ajinim a. Nyini n kere ka Nyeme Feme wo am nu sunie i minem su lee.

²⁹ Bekun, i bá yo se ye be koro wura sɔnɔ fanɲafɔ dika na i fin i nenɲe a, má ka wɔ tara i fanɲafɔ acin i nyama ka? Nyini sin na i nyá koro fin i nenɲe bo i wo awuru n nu.

³⁰ Sɔnɔ kɛrɛ bo i jina má m sin, i mi ti m kpɔfo ɔ. Na sɔnɔ kɛrɛ gusu bo i buka má m na ya tien minem nɔɔ, i mi sandi minem wɔ. ³¹ Nyini ti, m suse am wɔ lɛɛ, ka, Nyɛmɛ koro fa minem satie kɛrɛ fa ce bu, haari fa kɔ sanga ni jɔrɛ ngbɛɛnngbɛɛn kɛrɛ bo bu jɔjɔri i fa kɔ Nyɛmɛ dɔ, ama, sɔnɔ kɛrɛ bo i jɔjɔ wuraari Awiewie Casi ni ngasi nu, Nyɛmɛ fá má i mi ngasi ce má i. ³² Sɔnɔ kɛrɛ bo i jɔjɔ wuraari mini Adamande Wa ni ngasi nu, Nyɛmɛ fá i mi ngasi ce i. Ama, sɔnɔ kɛrɛ bo i jɔjɔ wuraari Awiewie Casi ni ngasi nu, Nyɛmɛ fá má i mi ngasi ce má i, fite kisa haari fa kɔ fa ba.”

Kabo Yesu na ya fa minem woowa fa si kabo bu ti ni

³³ Na Yesu akaaki ase bu ka, “Baka kɛrɛ bo i nya ti kpa, su suuwa kpa a, na baka kɛrɛ gusu bo i nya ti má kpa, su suuwa tietie wɔ. Dama baka kɛrɛ suuwa, ye a fa si kabo i ti a. ³⁴ Ambɛrɛ burukɔɔnufɔm ka woom ni, kabo am ti satieyofɔm sɔ ni, am yo sɛ koro yo sakpa bekun a? Dama dekem n bo am sunsun bu am ahore su n ye am jɔjɔ bu a. ³⁵ Sɔnɔ kpa ni i deke kpa kɛrɛ bo i bita i, fa sakpa ba a. Na sɔnɔ tie gusu ni i deke tie bo i bita i, fa satie ba a. ³⁶ M suse am wɔ lɛɛ, ka, jina cɛɛn, Nyɛmɛ dí sɔnɔ kɛrɛ jɔrɛ fa kɔ jɔrɛ ngbɛɛnngbɛɛn kɛrɛ bo i yo jɔjɔri i. ³⁷ Dama u nɔɔnie jɔjɔwa má a fite nu a, na u nɔɔnie jɔjɔwa gusu má bu di u jɔrɛ cin u sui a.”

Kabo Yesu keteeri ka i yó má alekutura sa bo bu koro i ni

38 Na Nyeme nɔanie kerefɔm, ni Farasifɔm nbem ase Yesu ka, “Ya Kerefɔ, ya koro ka a yo alekutura sa be kere ya na ya ɲu i.” 39 Na Yesu ase bu ka, “Amberɛ nyumafɔ, satieyofɔm bo am su má Nyeme ni, ye am koro ka m yó alekutura sa be na am niɛ a? Ai, m yó má alekutura sa be na am ɲu i fieo, má ka alekutura sa n bo Nyeme yo yoori i maari i nɔanie kanfɔ Jona ni ɲgumi. 40 Dama kabo Jona yo woori jombaa bambaka be kunnu kɔ juuri lesan, kɔɲgue ni wiesu ni, so ye mini Adamande Wa ni bá wo asien n bu kɔ ju lesan, kɔɲgue ni wiesu a. 41 Jona yo kaanri Nyeme jɔre kereeri Ninevafɔm na ba kaaki bu wo. Jina cɛɛn, bere bá yasu jina na bu járaiki amberɛ nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo. 42 Feme bara be yo fiteeri haari i bɔsu Seba wɔ, na i bá ti Feme Solomon dɛɛ alecira jɔjɔwa nɔanie ni. Jina cɛɛn, yiri bá yasu jina na i járaiki amberɛ nyumafɔm nahɔre su, dama kisa, m suse am wɔ ka, mini tara Feme Solomon, ama, am ade má m nɔanie ni.”

Kabo ajini bá kaaki ba i woobiri dawa na i ti barasu ni

43 Na Yesu akaaki ase bu ka, “Nzen ajini nya fite yakiiri sonɔ, i kɔ jɛɲgbe bara ye boro kpantain nu wɔ, deke bo nzue wo má, na i kɔ niɛniɛ woobiri bo i tana yi i ɲumi. Nzen wɔ nya má woobiri, 44 nyini sanɲa, a ti ka i ɲa, ‘Ma m kpie m nyi kɔ m woobiri dawa ni.’ Na i kaaki kɔ, i kɔ ɲu ka ba kpara dika n nyunyumi, asese deke kere su, be wo má nu. 45 Na i nyá kɔ fa ajinim nso, bo bu ti

tie tara yiri ni i tii, na bu kere bá wura woobiri dawa n nu. Nyini san̄ga, a ɲu ka sɔnɔ n woowa ayo tie atara kabo i yo ti dawa ni. Sɔ ye i bá yo ma ahin nyumafɔm bo bu satieyo asunnu n a.”

Minem bo bu ti Yesu ni, ni i ninbaam nahɔre su n jɔre

⁴⁶ Yesu toko wo minem dɔ jɔjɔ su ni, na i ni, ni i niemam aba aka ajina dasin, na ba se ka bu koro ka bu jɔjɔ i dɔ ɔ. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu jɔjɔ u dɔ.” ⁴⁸ Sɔnɔ n seeri i sɔ wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wɔ fa i saa akere i susufɔm ni, na wɔ se ka, “Niε fen. M ni, ni m niemam n yaa. ⁵⁰ Dama sɔnɔ kere bo i yo m Si Nyeme bo i wo angoro n dεε sa koroowa, yiri ti m siwa, ni m niwa, ni m ni a.”

13

Miεnu fa kɔ kabo dɔdɔɔrifɔ be sandiiri alembaa ni

¹ Nyini cεen n na Yesu afite awuru n nu akɔ atana Galili kunma kpiri n nɔɔ su, ka i kan Nyeme jɔre kere jama ni. ² Na jama beberebe atien bu nɔɔ i dɔ. Bu sunnuuri beberebe sɔ n dεε ti, na wɔ wura lee nu atana, na bere aka ajina nzue n nɔɔ su. ³ Na wɔ bo miεnum na wɔ kere bu dekem beberebe. I ɲa, “Dɔdɔɔrifɔ be fiteeri sɔ ɔ, ka i kɔ sandi alembaa. ⁴ San̄ga bo i wo sandi su ni, na alembaa ni nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, fa n sunnu má n dεε ti, wɔ ce má, na wɔ fi, ⁶ ama, wiε ba fiteeri

agaya ni, na ba waandi, dama bunlui n akpama abi má. ⁷ Na aɛmbaa ni nbem atoto lolɔe nu, na lolɔe n anyi akata bu ŋu. ⁸ Ama, na aɛmbaa ni nbem atoto asien kpa su, na wɔ nyi awura mbaa zɔi zɔi.” ⁹ Na Yesu ase bu ka, “Bo i koro ka i ti ahin jɔre n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Nyini sin na i susufɔm n aba i dɔ, aba abisa i ka, “Nzu ti ye a nya ba ŋa a jɔjɔ minɛm dɔ, a bo bu miɛnu a?” ¹¹ Na Yesu abɔ bu nu ka, “Amberɛ ye Nyɛmɛ ma am asi i femɛya n nu asiri jɔre kerɛ a, ama, berɛ bo ba ka ni, i ma bu si má i. ¹² Dama sɔnɔ kerɛ bo wɔ nya deke be Nyɛmɛ dɔ na i mi si i bita, Nyɛmɛ búka i su wɔ, na i nyá beberebe, ama, bo i si má i bita, haari ni nyini kaan n bo i la i ni, Nyɛmɛ dé i dɔ ɔ. ¹³ Deke bo i ti na m bo bu miɛnu n la ka, bu niɛ wɔ, ama, bu ŋu má pui. Bu so bu sui wɔ, ama, bu ti má deke n bo bu so bu sui ka bu ti i n bu. ¹⁴ Bu ti sɔ n dɛɛ ti, ye Nyɛmɛ nɔaniɛ kanfɔ Esaya yo jɔjɔ niiri bu n a, i ŋa,

‘Nyɛmɛ ŋa o,

Am só am sui ni nahɔre su,

ama, am tí má deke bo am so am sui

ka am ti i n bu.

Am káaki niɛ ni nahɔre su,

ama, am ŋú má pui.

¹⁵ Dama ahin minɛm tii ti kekereke,

ba tɔ bu sui na má bu ti,

ba kata bu nyumbaa na má bu ŋu.

Má nyini, bu nyumbaa ŋú i wɔ,

na bu sui tí,

na bu sí bu ahore su,

na bu káaki bu wo,
na m má bu nya laifíe.’

¹⁶ Ama, ambere la terefié, dama am ñu asi, na am kaaki ti asui. ¹⁷ Nahore ye m suse am n a, Nyeme ñoanié kanfóm ni minem beberebe bo bu yo sa bo i kó atin su Nyeme dó n kere koroori ka bu ñu deke bo am aña i ni, ama, ba ñu má i, na ba koro ka bu ti deke bo am ati i ni, ama, ba ti má i.”

Kabo Yesu kereeri miénu n bu fa kó dódóorifó n su ni

¹⁸ Na Yesu ase i susufóm ni ka, “Am so am sui, na m se am miénu n bu, fa kó dódóorifó n bo i sandiiri alembaa n su. ¹⁹ Nbem de Nyeme ñoanié n fa kó i femeya n su kabo alembaa n tótóori atin nɔɔ n wɔ. Bu nya tiiri Nyeme ñoanié n na bu ti má i bu, i cé má, na Sitana bo i ti sɔnɔ tie ni, bá yi ñoanié n fite bu ahore su, a ñu ka bu wara afi i sa. ²⁰ Nbem gusu de Nyeme ñoanié n kabo alembaa tótóori tieka su n wɔ. Bu nya tiiri Nyeme ñoanié ni, a ñu ka ba de i ndende ni ahorejo, ²¹ ama, i da má bu ahore su. Bu kaaki ti ka alembaa n bo bu bunlui akpama abi má n wɔ. I woori bu dó kaan sɔ, na nzen wahara, wara kekereke be ba tuuri bu, fa kó bu Nyeme su n su, a ñu ka ba fa ati. ²² Nbem gusu de Nyeme ñoanié n kabo alembaa n tótóori lólóe nu n wɔ. Bu nya tiiri Nyeme ñoanié ni, a ñu ka bu sunsunni kere wo deke bo bu yó na bu asiri káta su, na bu koro kabo bu yó na bu nyá ajéke kere, na bu ahore bi fa kó durunya n nu neŋgem su, na Nyeme ñoanié n koro da má bu ahore su na i yo juma. Bu ti ka alembaa n bo i wura má mbaa n wɔ. ²³ Ama, nbem de Nyeme ñoanié n kabo alembaa n tótóori asien kpa su

n wɔ. Bu nya tiiri Nyeme noanie ni, na bu de i, na bu fa yo juma, na i yo kperɛ beberebe.”

Miɛnu fa kɔ wura mbaa fiwa ni

²⁴ Na Yesu abo bu miɛnu be bekun. I ɲa, “Kabo Nyeme Feme bá niɛ i minɛm su yaa. Sɔnɔ be kɔ sandiiri nvoni i fiesu a. ²⁵ Cɛɛn n be kɔŋgue n sɔɔ, saŋga bo sɔnɔ kere ada adaafi ni, na i kpɔfo be anya ayasu akɔ afa jaŋmɔŋgu nvoni asandi nvoni fie n nu. ²⁶ Saŋga bo nvoni n ba fi sukɔ nyinse ni, na jaŋmɔŋgu nvoni n gusu atu asaŋga nvoni kpa n nu. ²⁷ Na awurufɔbie ni akɔɔm aba i dɔ, aba ase i ka, ‘Ya mibie, m ɲa ya sandiiri nvoni kpa fie n nu e. Ye jaŋmɔŋgu nvoni n fiteeri ni, kɔ saŋgaari nu a?’ ²⁸ Na wɔ bɔ bu nu ka, ‘M kpɔfo be kɔ yoori nyini a.’ Na i akɔɔm n abisa i ka, ‘Ye a koro ka ya kɔ tutu jaŋmɔŋgu nvoni n butu wɔ, nzen se a?’ ²⁹ Na wɔ bɔ bu nu ka, ‘Am yaki i, dama nzen am ɲa am tutu jaŋmɔŋgu nvoni ni, am sáŋga tutu i ni nvoni kpa n kere wɔ. ³⁰ Am ma bu kere saŋga nyi, haari nvoni n kpie bá ju. Nyini saŋga na m nya se nvoni kpiefɔm ni ka bu kpie i kere na bu cin wɔrɔ jaŋmɔŋgu nvoni n tien i nɔɔ yara i ka. Nyini saŋga na bu nya tien nvoni kpa ba gɔ m bondo nu.’ ”

Miɛnu fa kɔ alembaa kaan be jɔre su

³¹ Na Yesu abo bu miɛnu be bekun. I ɲa, “Kabo Nyeme femɛya n ti yaa, i ti ka alembaa kaan kabo nyem mbaa ti n wɔ, bo sɔnɔ be dɔori i fiesu ni. ³² Yiri ti alembaam kere kaan, ama, bu nya ba dɔori na i fiiri, i tara toro nyawam n kere

bambaka, i koro nyi na i tetereki asambaam bo anumam koro yo bu tierim su.”

Mienu fa ko kpono ayiri n su

³³ Na Yesu akaaki abo bu mienu be bekun. I na, “Kabo Nyeme femeya n ti yaa, i ti ka ayiri bo bu fa go kpono samene nu na i yasu ni, na bara be fa goori samene beberebe nu, na i kere yasuuri n wo.”

Deke bo i ti na Yesu boori nyini mienum ni

³⁴ Ahin n kere, Yesu boori jama n mienu wo. Nahore, i se ma bu pui, ma ka mienu ye i bo bu a. ³⁵ I yoori so, adena nonie n bo Nyeme nonie kanfo n yo jooori n yo yiiwa a. I na, “Nyeme na o, ‘M bo bu mienu wo, na m ma bu si deke n bo ba si ma i, fite haari durunya n bumboori ni.’ ”

Kabo Yesu kereeri wura mbaa fiwa n mienu n bu ni

³⁶ Sangha bo Yesu cin yakiiri jama n na i ko wuraari awuru n nu ni, na i susufom n aba i do, aba ase i ka, “Ya koro ka a yi janmangu n voni n dee mienu n bu kere ya.” ³⁷ Na wo bo bu nu ka, “Sono n bo i sandiiri n voni kpa n la mini Adamande Wa ni. ³⁸ Fie n la durunya ni, na n voni n la minem bo bu fa Nyeme yo bu fem ni. Na janmangu n voni n la Sitana dee minem ni. ³⁹ Ye kofon bo i fa janmangu n voni n sangha n voni kpa n nu n la Sitana. N voni kpie sangha n la durunya n awieeri, ye n voni n kpiefom la Nyeme merkem ni. ⁴⁰ Kabo bu tientienri janmangu n voni n noo, na bu yaraari i ni, so ye i ba yo

durunya n awieeri a. ⁴¹ Mini Adamande Wa ni súnma Nyeme merékem, na bu bá tambu yi satieyofóm kere, ni deke kere bo i wura minem konvi na bu yo satie. ⁴² Na Nyeme merékem ni fá bu tu cema sin nu, do na bu sún, na bu kán bu saa. ⁴³ Na bo bu yo Nyeme sa koroowa n yiri nya yo wein ka wie, bu Si Nyeme femeya n nu. Bo i koro ka i ti ahin jore n bu, i ti ye ni ka i so i sui na i ti.”

Mienu fa ko ajekε n bo bu fundu seeri n su ni

⁴⁴ Na Yesu akaaki abo bu mienu be bekun. I na, “Kabo Nyeme Feme nie i minem su yaa, i ti kabo sɔnɔ be ko nuuri ajekε be, bo ba fundu i ase fie be nu n wɔ. I nuuri i sɔ n na wɔ kaaki akata su, na ahorejɔ aba i do agaya, na wɔ ko ato i neŋge kere bo i la i ni, na wɔ kpie i nyi aba ato nyini asien ni.”

Mienu fa ko afere fofoe be bo i la anyunuyi agaya n su ni

⁴⁵ Na Yesu akaaki ase ka, “Bekun, kabo Nyeme Feme nie i minem su yaa, i ti kabo watafo be bo i nati nienie afere fofoem bo bu la anyunuyi agaya na i to n wɔ. ⁴⁶ Sanga bo i ba ko nuuri be bo i la anyunuyi na i la go agaya ni, na wɔ ko ato i neŋge kere, na wɔ fa ato i.”

Mienu fa ko jombaa tarafom diendie su ni

⁴⁷ Na Yesu akaaki ase ka, “Bekun, kabo Nyeme Feme nie i minem su yaa, i ti ka diendie be bo bu fa sandiiri nzue nu, na bu taraari jombaa barasu barasu kere n wɔ. ⁴⁸ Sanga bo diendie n yiiri ni jombaam ni, na ba cin i afite kperε su, na ba

tana ka bu yiya jombaam ni. Bo bu nya ɲuuri ka bu ti kpakpam ni, na bu fa bere ji bu jombaa tara botom nu. Na bu nya fa bo bu ti ma kpan fikindi tu. ⁴⁹ I ba yo so o, durunya n awieeri, Nyeme ma i merkem ni nati ba yi satieyofom n fite bo bu yo sa bo i ko atin su Nyeme do nu, ⁵⁰ na i fa satieyofom ni tu cema sin nu. Do na bu sun, na bu kan bu saa.”

Mienu fa ko nenje fofore ni nenje dawa su ni

⁵¹ Na Yesu abisa bu ka, “Am ati ahin mienu n kere bu?” Na ba bo i nu ka, “Ya ti i bu.” ⁵² Na Yesu ase bu ka, “To, sono kere bo i kere Nyeme noanie ni, na i siiri kabo Nyeme Feme atin ti barasu, i mi ayo ka awurufobie bo i yi i nenje fofore ni i nenje dawa fite i nenje woobiri so n nu, na i fa ma minem wo.”

Kabo Yesu na Nyeme noanie kanfo la ma jirima i bosu ni

⁵³ Sanga bo Yesu boori nyini mienu kere ko wieeri ni, na wo yasu dika n nu do. ⁵⁴ Na wo kpie i nyi ako i bosu. Na wo kan Nyeme jore akere minem, bu tientienbunoo so n nu. Na bo bu tiiri i kereewa n kere ayo alekutura. Na ba bisa bu nuju nu ka, “Nifansu ye ahin sono n nyaari nyini Alecira n ni yiko koro yo nyini alekutura sam n a? ⁵⁵ Ma kamenta n wa n lee? Ma i ni la Mariya a? Ma Yakobo, ni Yosefu, ni Simon, ni Yudasi n goro n lee? ⁵⁶ Am nie e. Ma i niema nbaram kere wo ya nu fen n a? Ye nifansu ye ahin sono n ko sonsonri i si n kere a?” ⁵⁷ Na ba bu i ngbeen. Na Yesu ase bu ka, “Deke n kere bu

ma Nyeme noanie kanfo jirima a, ma ka i bosufom, ni i gisannufom ngumi do." ⁵⁸ I bosufom ayo ma i yarada n dee ti, wo yo ma alekutura sam beberebe do.

14

Kabo bu kuunri Yohane Nyeme Nzue Biefo n barasu ni

¹ Nyini sanja ni, na Feme Herode ati Yesu nga. ² Na wo se i nkpienkpienm bo bu wo i nyunu n ka, "Yohane Nyeme Nzue Biefo n lee, ye wo tenje i yiwee n nu a, nyini ti ye i la yiko koro yo nyini alekutura sam kere a." ³ Feme Herode yo ma bu taraari Yohane nyiri i wo, dama yiri Feme Herode yo fiinri i gofo Filipu yi Herodiya jaari wo. ⁴ Ma pui ti, Yohane yo seeri Feme Herode ka, "Nyeme noanie kpamaawa n kere ka a la ma atin ka a fa u gofo yi ja i ngoo su." ⁵ Ma Feme Herode yo koroori ka i kun Yohane wo, ama, i soroori Yudafom jama n wo, dama ba se ka Yohane ti Nyeme noanie kanfo do. ⁶ Na Feme Herode baawu ceenkpiri di ceen, na Herodiya wa sunḡuru ago agore feme ni i jama n kere nyunu, na feme n ahore ajo. ⁷ Nyini ti, na wo tan ndie ase sunḡuru n ka, "Deke kere bo a koro, se m, na m ma u." ⁸ Na sunḡuru n ni ase i ka i ko se ka i koro Yohane Nyeme Nzue Biefo n tiawa a. Na wo ko ase feme n ka, "M koro ka na a fa Yohane Nyeme Nzue Biefo n tiawa ma m perente nu kisa kisa." ⁹ Feme n tiiri so ni, na i ahore asaaki, ama, ndie n bo i taanri i jama n nyunu n dee ti, wo koro akaaki ma i noo. Na wo ma noo ka bu yo sunḡuru n koroowa ma i. ¹⁰ Nyini ti, na wo ma

bu akɔ akpiɛ Yohane tii dansaraka sɔɔ n nu dɔ. ¹¹ Na ba fa i tiiawa n ada pɛrɛntɛ n nu, aba ama sunguru ni, na yiri gusu afa akɔ ama i ni. ¹² Na Yohane susufɔm n aba afa fuin n akɔ ase i, na ba kɔ ama Yesu labari.

Kabo Yesu maari nbiesɔm akpii nnu ni bu minɛm diire ni

¹³ Yesu tiiri Yohane n jɔrɛ labari n sɔ ni, na wɔ fa lee akɔ deke bo mine n wo má, i ni i susufɔm ɲgumi. Minɛm tiiri sɔ ni, na ba fite miɛ miɛm su anati bu jaa su, asa i su. ¹⁴ Sangá bo Yesu kɔ fiteeri lee n nu ni, na wɔ ɲu jama beberebe, na wɔ si bu aɲunfɔ, na wɔ ma tukpakifɔm bo bu woori dɔ n anya laifiɛ. ¹⁵ Nyini cɛɛn n naasɔ sangá, na i susufɔm n aba i dɔ, aba ase i ka, “Kisa wiɛ atɔ, ya wo boro gusu wɔ lɛɛ. Ma minɛm n atin na bu kɔ miɛ kunnɔ, na bu kɔ nya diire be to di.” ¹⁶ Na Yesu ase bu ka, “I ti má deke bo bu kɔ pui, amberɛ mmɔɔ ni am tii nya deke be ma bu na bu di.” ¹⁷ Na ba se i ka, “Deke bo ya la i fɛn n kɛrɛ ti kɔnɔ nnu wɔ, ni jombaa nnyɔ.” ¹⁸ Na wɔ se bu ka, “Am fa bu ba ma m fɛn.” ¹⁹ Na wɔ ma minɛm nɔɔ ka, bu tantana wura fiefiɛɛwa n su. Na wɔ fa kɔnɔ nnu ni, ni jombaa nnyɔ ni, na wɔ yɛ i tii su aɲgoro na wɔ da Nyɛmɛ asi. Na wɔ nya akpiɛkpiɛ kɔnɔ n nu afa ama i susufɔm ni, na bɛrɛ gusu afa ama minɛm ni. ²⁰ Na sɔnɔ kɛrɛ adi, na bu kunnɔ ayi. Na i susufɔm n atambu kɔnɔ ni jombaa sinsin n bo bu diiri na i kaari ni, na ba nya kandie buru ni nnyɔ. ²¹ Minɛm bo bu diiri kɔnɔ n ni jombaa n kɛrɛ kɔ yasuuri nbiesɔm akpii nnu wɔ, ba kan má nbaram ni nbaatumam awura má nu.

Kabo Yesu natiiri nzue su ni

²² Nyini sin na Yesu ama i susufom n awura lee n nu na bu du i mo kpie ko kunma kpiri n buekun, na yiri aka na i kaari jama ni. ²³ I kaariiri jama n wieeri ni, na wo fun ako kperere be su i ngumi ka i ko sere Nyeme. Haari wie ba tɔri kere, i toko wo do i ngumi. ²⁴ Nyini sangha na lee n yiri wo nzue n afien dede do, na nzue nyama sukpara i, dama anuma sun bu ko bu sin wo. ²⁵ Na fa ko akonyuma ciciri su, na wo nati nzue n su suba bu do. ²⁶ Sangha bo bu nuuri ka i nati nzue n su ni, na sere ati bu agaya, bu na, "Numi lee o." Na ba bo awie, sere n dee ti. ²⁷ Kpenga na Yesu ajojo bu do, na wo se bu ka, "Am ma am ahore si, mini a, ma am soro sere."

²⁸ Na Petoro ase i ka, "M Mibie, nzen i ti woro nahore su a, se m ka m nati nzue n su bra u do." ²⁹ Na Yesu ase i ka, "Bra." Na Petoro afite lee n nu sunati nzue n su sukɔ Yesu do. ³⁰ Ama, sangha bo i nuuri ka anuma ni sukpie agaya so ni, na sere akaaki ati i, kpenga i suwura nzue n bu. Na wo bo awie ase ka, "M Mibie, de m tii ji." ³¹ Kpenga na Yesu alaandi i saa aso i nu, na wo se i ka, "Woro, u yarada n ti kaan so. Nzu ti ye u sunsunni ti nnyo nnyo a?" ³² Na bu nnyo n kere awura lee n nu, na anuma n atara. ³³ Na i susufom bo bu wo lee n nu n kere akansi i, bu na, "A ti Nyeme Wa a, nahore su."

Kabo Yesu ma tukpakifom beberebe nyaari laifie ni

³⁴ Na ba kpie nzue n aba aju awore n bo bu fere i ka Genesareti ni. ³⁵ Na dofom asi ka Yesu lee, na ba sunma ako ase awore n nufom kere,

na ba fa tukpakifoƵm kere aba Yesu do, ³⁶ na ba sere i jande ka i ma bu fa bu saa kan i tanlee n jaa bu. Na bo bu yoori so n kere anya laifie.

15

Yudafom nana sayoowa jore

¹ Na Farasifo nbem, ni Yudafom Nyeme noanie kerefom afite Yerusalem mie kpiri n nu aba Yesu do, aba abisa i ka, ² "Nzu ti ye u susufom n akete ya nam sayoowa n a? Dama bu nmisi ma bu saa ka, na bu nya di diire." ³ Na Yesu abo bu nu ka, "Nzu ti ye am akete Nyeme noanie maawa n ye am su am dee sayoowam su a? ⁴ Dama Nyeme ama noo ka, 'Bu u si, ni u ni.' Ye wo kaaki ase ka, 'Sono kere bo i jooori i si, ni i ni jore tie, wo yo daka ka bu kun i mi.' ⁵ Ama, ambere kere ka nzen sono be la deke be bo i ti ye ni ka i fa buka i si, ni i ni, i koro se bu ka, 'Deke bo ma m na m fa ma am ni, ma fa ayi saraka ama Nyeme.'

⁶ Am suse ka i mi koro kpie i si, ni i ni n nyini deke n lee. Nyini n kere ka am abu Nyeme dee noanie ni ngbeen lee, ye am su am dee sayoowam n su a. ⁷ Ambere burukoonufom ni, nahore ye Nyeme noanie kanfo Esaya yo kaanri am jore n a. Wo kere i kadasi n nu ka, Nyeme na o,

⁸ 'Ahin minem ni, bu ma m jirima bu noo nu bere wo,
ama, i wo ma bu ahore su.

⁹ Bu kansi m ngbeen wo,
dama bu kere mine adamande dee kereewam wo,
na bu se ka nyini kereewa n fite Nyeme do o.' "

Kabo Yesu na diire diiwa koro yo má sɔnɔ fin ni

¹⁰ Na Yesu afere jama n aba i bi, na wɔ se bu ka, “Am so am sui na am ti jɔrɛ n bo m sujɔɔ i ma am n bu. ¹¹ Má diire bo i wura sɔnɔ nɔɔ nu n yo i fin a, ama, jɔɔɔwa bo i fite sɔnɔ nɔɔ nu ni, yiri yo i fin a.”

¹² Na i susufɔm n aba i dɔ, aba abisa i ka, “A si ka u jɔrɛ n bo a jɔɔɔri i n asun má Farasifɔm n nu e?”

¹³⁻¹⁴ Na Yesu ase i susufɔm n ka, “Má am bɔ bu nu, bu ti ka anyinsinm wɔ. Anyinsin gusu nya bitaari i beɲgu anyinsin n kpama, bu kɛrɛ kó to kunma nu wɔ. Baka kɛrɛ bo m Si Nyɛmɛ bo i wo aɲgoro n ata má i, i cín tu i wɔ.”

¹⁵ Na Petoro ase i ka, “Kere ya anyundɛrɛ n bu, bo a na sɔnɔ nɔaniɛ jɔɔɔwa yo i fin ni.” ¹⁶ Na Yesu abisa bu ka, “Nka amɛrɛ gusu ati má jɔrɛ n bu lɛɛ? ¹⁷ Deke bo i wura sɔnɔ nɔɔ nu, wura i kunnu wɔ, na i kɔ je yi i, má sɔ? ¹⁸ Ama, jɔɔɔwa bo i fite sɔnɔ nɔɔ nu fite i ahore su wɔ, nyini yo i fin a. ¹⁹ Dama deke bo i wɔ sɔnɔ ahore su ma i sunsunni tiɛ a. I koro ma i nati sukun minɛm, na i suyo sakaraya, na i susaaki ajaa ciire, na i suwɔ, na i nati sudi kɔrɛ daani, na i nati susaaki minɛm duma. ²⁰ Nyini dekem kɛrɛ koro yo sɔnɔ fin a. Ama, nzen sɔnɔ di diire na wɔ n̄misi má i saa, i yo má i fin.”

Kabo bara bo i ti má Yudaɔɔ yoori Yesu yarada ni

²¹ Na Yesu afite bɛrɛ akɔ awɔrɛ n bo i dodo Tiro ni Sidon miɛ kpirim ni. ²² Na bara be aba Yesu dɔ, i ti má Yudaɔɔ, i ti Kananafɔ ɔ, bo i fite nyini

awɔre n nu. Na wɔ bo afere Yesu, ase i ka, “M Mibiε, Fεmε Davidi anuma, si m aɲunfɔ. Ajinim wo m wa baabara ɲu, sukere i yaari agaya.”
²³ Ama, Yesu abɔ má i nu. Na i susufɔm n aba i dɔ, aba asere i jande, ase i ka, “Fɔn bara n na i kɔ. Niε kabo i su ya su, yo naɲmie barasu a.”
²⁴ Na Yesu ase ka, “Nyεmε asunma m Yisarelifɔm bo bu ti ka nbɔem na ba mini ni ɲgumi dɔ a.”
²⁵ Na bara n aba akutu i nyunu, ase i ka, “M Mibiε, buka m.”
²⁶ Na Yesu ase i ka, “I ti má ye ni ka, a fa nbaatumam diire na a fa ma caam.”
²⁷ Na bara n ase i ka, “M Mibiε, a la nahɔre, ama, haari ni nyini mmɔɔ, caam n tambu diire n bo bu fɔm di, na i toto asiɲgu n na bu fa di.”
²⁸ Na Yesu ase i ka, “A ti bara yaradayofɔ ɔ, nahɔre su. Nyini ti, kabo a koro ni, i yó sɔ ma u a.” Dika n nu bεre, na i wa n anya laifie.

Kabo Yesu ma minε beberebe nyaari laifie barasu ni

²⁹ Na Yesu afite bεre, asu Galili kunma kpiri n su, na wɔ kɔ afun atana buka be su.
³⁰ Na jama beberebe afa wɔbukam, ni anyinsinm, ni bo bu saam ni bu jaam awu ni, ni bobom, ni tukpakifɔm beberebe, ka i ma bu laifie, na wɔ ma bu anya laifie.
³¹ Na minem n ayo alekutura, ni kabo bu ɲuuri ka bobom sujɔɔ, na minem bo bu saam ni bu jaam awu n anya laifie, na wɔbukam sunati, na anyinsinm suɲu asi ni, na ba kansi Nyεmε n bo bεre Yisarelifɔm su i ni.

Kabo Yesu maari nbiesɔm akpii nna ni bu minem diire ni

³² Na Yesu afere i susufom ni, na wo se bu ka, “Ahin jama n la m anjunfo, dama i nyuma lesan lee bo bu wo m do na bu la ma deke bo bu di. M koro ma ka m yaki bu na bu ko awuru ni aho, ma nyini, bu nbem to cin atin nu wo.” ³³ Na i susufom n abisa i ka, “Ye nifansu ye ya nya diire ma ahin jama beberebe n so n na bu di na bu kunnu yi a?” ³⁴ Na Yesu abisa bu ka, “Am la kpono nye wo?” Na ba bo i nu ka, “Ya la kpono nso wo, ni jombaa kan kan nbem.” ³⁵ Na Yesu ama jama n noo ka bu tana asiengu. ³⁶ Na wo fa kpono nso n ni jombaa ni, na wo da Nyeme asi, na wo kpiekpie i nu, na wo fa ama i susufom ni, na bere gusu afa ama jama n ka bu di. ³⁷ Bu kere diiri, na bu kunnu ayi. Na i susufom n atambu sinsin kaawa n kandie nso. ³⁸ Minem bo bu diiri diire ni, nbiesom ngumi ko yasuuri akpii nna a, ba kan ma nbaram ni nbaatumam awura ma nu. ³⁹ Na Yesu anya kaari jama ni, na ba ko awuru, na wo nya awura lee nu, ako awore n bo bu fere i ka Magadan n nu.

16

Kabo Yesu keteeri ka i yo ma alekutura sa bo bu koro i ni

¹ Na Farasifom, ni Sadiusifo nbem aba Yesu do, na ba koro ka bu so i nge. Nyini ti, na ba se i ka i yo alekutura sa be bo i kere ka i yiko n fite Nyeme do o. ² Na Yesu ase bu ka, “Sanga bo wie nya ba suto, na am nu ka angoro n kere ayo kokore, a ti ka am na, ‘Ahunma dika ni bo, dama i ti kokore wo.’” ³ Nzen ngarama fuun, na am nu ka angoro asanga kokore ni biri, a ti ka

am ɲa, ‘Nyuma nzue tó.’ Am koro nie aɲgoro n na am si sa bo i bá yo, ama, am koro si má sam bo bu suyo jina n nu n yiri bu. ⁴ Amberɛ nyumafɔ, satieyofɔm bo am su má Nyemɛ ni, ye am koro ka m yó alekutura sa be na am nie? Ai, m yó ma alekutura sa be na am ɲu i fieo, má ka alekutura sa n bo Nyemɛ yo yoori i maari Jona ɲgumi ni.” I seeri sɔ wieeri ni, na wɔ yaki bu, na wɔ kɔ.

Bɔbɔwa fa kɔ Farasifɔm ni Sadusifɔm dɛɛ kereewam n su

⁵ Saɲga bo Yesu susufɔm n kpɛ kɔ juuri kunma kpiri n bue kun dɔ ni, na bu wara afi diire sa, ba bita má kpɔnɔ nu. ⁶ Na Yesu ase bu ka, “Am si am ɲu sa ni Farasifɔm ni Sadusifɔm dɛɛ kpɔnɔ ayiri n bo bu fa gɔ kpɔnɔ nu na i yasu ni.” ⁷ Na ba se bu ɲuɲu nu ka, “Ya bita má kpɔnɔ aba má n dɛɛ ti, ye i se sɔ n a.” ⁸ Na Yesu afa nu kabo i susufɔm n sujɔɔ bu ɲuɲu nu ni, na wɔ se bu ka, “Amberɛ bo am yarada n ti kaan sɔ ni, nzu ti ye am sujɔɔ am ɲuɲu nu ka am bita má kpɔnɔ a? ⁹ Am nya ti má sa n bu, nzen se? Am tenge má su ka m yo faari kpɔnɔ nnu kpiekpie maari mine akpii nnu? Ye bo i kaari ni, kandie nyɛ ye am sasaari a? ¹⁰ Ye kpɔnɔ nso n bo m yo fa kpiekpie maari mine akpii nna n di? Kandie nyɛ ye am sasaari a? ¹¹ Ye nzu ti ye am si má ka m sujɔɔ má kpɔnɔ jɔɛ a? M ɲa am si am ɲu sa ni Farasifɔm ni Sadusifɔm dɛɛ kpɔnɔ ayiri n bo bu fa gɔ kpɔnɔ nu na i yasu ni.” ¹² Na ba nya asi ka i suse má bu ka bu si bu ɲu sa ni Farasifɔm ni Sadusifɔm dɛɛ kpɔnɔ ayiri n wɔ, ama, i ɲa bu si bu ɲu sa fa kɔ bu kereewa n dɛɛ atin su wɔ.

Kabo Petoro kereeri ka Yesu ti barasu ni

¹³ Sangá bo Yesu fa ba juuri Sizariya Filipiya dɛɛ miɛ kan kanm su ni, na wɔ bisa i susufɔm ka, “Minɛm fa mini Adamande Wa n bu ŋma a?” ¹⁴ Na ba bɔ i nu ka, “Nbem ŋa wɔrɔ la Nyɛmɛ Nzue Biefɔ n a, nbem ŋa wɔrɔ la Nyɛmɛ nɔaniɛ kanfɔ Eliya, nbem ŋa wɔrɔ la Nyɛmɛ nɔaniɛ kanfɔ Jeremiya, ye nbem gusu ŋa a ti dawa dɛɛ Nyɛmɛ nɔaniɛ kanfɔ nyingam n kun wɔ.” ¹⁵ Na wɔ nya abisa bu bekun ka, “Ye ambɛrɛ fa m bu ŋma a?” ¹⁶ Na Simon Petoro abɔ i nu ka, “Wɔrɔ ti Kristo Tiidefɔ n a, Nyɛmɛ n bo i wo bɛrɛ sangá kɛrɛ n dɛɛ Wa ni.” ¹⁷ Na Yesu ase i ka, “Simon Jona wa, terefɛ wo u dɔ. Dama má adamande yiiri ahin jɔrɛ n bu kereeri u ka a jɔjɔ a, ama, m Si Nyɛmɛ bo i wo angoro ni yi kereeri u a. ¹⁸ Nyini ti, m suse u wɔ lɛɛ ka, wɔrɔ ti Petoro a, u duma bu la ka yabue ni. Nyini yabue n su ye m ma m jama minɛm kɛrɛ jina a, na yiwee mmɔɔ koro yo má bu pui. ¹⁹ M fá Nyɛmɛ fɛmɛya n anɔ kadombaam ma u, na deke kɛrɛ bo a ma minɛm atin ka bu yo i durunya n nu fɛn, i ti sɔ ɔ lɛɛ, Nyɛmɛ dɔ. Na deke kɛrɛ bo a ma má minɛm atin ka bu yo i durunya n nu fɛn, i kaaki ti sɔ ɔ lɛɛ, Nyɛmɛ dɔ.” ²⁰ Nyini sin, na Yesu abɔbɔ i susufɔm ni ka má bu ma be si ka yiri ti Kristo Tiidefɔ n a.

Kabo Yesu jɔjɔ fa kɔɔri i yiwee n su ni

²¹ Fite nyini sangá n fa kɔ, na Yesu abo i bu sukere i susufɔm n ka, “Wɔ yo daka ka m kɔ Yerusalem na m kɔ di wahara dɔngɔ

fite Yudafoṃ nkpienkpienm, ni Nyeme sayoo-wa doṅguyofo nkpienkpienm, ni Nyeme noaniε kerefom do na bu kún m. Ama, na i lesan ceen, na Nyeme má m tenge m yiwee n nu.” ²² Na Petoro afa i ako aheme, na wo jaraki i ase i ka, “M Mibiε, má a se ka a se so, Nyeme yo u kisi ni nyini sa ni. Nyini koro yo má ceen be da.” ²³ Na Yesu ace anie Petoro na wo tien i nu ase i ka, “Sitana, fa cinsi m bi bere. A sukanda m atin wo. A sunsun má kabo Nyeme sunsun ni. A sunsun kabo adamande sunsun n wo.”

²⁴ Na Yesu ase i susufom n ka, “Sono kere bo i koro ka i su m su, wo yo daka ka i mi wara fi i tiengu sa koroowa sa, na i fa i yiwee baka jaanu n so, na i su m su. ²⁵ Dama sono kere bo i koro ka i fa i ngoo fie, i mi ba fun i. Ama, sono kere bo i toori i ngoo mini ni m labari kpa n dee ti, i mi nya ngoo. ²⁶ Nzen sono nyaari durunya n nu deke n kere, na i fuunri i ngoo, i kperε la bono? Nzu deke ye sono fa kaaki i ngoo a? ²⁷ Dama mini Adamande Wa ni ba ba ni m Si Nyeme jirima woowa n nu, ni i merkem ni, na m nya to sono kere kaari, kabo i juma, wara i sayoowa ti barasu. ²⁸ Nahore ye m suse am n a, am nbem wo fen bo am wu ma, ma ka am aba anu ka mini Adamande Wa ni suba ka m ba nie m femeya n su.”

17

Kabo Yesu nunie kaakiiri wo barasu ni

¹ Lesen ceen sin na Yesu afa Petoro, ni Yakobo, ni yiri Yakobo niema Yohane, afun ako buka lenlenge be su, bu ni yiri ngumi. ² Bu woori do

n na ba ɲu ka i ɲuniɛ akaaki wo, na i nyunuawa aje ka wiɛ, na i tanlɛɛ n akaaki fofoe papasi. ³ Dɔ na ba ɲu mine nnyɔ nbem atɛɛ bu ɲu, na bu ni Yesu subo anzama, berɛ la Moyisi ni Eliya, dawa dɛɛ Nyemɛ nɔaniɛ kanfɔm ni. ⁴ Na Petoro ase Yesu ka, “M Mibiɛ, i ti kpa ka na ya wo fɛn. Nzen má a soro su, m bó nambue nsan fɛn, u dɛɛ kun, Moyisi kun, na Eliya gusu dɛɛ kun.” ⁵ Saɲga bo i jina wo jɔjɔri su n na yinyingɔ papasi akata bu ɲu, na ba ti akonvi be ɲga yinyingɔ n nu, na wɔ jɔjɔ bu dɔ, i ɲa, “M wa koroowa lɛɛ bo m ahore ajo i ɲu. Am de i nɔaniɛ.” ⁶ I susufɔm n tiiri akonvi ni ɲga sɔ ni, na sɛrɛ ati bu agaya, na ba butu asiɛɲgu. ⁷ Na Yesu aba afa i saa akan bu, na wɔ se ka, “Má am ma sɛrɛ ti am, am yasu.” ⁸ Na ba ye bu tii su anɛ, ba ɲu má sɔnɔ be kun, má ka Yesu ɲgumi.

⁹ Na saɲga bo bu ba sujura buka n su ni, na Yesu abɔbɔ bu ka, “Má am be se ka i bo sa n bo am aɲu i n sufa kere sɔnɔ be, haari fa kɔ saɲga bo mini Adamande Wa ni bá wu na Nyemɛ bá ma m tenge m yiwee n nu ka.” ¹⁰ Dɔ na i susufɔm n abisa i ka, “Ye nzu ti ye Nyemɛ nɔaniɛ kerefɔm n bita jɔjɔ ka wɔ yo daka ka Eliya dú mɔ ba ka, ye Kristo Tiidefɔ ni bá ba n a?” ¹¹ Na wɔ bɔ bu nu ka, “I ti nahɔrɛ wɔ ka, Eliya dú mɔ ba na i bá sese deke n kerɛ su. ¹² Ama, m suse am wɔ lɛɛ, ka, Eliya adu mɔ aba, na minem asi má i, na ba yo i kabo bu koro. Sɔ ye mini Adamande Wa n gusu bá di wahara minem saa nu a.” ¹³ Dɔ na i susufɔm n anya asi ka i jɔjɔ Yohane Nyemɛ Nzue Biefɔ n dɛɛ jɔrɛ wɔ.

Kabo Yesu fɔn yiiri ajini fiteeri baa be ɲu ni

¹⁴ Sanga bo Yesu ni i susufɔ nsanm ni kpieeri bu nyi ba juuri jama n bi ni, na sɔnɔ be aba akutu i nyunu, ¹⁵ ase i ka, “M Mibiε, si m wa baabiesɔ n aɲunfɔ. I tɔ ɲgbiti wɔ, bo i di wahara agaya. Sanga kere bo i nya ba yasu i ɲu, i fa i wura sin nu wɔ, wara nzue nu. ¹⁶ Ma fa i aba u susufɔm n dɔ lεε ka bu ma i nya laifiε, ama, ba koro atuntun má i na i nya laifiε.” ¹⁷ Na Yesu ase bu ka, “Amaa. Amberε satieyofɔm, am la má yarada fieo. Nyuma sa ye m wo am dɔ fen a? Ye m yó sawɔre ni amberε kɔ ju se wɔ? Am fa baa n ba ma m fen.” ¹⁸ Na Yesu atien ajini n ɲu, na wɔ fite ayaki baa ni. Dika n nu bere, na baa n anya laifiε.

¹⁹ Nyini sin na Yesu susufɔm n aba i dɔ, bere ɲgumi, aba abisa i ka, “Nzu ti ye yere akoro afɔn má nyini ajini n a?” ²⁰ Na Yesu abɔ bu nu ka, “I fite ka am yarada n ti kaan sɔ n dεε ti a. Nahɔre ye m suse am n a, nzen am yoori Nyeme yarada bo i kɔ juuri kabo nyem mbaa ti ni mmɔɔ, am koro se nyini buka n ka, ‘Fite fen kɔ dɔ,’ na i kɔ. Deke wo má bere bo i yó kekereke ma am. [²¹ Ama, nyini ajini n ɲusu sɔ koro fite yaki má sɔnɔ ɲgbεen sɔ, má ka nyemesere ni nɔɔ cici.]”

Kabo Yesu jɔjɔ fa kɔɔri i yiwee n su bekun ni

²² Sanga bo i susufɔm ba tieɲri bu nɔɔ Galili awɔre n nu ni, na Yesu ase bu ka, “Bu bá tɔ mini Adamande Wa n ma mine nbem, ²³ na bu kún m, ama, bu kuunri m wieeri, i lesan cεen, Nyeme má m tenge m yiwee n nu.” I jɔjɔri sɔ ni, na i susufɔm n ahore asaaki agaya.

Kabo Yesu tɔɔri Nyeme Sereebiri Awuru n nu lampo kaari ni

²⁴ Sanga bo Yesu ni i susufom n ba juuri Kapenam mie kpiri n nu ni, na Nyeme Sereebiri Awuru n nu lampodefom n aba Petoro do, aba abisa i ka, "Am kpien n to Nyeme Sereebiri Awuru n nu lampo kaari, nzen i to ma?" ²⁵ Na Petoro abo i nu ka, "I to wanla." Sanga bo Petoro ko juuri awuru n nu n na Yesu adu mo abisa i do ka, "Simon, ye woro na se wo? Nmam to lampo nwaa ma durunya n nu fen nfemem a, mienbaam nzen wofom?" ²⁶ Na Petoro abo i nu ka, "Wofom." Na Yesu ase i ka, "Nzen i nya tiiri so de, mienbaam to ma lee. ²⁷ Ama, yere koro ma ka ya wura bu ngasi nu. Nyini ti, ko kunma kpiri n nu na a ko fa u kuwa n ji nu, jombaa kere bo a du mo taraari i, nie i noo nu, a hu nwaa bo i ju mini ni woro dee Nyeme Sereebiri Awuru n nu lampo nwaa to. Fa i na a fa ko to mini ni woro tii su kaari."

18

Kabo Yesu kereeri sono bo i tara bu kere ni

¹ Nyini sanga ni, na Yesu susufom n aba i do, aba abisa i ka, "Nma yo ya kere tii Nyeme femeya n nu a?" ² Do na Yesu afere baa kaan be, aba ajina bu afien. ³ Na wo se ka, "Nahore ye m suse am n a, am wura ma Nyeme femeya n nu, ma ka am kaaki am wo na am yo am nu ka baatuma kaan. ⁴ Nyini ti, sono kere bo i yo i nu kaan ka ahin baa ni, yiri ti minem kere tii Nyeme femeya n nu a. ⁵ Sono kere bo i deeri ahin baakan n nusu m dee ti, wo de mini wo lee."

Kabo wɔ yo daka ka má sɔnɔ wura satie nu ni

⁶ Na Yesu akaaki ase ka, “Wɔrɔ kere bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti má kpa. Nzen má bu faari ngani san yabue bambaka ciciiri u kom na bu fa u ko tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufom bá nu anyumboro, dama bu yo sam bo bu ma mine kaaki bu sin bo m deɛ atin n wɔ. Nyini sam ni yo wɔ, sanɔga kere, ama, sɔnɔ kere bo i ma nyini sam yoori ni, yiri bá nu anyumboro.

⁸ Nzen u saa, wara u jaa cin u wura satie nu a, kaba kpie i fa tu na a ka asaasin, wara, ajaasin, na a nyá u nu ko Nyeme do. I ti ye ni bo a la u saa nnyo ni u jaa nnyo n kere, na bu ba fa u tu ceema sin n bo i no má n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nyá u nu ko Nyeme do. I ti ye ni bo a la u nyumbaa nnyo n kere na bu ba fa u tu ceema sin nu ni.”

Miɛnu fa ko boɛ bo wɔ mini n su ni

¹⁰ Na Yesu ase ka, “Má am se ka am bu ahin nbaatuma kan kanm n be ngbɛɛn. M suse am wɔ lee, ka, bu deɛ merɛkem bo bu wo angoro ni, wo m Si Nyeme nyunu sanɔga kere a. [¹¹ Dama, mini Adamande Wa n baari ka m ba nienie bo ba mini n wɔ, na m de bu tii ji.]

¹² Nzen sɔnɔ la nbɔɛm yaa, na bu nu kun miniiri, am sunsun ka i yo se wɔ? I yáki aburangoɔna ni ngɔna n wura diibiri kperɛ n su, na i kó nienie kun n bo wɔ mini ni, má so? ¹³ Nahore ye m suse am n a, nzen i nienie

kɔ ɲuuri nyini kun ni, i ahore jɔ i ɲu tara aburaŋɔna ni ɲɔna n bo ba mini má ni. ¹⁴ I ti sɔ ɔ lɛɛ, am Si Nyemɛ bo i wo angoro n dɔ, i koro má ka ahin nbaatumam kun n kpein mmɔɔ mini.”

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen wɔɔ kɛɛ bo u niwa yoori u satie be, kɔ i dɔ na u ni yiri mine nnyɔ ni ɲgumi, na a se i ka wɔ yo u satie. Nzen i tiiri i bu ka wɔ yo u satie, i toko ti u niwa lɛɛ.

¹⁶ Ama, nzen i keteeri, yo anie na a nya sɔɔ kun, wara mine nnyɔ buka u ɲu su, na am kɔ ɲu i, adena mine nnyɔ, wara mine nsan n bo ba ti jɔɛ n yo u daanifɔm. ¹⁷ Nzen i keteeri bere gusu, na a nya fa i sereya n kɔ Kristo jama n kɛɛ dɔ. Nzen i nya keteeri Kristo jama ni, am fa i ka sɔɔ bo i su má Nyemɛ, wara satieyofɔ bo wɔ kete ka i kaaki má i wo lɛɛ.”

¹⁸ Na Yesu akaaki ase ka, “Nahɔɛ ye m suse am n a, deke kɛɛ bo am ma minɛm atin ka bu yo i durunya n nu fɛn, i ti sɔ ɔ lɛɛ Nyemɛ dɔ, na deke kɛɛ bo am ma má minɛm atin ka bu yo i durunya n nu, i kaaki ti sɔ ɔ lɛɛ Nyemɛ dɔ.

¹⁹ Nahɔɛ ye m suse am bekun n a, sanja kɛɛ bo am mine nnyɔ yoori am nɔɔkun, na am sereeri m Si Nyemɛ deke be, i yó i ma am.

²⁰ Dama deke kɛɛ bo mine nnyɔ, wara nsan tieɛnri bu nɔɔ m dɛɛ duma n nu, m wo bu dɔ.”

Miɛnu fa kɔ kaari bitafɔ nnyɔ nbem su ni

²¹ Nyini sin na Petoro aba Yesu dɔ, aba abisa i ka, “M Mibiɛ, nzen m niwa nati yo m satie sanja kɛɛ, kpe nyɛ ye m fa i satie ce i a? Kpe nso,

nzen se?" ²² Na Yesu abo i nu ka, "Ai, m suse u wo lɛɛ ka, má kpe nso co, ama, kpe aburasoso busu nso." ²³ Na Yesu akaaki ase ka, "Nyini ti, kabo Nyeme femeya n ti yaa. Feme be yo woori bere a, cɛɛn n be na wo se ka i bu akunta ni i akoom bo bu wo i do yo juma ni, na i si nwaa bo bu bita i. ²⁴ Sanga bo i boori i bu na i bu akunta ni, na ba fa i akoo n kun be bo i bita i nwaa kaari bo i la má noo, aba i do. ²⁵ Kabo nwaa n sunnu so na i koro to má kaari n ni, na feme n ama noo ka bu to i ni i yi, ni i nbaam, ni i deke kere bo i la i, na bu fa to kaari ni. ²⁶ Na akoo n akutu i mibie n nyunu asienngu, asere i ka, 'Jande, si m anunfo, na m kó nienie nwaa n na m bá to kaari ni.' ²⁷ Na i mibie n asi i anunfo, na wo fa kaari n ace i, na wo yaki i aji. ²⁸ I fiteeri bere, na i ni i benngu akoo n kun be bo i gusu bita i kaari n aye, i dɛɛ n sunnu má fieo. Na wo so i benngu n kom nu amie i, na wo se i ka, 'To m kaari n kisa kisa bere.' ²⁹ Na i benngu n akutu haari asienngu, asere i ka, 'Jande, si m anunfo, na m kó nienie u nwaa na m bá to u kaari.' ³⁰ Ama, na wo kete, na wo ko anyi i benngu n saraka, na wo se i ka má ka wo to i kaari ni. ³¹ I benngu nyingam nuuri sa n bo wo yo i n so ni, na bu ahore asaaki agaya, na ba ko ase feme n sa n bo wo yo i n kere. ³² Do na feme n afere i, ase i ka, 'Woro satieyofo ngbeen ni, a sereeri m dɛɛ ti, ye m yakiiri u kaari n kere bo a bita i n fa ceeri u a. ³³ Má wo yo daka ka woro mmoo siiri u benngu n anunfo na a fa ce i, kabo m nuuri u anunfo na m fa ceeri u ni.' ³⁴ Na yaa ati feme n agaya, na wo ma bu afa nyini akoo n ako anyi i saraka, ka i ko di wahara do, haari fa

ko ju san̄ga bo i bá to kaari n kere wie.” ³⁵ Na Yesu ase bu ka, “Nzen am afa má am bengum satie ace má bu am ahore su, so ye m Si Nyeme bo i wo an̄goro ni cin am sui a.”

19

Kabo Yesu kereeri minem fa ko ajaa ni ajaa yaki atin su ni

¹ San̄ga bo Yesu j̄ōj̄ōri ahin j̄ōrem n kere wieeri ni, na wo yasu Galili awore n nu, ako Yudiya dee awore n nu, na wo ko akpie Yodan kunma n buekun do. ² Na jama beberebe asu i su, na wo ma tukpakifom bo bu wo jama n nu n anya laifie.

³ Na Farasifo nbem aba i do, ka bu ba so i n̄ḡee fa ko i nōanie j̄ōj̄ōwa n su, na ba bisa i ka, “Ya dee atin n su, atin wo nu ka sono koro fa i yi ji deke be dee ti?” ⁴ Na Yesu abo bu nu ka, “Ye ba kere i Nyeme Jore Kadasi n nu se wo? Ba kere ka, fite durunya n bumboori, san̄ga n bo Nyeme yiiri adamande ni, i yiiri bieso ni bara wo, ⁵ na wo se ka, ‘Nyini dee ti, i ti ye ni ka bieso n kpaaki i gisan yaki i si ni i ni, na i ni i yi n san̄ga wo. Nyini san̄ga, bu mine nnyo n ayo deke kun lee.’” ⁶ Bu wo má bu n̄gun̄gumi kun. Nyini ti, deke bo Nyeme anya asan̄ga i awie, má sono kpaaki i nu kun.” ⁷ Na ba bisa Yesu bekun ka, “Ye nzu ti ye Moyisi yo maari atin ka, nzen sono koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?” ⁸ Na Yesu abo bu nu ka, “Am ahorembaa kekereke n dee ti, ye Moyisi yo maari am nyini atin n a. Ama, fite durunya n

bumboori, i yo ti má sɔ. ⁹ M suse am wɔ lɛɛ, ka, sɔnɔ kɛrɛ bo i faari i yi jiiri, na wɔ yo má ka bara n akɔ somaya ye i fa i jiiri, na i jaari bara fɔfɔrɛ, i mi n asaaki ajaa ciire lɛɛ.”

¹⁰ Na i susufɔm n ase i ka, “Nzɛn i nya tiiri sɔ yiri, fa kɔ biɛsɔ ni bara dɔ, i ti kpa ka má be ja ajaa.” ¹¹ Na wɔ se bu ka, “Má sɔnɔ kɛrɛ koro su ahin nɔaniɛ n su a, má ka bɛrɛ bo Nyɛmɛ adu mɔ afa ama bu ni. ¹² Dama deke bo i ti na minɛ nbem ja má ajaa n la ka, bu biɛsɔ dika yo má juma n dɛɛ ti, nbem gusu, ba sa bu wɔ, ye nbem gusu kete ajaa fa kɔ Nyɛmɛ fɛmɛya n jɔrɛ dɛɛ ti. Nyini ti, sɔnɔ kɛrɛ bo i koro de ahin nɔaniɛ ni, i mi de i.”

Kabo Yesu yoori nbaatumam kisi barasu ni

¹³ Na minɛ nbem afa nbaatumam aba Yesu dɔ, ka i fa i saa nana bu ɲu na i sere Nyɛmɛ ma bu. Ama, na i susufɔm n atien minɛm ni ɲu. ¹⁴ Na Yesu ase bu ka, “Am ma nbaatumam n bra m dɔ, má am fɔn bu. Dama bɛrɛ ɲusu sɔ ye Nyɛmɛ fɛmɛya n ti bu dɛɛ a.” ¹⁵ Na wɔ fa i saa anana bu ɲu na wɔ yo bu kisi, na wɔ nya afite bɛrɛ akɔ.

Gbɛfɛnɛ nɛɲgefɔ n ni i nyɛmɛsu jɔrɛ

¹⁶ Cɛɛn be, na gbɛfɛnɛ be aba Yesu dɔ, aba abisa i ka, “Ya Kerefɔ, m yo nzu sakpa ye m bá nya ɲgɔɔ n bo i la má awieeri n a?” ¹⁷ Na Yesu abɔ i nu ka, “Nzu ti ye a bisa m fa kɔ deke bo i ti sakpa su a? Sɔnɔ kun n kpein wo bɛrɛ bo i ti kpa. Nzɛn a koro ka a nya ɲgɔɔ, su Nyɛmɛ nɔaniɛ maawam n su.” ¹⁸ Na wɔ bisa Yesu ka, “Nɔaniɛ maawa nbɔnɔm?” Na Yesu abɔ i nu ka, “Má a kun sɔnɔ. Má a saaki ajaa ciire. Má a wɔ.

Má a di kɔrɛ daani. ¹⁹ Bu u si ni u ni. Koro u beŋgu kabo a koro u ŋu ni.” ²⁰ Na gbefene n ase i ka, “Ma su nyini noanie maawa n kere su, ye nzu kaari a?” ²¹ Na Yesu ase i ka, “Nzen a koro ka u woowa n ti kabo Nyeme koro ka i ti n wo, ko na a ko to u aja kere, na a fa ŋwaa n ma yaarifom, na a bá nya ajekɛ Nyeme do, na a bra, ba su m su.” ²² Saŋga bo gbefene n tiiri nyini so ni, na wo yasu ako ni ahoresaaki, dama i la nenje agaya n deɛ ti.

²³ Na Yesu ase i susufom n ka, “Nahore ye m suse am n a, i yo kekereke ni bo nenjefo wura Nyeme femeya n nu. ²⁴ M suse am wo bekun leɛ ka, kabo nyoma sin misini bue nu ni, i ti má kekereke tara má kabo nenjefo yo na i wura Nyeme femeya n nu ni.” ²⁵ Saŋga bo Yesu susufom n tiiri nyini n so ni, na ba yo alekutura agaya, na ba bisa i ka, “Ye nzen i ti so, ŋma koro fite nu a?” ²⁶ Na Yesu anie bu do, na wo se ka, “Ahin ti deke bo adamande koro yo má i, ama, Nyeme do, i ti má pui, dama Nyeme koro yo deke kere.”

²⁷ Na Petoro ase i ka, “To, ye yere ayaki deke kere susu u su e. Ye ya nya nzu wo?” ²⁸ Na Yesu ase bu ka, “Nahore ye m suse am n a, saŋga bo mini Adamande Wa n ba tanaari m jirima tanaabiri n durunya fofore n nu, m má ambere bo am asu m su ni tana femeya bie buru ni nnyom n su, na am nie Yisarelifom ano buru ni nnyom n su. ²⁹ Na sono kere bo i yakiiri i awuru, wara i ninbaam, wara i si, ni i ni, wara i nbaam, wara i asienm, mini deɛ ti, i mi nya nyini n kere nusu yaa i ngoo su, na i kaaki nya ngoo bo i la má awieeri. ³⁰ Am mine dongu bo bu wo mo kisa ni

bá ka sin, na bo bu ka sin kisa n bá du mɔ.”

20

Miɛnu fa kɔ fie fɔ be ni i npadifɔm su ni

¹ Na Yesu akaaki ase ka, “Nyɛmɛ fɛmɛya n ti ka sɔnɔ be bo i yasuuri alecin ngarama fuun, ka i kɔ niɛniɛ npadifɔm na bu kɔ yo i fie juma n wɔ. ² Na i ni bɛrɛ adi gɔ, na wɔ soro su ka i tɔ bu lekun jumayoowa nkato, jɛtɛ ɲwaa kun. Na wɔ fa bu akɔ fie n su. ³ Na fa kɔ kɛrefi ngɔna saŋga, na wɔ kaaki akɔ aɲu ka minɛ nbem tana gɔɔsu, bu yo má pui. ⁴ Na wɔ se bu ka, ‘Am ma ya kɔ m fie n su, na am kɔ yo m juma, na m tɔ am kaari, kabo am jumayoowa ti barasu.’ ⁵ Nyini ti, na ba kɔ. Na kɛrefi buru ni nnyɔ saŋga, na wɔ kaaki akɔ gɔɔsu, akɔ aɲu ka minɛ nbem jina, na wɔ fa bu akɔ i fie n su. Na kɛrefi nsan saŋga, na wɔ yo sɔ bekun. ⁶ Na fa kɔ naasɔ kɛrefi nnu saŋga, na wɔ kɔ aɲu ka minɛ nbem jina ngbɛɛn, bu yo má pui. Na wɔ bisa bu ka, ‘Nzu ti ye am ba jina fɛn ngarama kun kɛrɛ ngbɛɛn sɔ, na am yo má pui a?’ ⁷ Na ba bɔ i nu ka, ‘Be afa má ya ka ya yo i juma.’ Na wɔ se bu ka bɛrɛ gusu kɔ na bu kɔ yo juma i fie n su. ⁸ Saŋga bo wiɛ ba tɔɔri n na fiefɔ n fere i juma niesufɔ n na wɔ se i ka, ‘Fere jumayofɔm n kɛrɛ na a tɔ bu kaari. Bo i bu tɔ bo bu baari kasin n ka, na a nya ba tɔ bo bu duuri mɔ baari ni.’ ⁹ Na bo bu baari ka sin n kɛrɛ aba, na wɔ tɔ bu jɛtɛ ɲwaa kun kun. ¹⁰ Saŋga bo i ba kpuraari bo bu duuri mɔ baari ni, bu sunsuunri ka bu dɛɛ nkato tara bo bu kaari sin baari n dɛɛ n wɔ. Ama, bu tɔɔri bu kɛrɛ jɛtɛ ɲwaa kun

kun wɔ, kabo bu tɔɔri kasinfɔm ni. ¹¹ Bu deeri ηwaa wieeri sɔ ni, na ba ηunuti fie n fɔ ni. ¹² Bu ηa, ‘A tɔ kasinfɔm bo ba yo má juma kpa be ni ηkatɔ nyunyumi, na kabo a tɔɔri bu ni, a tɔ yere gusu bo ya baari ηgarama kun kere, na ya ba adi yaari, na wie abo ya n gusu sɔ ɔ.’ ¹³ Ama, na fie n fɔ n abɔ nu, ase bu kun ka, ‘M dɔn, ti fen, ma sisi má am e. Bo mini si i n la ka, am soroori su ka am yo lekun juma, na am de jete ηwaa kun wɔ. ¹⁴ Nyini ti, de u ηwaa na a kɔ. M koro ka m ma kasinfɔ n kabo m maari u n wɔ. ¹⁵ M la má atin ka m yo m ηwaa kabo m koro, nzen se? Wara, a si m kɔre fa kɔ m sakpa bo ma yo i n wɔ?’ ” ¹⁶ Na Yesu ase bu ka, “Ahin miɛenu n bu la ka, minem bo ba ka sin kisa ni, bá du mɔ, na bo ba du mɔ kisa n bá ka sin.”

Kabo Yesu jɔɔ fa kɔɔri i yiwee n su kpe nsan su ni

¹⁷ Saŋga bo Yesu ni i susufɔm, ni jama n sukɔ Yerusalem miɛ kpiri n nu ni, bu wo kɔ su sɔ ni, na wɔ fere i susufɔ buru ni nnyɔm n akɔ aheme, na wɔ se bu ka, ¹⁸ “Am ti fen. Ya sukɔ Yerusalem lee, dɔ ye bu kó tara mini Adamande Wa n a, na bu fá ma Nyeme sayoowa dɔnguyofɔ nkpienkpienm ni, ni Nyeme nɔanie kerefɔm ni, na bu dí m jɔre, na bu sóro su ka bu kún m. ¹⁹ Na bere gusu nyá fa m wura minem bo bu ti má Yudafɔm saa nu, na bu yó m anzasi, na bu fin m ηgbere, na bu nyá kpama m baka jaanu n su na m wu, na i lesan cɛn, na Nyeme má m tenge m yiwee n nu.”

Kabo Yesu kereeri ka mɔfɔ yo i ηu kaan ni

²⁰ Na Zebedi yi afa i nbaa nnyom n aba akutu Yesu nyunu, asere i ahorama ka i yo sa be ma i. ²¹ Na Yesu abisa i ka, “A koro ka m yo nzu ma u a?” Na bara n abo i nu ka, “M koro ka a ma nwo ka sangha bo a ba diiri u femeya ni, a ma m ahin nbaa nnyom ni atin na bu nu kun tana u saa fomboro su, na kun gusu tana u saa bie su.” ²² Na Yesu ase bu ka, “Am si ma deke bo am susere i n ti a. Am koro di wahara n bo m di i ni?” Na ba bo i nu ka, “Εεν, ya koro yo i kere.” ²³ Na Yesu ase bu ka, “Nahore, am di wahara n bo m di i ni. Ama, mini la ma atin bo m ma am be tana m saa fomboro su, na be tana m saa bie su. Ama, m Si Nyeme asese nyini tanaabiri n su, afa ase minem bo yiri ni i tii ayi bu n a.”

²⁴ Sangha bo i susufo burum n ba tiiri kabo Zebedi nbaa nnyom n seeri Yesu ni, na ba fa yaa bu nu. ²⁵ Na Yesu afere bu kere aba i bi, na wo se bu ka, “Am si tenle su ka minem bo bu su ma Nyeme, na bu yo bu nu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ²⁶ Ama, i ti ma ye ni ka ambere yo so. Nzen sono bo i koro ka i wura i nu kpiri am kere nu, wo yo daka ka i mi yo i nu kaan, na i su am. ²⁷ Na bo i kaaki koro ka i yo am mofa, i ti ye ni ka i mi yo am kere akoo, ²⁸ kabo mini Adamande Wa n ni m tii aba ma ka minem su m ni, ama, m baari ka m ba su minem wo, na m wu ma bu, na m de mine dongu tii ji.”

Kabo Yesu tuntuunri anyinsin nnyo nbem na bu nuuri asi ni

²⁹ Sangha bo Yesu, ni i susufom ni sufite mie kpiri n bo bu fere i ka Yeriko ni, na jama

beberebe asu bu su. ³⁰ Bu sukɔ ni, anyinsin nnyɔ nbem tana atin n nɔɔ su. Saŋga bo bu tiiri ka Yesu susin ni, na ba bo afere i, bu ŋa, “Ya Mibiɛ, Fɛmɛ Davidi anuma, si ya aŋunfɔ.” ³¹ Na jama n atien bu ŋu ka bu yaki nanɲmiɛ. Ama, na ba kaaki abo afere abuka su ka, “Ya Mibiɛ, Fɛmɛ Davidi anuma, si ya aŋunfɔ.” ³² Na Yesu aka ajina, na wɔ fere bu, na wɔ bisa bu ka, “Am koro ka m yo nzu ma am a?” ³³ Na ba bɔ i nu ka, “Ya Mibiɛ, ya koro ka a ma ya ŋu asi wɔ.” ³⁴ Na Yesu asi bu aŋunfɔ, na wɔ fa i saa akan bu nyumbaa ni, kpenɲa na ba ŋu asi, na ba su i su.

21

Kabo Yesu fuunri kaako wuraari Yerusalem ka fɛmɛ dɛɛ su ni

¹ Bu kɔ ŋa bu dodo Yerusalem miɛ kpiri n nu, na bu ŋa bu wura miɛ n bo bu fere i ka Befage ni, nyini miɛ n dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na Yesu asunma i susufɔm n nu nnyɔ, ² na wɔ se bu ka, “Am kɔ miɛ kaan n bo i wo am nyunu dɔ ni, am kɔ juuri, am ŋú ka kaako be minda, i wa jina i bi berɛ. Am nyanɲi i ni baa n kere bra. ³ Nzen be bisaari am ka nzu ti ye am sunyanɲi i a, am se i ka Mibiɛ ni koro bu a, na i má am kaaki fa bu ba kisa kisa.”

⁴ Ahin yoori sɔ ɔ, adena Nyɛmɛ nɔanɛ kanfɔ n nɔanɛ n bo i yo jɔjɔri i n yo yiiwa a, i ŋa,

⁵ “Se Siyonfɔm ka,

Am niɛ, am fɛmɛ ni suba n a.

Wɔ yo i ŋu taraka, i fun kaako wɔ.”

⁶ Na i susufom n ako ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu nu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu na,

“Hosana. Ya kansi Feme Davidi anuma ni.

Terefie wo yiri n bo i suba Micera n dee
duma n nu n do.

Ya kansi Nyeme bo i wo angoro ni.”

¹⁰ Yesu ko wuraari Yerusalem ni, na mie n abo nu, na ba bisa ka, “Ye sono bono la ahin a?”

¹¹ Na jama n abo nu ka, “Ahin ti Yesu wo, Nyeme noanie kanfo n bo i fite Nazareti mie n bo i wo Galili awore n nu ni.”

Kabo Yesu fonri watafom fiteeri Nyeme Sereebiri Awuru n nu ni

¹² Na Yesu ako awura Nyeme Sereebiri Awuru n nu, na wo fon nenje tofom ni tofom kere afite awuru n nu, na wo kaaki nwaa kaakifom teebirim, ni tiiwa tofom biem kere alanlanga.

¹³ Na wo se bu ka, “Ba kere i Nyeme Jore Kadasi n nu ka, Nyeme na o, ‘M awuru ni, bu ba fere i ka awuru bo bu ba sere Nyeme nu wo.’ Ama, ambere afa i yo awiefom fieebiri.”

¹⁴ Na anyinsinm, ni wobukam aba i do, Nyeme Sereebiri Awuru n nu, na wo ma bu anya laifie.

¹⁵ Sanga bo Nyeme sayoowa donguyofo nkpien-kpienm, ni Nyeme noanie kerefom n nuuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntuunri i ka, *“Hosana. Ya kansi Feme Davidi anuma ni,”* na

yaa ati bu. ¹⁶ Nyini ti, na ba bisa Yesu ka, “A ti kabo nbaatumam n ase ni e?” Na Yesu abo bu nu ka, “Een, ma ti. Am nya kan má kabo ba kere i Nyeme Jore Kadasi n nu n wo? Bo ba kere ka, ‘Woro Nyeme ye a kere nbaatumam, ni nbaatumama kan kanm,

kabo bu kansi u nahore su a.’ ”

¹⁷ Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

¹⁸ I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. ¹⁹ Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo nu ma pui su, se nyawa ngumi a. Do na wo se baka n ka, “Sin nyuma sin, woro su ma suuwa kun.” Dika n nu bere, na baka n akaba awu. ²⁰ Sanga bo i susufom n nuuri nyini n so ni, na ba yo alekutura. Na ba bisa i ka, “Nzu ti ye baka n wuuri ndende so a?” ²¹ Na Yesu abo bu nu ka, “Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, ‘Yasu ko to tieku n nu,’ i yo so o. ²² Nzen am yoori yarada, deke kere bo am sere Nyeme ka am koro i, Nyeme yo i ma am.”

Kabo bu bisaari Yesu deke bo i yiko n fite ni

²³ Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su so n na Nyeme sayoowa donguyofom, ni Yudafom nkpienkpienm aba i do, na ba bisa i ka,

“Nma dɛɛ yiko nu ye a yo nyini sam kɛrɛ a? Nma ma u nyini yiko ni, ye a yo nyini sam n a?” ²⁴ Na Yesu abɔ bu nu, ase bu ka, “Am ma m du mɔ bisa am bisaawa kun be ka, na nzen am bɔɔri m nu, na m gusu nyá se am deke bo m yiko n fite. ²⁵ Nma maari Yohane atin ye i ba biɛeri minɛm Nyɛmɛ nzue n a? Nyɛmɛ nzen adamande?” Na ba se akuruwa bu nɔnɔ nu, kabo bu bɔ Yesu nu barasu. Bu nɔ, “Nzen ya se i ka Nyɛmɛ maari i atin a, i b́isa ya ka ye nzu ti ye ya da má Yohane nɔ a? ²⁶ Ama, nzen ya seeri i ka adamande dɔ, ya soro sɛrɛ ka jama ni yáki má ya. Má pui ti, dama sɔnɔ kɛrɛ soroori su ka Yohane yo tiiri Nyɛmɛ nɔanɛ kanfɔ ɔ nahɔrɛ su.” ²⁷ Nyini ti, na ba bɔ i nu ka, “Ya si má.” Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kɛrɛ ni.”

Miɛnu fa kɔ sɔnɔ be ni i nbaa nnyɔ nbem su

²⁸ Na Yesu abisa bu ka, “Am sunsun ka ahin miɛnu bu la ka sɛ wɔ lɛɛ? Sɔnɔ be yo woori bɛrɛ a, i la nbaabiesɔm nnyɔ. Cɛɛn be na wɔ kɔ kpiɛn n dɔ, akɔ ase i ka, ‘M wa, kɔ baka suuwam fie n nu, na a kɔ yo juma nyuma.’ ²⁹ Na baa n ase i ka, ‘M kó má.’ Ama, kasin, na baa n aba akaaki i sunsunni, na wɔ kɔ. ³⁰ Na wɔ kɔ nyiŋga n dɔ, akɔ ase i gusu. Na baa n ase i ka, ‘Ma ti, m kó.’ Ama, wɔ kɔ má. ³¹ Tɔ, bu mine nnyɔm n nu, nma yoori i si n sa koroowa?” Na ba bɔ i nu ka, “Baakpiɛn ni.” Dɔ na Yesu ase bu ka, “Nahɔrɛ ye m suse am n a, lampodefɔm ni sakaram kɛrɛ sufa Nyɛmɛ yo bu fɛmɛ yaki am. ³² Dama ka, Yohane baari ka i bá kere am sa bo i kɔ atin su Nyɛmɛ dɔ ɔ, ama, am ayo má i yarada,

na lampodefom ni sakaram, bere ayo i. Haari ni bo am nyuri kabo bu yoori yarada ni, am akaaki ma am wo, na am yo i yarada.”

Kabo Yesu boori mienu niiri Yudafoṃ nkpienkpienm ni

³³ Na Yesu ase bu ka, “Am so am sui na am ti mienu n be bekun. Awurufobie be yo woori bere a, na wo do i baka suuwa barasu be fie, na wo kanda abara aye fie ni. Na wo lokoti yabue bambaka be kunma, ka i sumiemie baka suuwam ni nzue go nu. Na wo ta kpafiri lenlenge be ka bu tana su sunie fie n kere su, na wo nya afa fie n awura i npadifoṃ saa nu. Na wo ko atin.

³⁴ Saṅga bo i siiri ka wo ka kaan na baka suuwam n bi ni, na wo sunma i akoom i npadifoṃ n do ka bu ko de i dee bo ba nya i n bra. ³⁵ Akoom n ko juuri ni, na ba bo bu nu kun, na ba kun nyiṅga, na ba tu nyiṅga n gusu yabue. ³⁶ Na sono n asunma i akoo nyiṅgam bekun, bu sunnu tara ciciri deem ni, na npadifoṃ n ayo bu kabo bu yoori ciciri su deem ni. ³⁷ Na kasin, na wo ba asunma i wa, na wo se ka, ‘Bu ma m wa n yiri jirima.’ ³⁸ Ama, saṅga bo npadifoṃ n nyuri ka baa ni suba ni, na ba se bu nyuru nu ka, ‘I wa n bo i di i aja n lee suba n a. Am bra na ya kun i na aja n kere ka ya dee.’ ³⁹ Do na ba tara i, na ba cin i atu baka suuwa fie n aheme, na ba kun i.”

⁴⁰ Na Yesu anya abisa bu ka, “Am sunsun ka fie fo n ba baari, i yo nyini npadifoṃ ni se wo?” ⁴¹ Na ba bo i nu ka, “I ba ma nyini mine tiefoṃ n kere wu kenkesi yiwee wo, na i fa fie n wura npadifo

fɔfɔrɛm saa nu, berɛ bo bu má i nya i dɛɛ baka suuwam, sanɔa bo bu ba biiri ni.”

⁴² Na Yesu ase bu ka, “Am nya kan má kabo ba kerɛ i Nyɛmɛ Jɔrɛ Kadasi n nu ni, nzen sɛ? Bu ɲa,

‘Yabuɛ n bo bondo tafɔm n faari i tuuri ni,
yiri ye wɔ kaaki bondo n jaa yabuɛm n kerɛ
tii a.

Micɛra ni yoori i sɔ a.

Ya ɲu i na wɔ yo ya alekutura.’ ”

⁴³ Na Yesu ase bu ka, “M suse am wɔ lɛɛ, ka, bu dé Nyɛmɛ fɛmɛya n fite am dɔ, na bu fá ma minem bo bu bita i na i la kperɛ ni.” [⁴⁴ Na wɔ kaaki ase ka, “Sɔnɔ kerɛ bo i kpaasiiri ahin yabuɛ n su, i mi búbu nu wɔ mumuku, na sɔnɔ kerɛ gusu bo ahin yabuɛ n tɔɔri i ɲu, i sán i mi samɛnɛ wɔ.”]

⁴⁵ Nyɛmɛ sayoowa dɔɲguyɔfɔm, ni Farasifɔm n tiiri miɛnu n bo Yesu boori i sɔ ni, na ba fa nu ka i boori i niiri berɛ wɔ. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wɔ, dama bu kerɛ ɲa i ti Nyɛmɛ nɔanɛ kanfɔ ɔ.

22

Miɛnu fa kɔ konyaya di ni nu bambaka n su

¹ Na Yesu akaaki abo miɛnu be bekun, i ɲa,
² “Kabo Nyɛmɛ fɛmɛya n ti yaa. Fɛmɛ be yo sɛsɛeri i wa konyaya di ni nu su fa seeri a. ³ Na wɔ sunma i akɔɔm ka bu kɔ fere minem bo wɔ du mɔ abaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wɔ kaaki asunma akɔɔ nyingam ka bu kɔ se berɛ n

bo wɔ du mɔ abaandi bu n ka, ‘Am bra, dama ma yo m di ni nu n siriya kere awie. Haari ma kun m tooram, ni nengendore bo bu la lui ni, ayo siriya kere awie. Am bra na am ba konyaya di ni nu ni.’ ⁵ Ama, bu be mmɔɔ abɔ má bu nu. Na ba ka bu juma n yo su. Kun kɔɔri i fiesu wɔ, na nyinga gusu akɔ i juma yoobiri. ⁶ Na nyingam n atara i akɔm ni, na ba kere bu wuwuruwa, na ba kun bu. ⁷ Dɔ na yaa ati femɛ n agaya, na wɔ sunma i sojam, na ba kɔ akun nyini mine kunfɔm ni kere, na ba yara bu miɛ ni. ⁸ Na wɔ fere i akɔm ni, na wɔ se bu ka, ‘Konyaya di ni nu n ayo siriya, ama, minem bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atingberem su, na am kɔ fere minem barasu kere bo am ɲuuri bu ni, ka bu bra konyaya di ni nu ni.’ ¹⁰ Na akɔm n akɔ atingberem su, akɔ atien minem kere bo bu kɔ ɲuuri bu n nɔɔ aba, mine kpam ni tiem kere. Na konyaya awuru n ayi ni jama beberebe.

¹¹ Na femɛ n akɔ, ka i kɔ nie jama ni, na wɔ ɲu ka sɔnɔ kun be wo jama n nu, i wura má konyaya sutura. ¹² Na femɛ n abisa i ka, ‘M dɔn, a yo se wuraari awuru n nu fen, ye a wura má konyaya sutura a?’ Ama, sɔnɔ n akoro abɔ má i nu. ¹³ Na femɛ n ase i ngbefenem ka, ‘Am tara i, na am cici i saam, ni i jaam nyama, na am fa i tu dasin dɔ, awosin n nu. Dɔ na i sún, na i kán i saa.’ ” ¹⁴ Na Yesu anya ase bu ka, “Minem bo Nyemɛ afere bu n sunnu, ama, bo wɔ yi bu n sunnu má.”

Kabo bu sɔɔri Yesu ɲgeɛ lampo tɔ busu ni

¹⁵ Na Farasifɔm n afite akɔ aseɛ su kabo bu sɔ Yesu ɲgeɛ, na bu nya i taraabiri fa kɔ i nɔanie

jɔjɔwa su. ¹⁶ Na ba sunma bu susufɔm, ni Feme Herode minem Yesu do, na ba ko ase i ka, “Ya Kerefo, ya si ka a ti nahore sefo o, na a kere minem kabo Nyeme atin ti nahore su, na u cee wo ma kabo minem jɔjɔ nu, dama a nie ma sono jinaabiri ti. ¹⁷ To, a na se wo? Ya dee atin n su, atin wo nu ka ya to lampo ma Romafom Feme Kpiri Siza, nzen atin wo ma nu?” ¹⁸ Ama, na Yesu asi ka bu bita sunsunni tie wo, na wo se bu ka, “Ambere burukonufom ni, nzu ti ye am sukoro ka am so m nge a? ¹⁹ Am fa nwaa n bo bu fa to lampo kaari n bra na m nie.” Na ba fa nwaa n aba ama i, ²⁰ na wo de nwaa n anie, na wo bisa bu ka, “Nma dee tii ni i duma wo nwaa n su n a?” ²¹ Na ba bo i nu ka, “Feme Siza dee a.” Na Yesu ase bu ka, “To, deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme.” ²² Sangga bo bu tiiri ahin nonie n so ni, na ba mie, na ba ko ayaki i.

Kabo bu bisaari Yesu fa kori yiwee tenge jore su ni

²³ Nyini ceen n gbingbin na Sodusifo nbem aba Yesu do. Bu dee kereewa la ka Nyeme tenge ma minem bu yiwee n nu n a. Na ba ba abisa i jore be, bu na, ²⁴ “Ya Kerefo, Moyisi yo seeri ka, nzen sono wu yakiiri i yi, na i ni bara n anya ma baa, wo yo daka ka i niema n fa kunafo n na bu wu nbaam ma yiri n bo wo wu ni. ²⁵ To, sono be yo laari nbaabiesom nso wo, ya nu fen, na baakpien n aja bara, na wo wu ayaki bara ni, ba wu ma baa. ²⁶ So ye bo i to i su nnyo su, ni nsan su n yoori a, haari fa ko kpuraari nso su ni. ²⁷ Na bara

n ni i tii aba aka sin awu. ²⁸ Tɔ, kabo bu mine nso n kere aja bara n na ba wu so ni, ceen bo Nyeme bá tenge minem bu yiwee n nu ni, bara ni ká nma dee tenle su a?"

²⁹ Na Yesu abo bu nu ka, "Am amini atin. Dama am ti má deke bo ba kere i Nyeme Jore Kadasi n nu n bu, na am kaaki si má kabo Nyeme yiko n ti barasu. ³⁰ Dama sanga bo Nyeme bá tenge minem bu yiwee n nu ni, ajaa wo má bere kun. Ama, nyini ceen ni, sono kere kaaki ka Nyeme merkem bo bu wo angoro n wo, dama bu ja má ajaa kun. ³¹ Na fa ko kabo Nyeme bá tenge minem bu yiwee n nu barasu ni, am akan má Nyeme Jore Kadasi n nu kabo i yo seeri am n wo, nzen se? I na, ³² 'Mini ti Abraham, ni Izaki, ni Jakabu dee Nyeme n a.' " Na Yesu asa su ase bu ka, "Tɔ, kabo Nyeme na i ti nyini minem n dee Nyeme ni, nyini kere ka bu toko la ngoo lee, dama Nyeme ti má bo ba wu n dee Nyeme, ama, i ti bo bu la ngoo ni dee Nyeme a." ³³ Minem n tiiri i kereewa n so ni, na ba yo alekutura.

Nyeme noanie maawa n bo i tara bu kere n jore

³⁴ Sanga bo Farasifom tiiri ka Yesu ajojo ayi Sadiusifom ni, na ba tien bu noo i do. ³⁵ Na bu nu kun be, bo i ti Nyeme noanie kerefɔ n abisa Yesu bisaawa be ka i so i ngeɛ. I na, ³⁶ "Ya Kerefɔ, Nyeme noanie maawa n bo i wo i noanie kpamaawa n nu ni, bono tara bu kere a?" ³⁷ Na Yesu abo i nu ka, "Ba kere ka, 'Koro Micera u Nyeme ni, ni u ahorembaa kun, ni u awiewie, ni u sunsunni kere.' ³⁸ Ahin ti noanie maawa

n bo i tara i kerε a. ³⁹ Bo i tɔ su nnyɔ su n ti ka nyini n wɔ. Ka o, 'Koro u beɲgu kabo a koro u ɲu ni.' ⁴⁰ Kabo ba kerε Nyεmε nɔanie kpamaawam n kadasi n nu, ni Nyεmε nɔanie kanfɔm n dεε n nu ni, i kerε jina ahin nɔanie maawa nnyɔm n su wɔ."

Kristo Tiidefɔ n bo i ti Fεmε Davidi anuma n jɔrε

⁴¹ Sangɔ bo Farasifɔ nbem ba tientieɛnri bu nɔɔ ni, na Yesu abisa bu jɔrε be fa kɔ Kristo Tiidefɔ n su. I ɲa, ⁴² "Am fa Kristo Tiidefɔ n bu ɲma a? Am sunsun ka i ti ɲma dεε anuma a?" Na ba bɔ i nu ka, "I ti Fεmε Davidi anuma a."

⁴³ Na Yesu abisa bu ka, "Ye nzu ti ye Nyεmε Awiewie n ba wuraari Fεmε Davidi ɲu, ye i fereeri i ka i Mibiε a? I ɲa,

⁴⁴ 'Na Micera n ase m Mibiε n ka,

"Ba tana m saa fɔmbɔrɔ su fεn,

haari m bá má u kpɔfɔm kerε ba kutu u jaa bu." '

⁴⁵ Tɔ, nzen Fεmε Davidi mmɔɔ ni i tii yo fereeri Kristo n ka i Mibiε, ye Kristo n yo sε kaaki yo Fεmε Davidi anuma a?" ⁴⁶ Be akoro anya má nɔanie be abɔ má i nu. Nyini ti, fite nyini cεen n sin, be abo má su ka i bisa Yesu jɔrε bekun.

23

Kabo Yesu ɲa mine si bu ɲu sa ni Yudafɔm tere-terefɔ nbem ni

¹ Na Yesu ajojo i susufɔm n ni jama n dɔ, na wɔ se bu ka, ² "Nyεmε nɔanie kerefɔm, ni Farasifɔm n ade Moyisi dεε jinaabiri ni, ye bu kere minem

Nyeme noanie kpamaawa n a. ³ Nyini ti, deke kere bo bu fa kere am ni, am soro i su, ama, ma am yo sam bo bu yo bu ni, dama bere yo ma sam bo bu kere ka minem yo bu ni. ⁴ Bu cici soori nonoori so minem wo, ama, bere ni bu tii soro ma su ka bu fa bu saa kan i. ⁵ Deke kere bo bu yo i, bu koro ka minem nu bu wo, na bu kansu bu. Bu kere Nyeme noanie n wo, na bu yo i ka sebe, na bu fa cici bu numa su, adena minem nu i. Na bu yo bu tanlee noo njorem tintiin. ⁶ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁷ Bu koro ka minem suyo bu anse goosu wo, na bu ma bu jirima, na bu fere bu ka, 'Ya Kerefo.' ⁸ Ambere, ma am ma be fere am ka 'Ya Kerefo,' dama am la kerefo kun n kpein wo. Ambere kere ti nibaam wo. ⁹ Ma am fere be ka am si, durunya n nu fen, dama am la Si kun n kpein wo, yiri wo angoro n a. ¹⁰ Ma am ma be fere am ka i kpien, dama am kpien ti kun n kpein wo, yiri la Kristo Tiidefo ni. ¹¹ Bo i ti am kere tii ni, wo yo daka ka yiri su am a. ¹² Sono kere bo i wura i nu kpiri, Nyeme yo i mi kaan, na sono kere bo i yo i nu kaan, Nyeme wura i mi kpiri."

Kabo Yesu na Yudafo tereterefo nbem ba nu anyumboro ni

¹³ Na Yesu akaaki ase ka, "Ambere Nyeme noanie kerefo, ni Farasifo n bo am ti bu-rukoonufom ni, am ba nu anyumboro. Am kanda minem wo, adena ma bu su Nyeme femeya n atin su, dama ambere ni am tii kete

ka am su má i atin n su, na am sukanda bo bu koro ka bu su i su ni. [¹⁴ Amberε Nyεmε nɔanie kerefɔm ni Farasifɔm n bo am ti burukɔɔnufɔm ni, am bá ηu anyumboro. Am sisi nkunafɔm na am fin bu neɲgem wɔ, na am jina sere Nyεmε ce, adena minem ηu ka am ti mine kpam wɔ. Jina ceen, amberε bá nya suicin tara minem kere.]

¹⁵ Amberε Nyεmε nɔanie kerefɔm ni Farasifɔm n bo am ti burukɔɔnufɔm ni, am bá ηu anyumboro. Am kpie tiekum wɔ, na am kɔ miem bo bu waarim su, adena am nya sɔnɔ kun mmɔɔ bo i káaki i wo na i su am su, na sanɲa bo am nya nyaari i mi, am ma i satie yoowa tara am dεε wɔ, adena yiri dú am mɔ kɔ ceema sin nu.

¹⁶ Amberε bo am ti ka anyinsinm na am kere minem atin ni, am bá ηu anyumboro. Am ηa nzen sɔnɔ taanri ndie fa kɔ Nyεmε Sereebiri Awuru n dɔ, i ti má pui. Ama, nzen sɔnɔ kere bo i taanri sika neɲgem n bo bu wo Nyεmε Sereebiri Awuru n nu ni, i mi ma i ndie taanwa n yo yiiwa.

¹⁷ Amberε bo am ti ka anyinsin sinnzinm ni, bɔnɔ tara i beɲgu a? Sika neɲgem ni, nzen Nyεmε Sereebiri Awuru n bo yiri ma sika neɲgem n yo casi n a? ¹⁸ Am kaaki ηa, nzen sɔnɔ taanri Mikun n yoowa yoobiri ni, i ti má pui. Ama, nzen sɔnɔ taanri aceerim bo ba fa ase Mikun n yoowa yoobiri n su ni, wɔ yo daka ka i mi ma i ndie taanwa n yo yiiwa. ¹⁹ Amberε bo am ti ka anyinsinm ni, bɔnɔ tara i beɲgu a? Aceerim ni, nzen Mikun n yoowa yoobiri n bo i ma aceerim n yo casi n a? ²⁰ Nyini dεε ti, sɔnɔ kere bo i taanri Mikun n yoowa yoobiri ni, i mi atan i ni dekem kere bo bu wo su n wɔ lεε. ²¹ Na sɔnɔ kere bo i

taanri Nyeme Sereebiri Awuru ni, i mi atan i ni Nyeme bo i wo nu n wo lee. ²² Na nzen sono kere bo i taanri angoro ni, i mi atan Nyeme femeya bie n wo lee, ni yiri Nyeme bo i tana su ni.

²³ Ambere Nyeme noanie kerefom, ni Farasifom n bo am ti burukonufom ni, am ba nu anyumboro. Am yi am jakam ma Nyeme wo, haari ni am maakunm, ni ngetem, ni nvan-nvanm kere, ama, am yo ma sam bo Nyeme noanie kpamaawa n kere ka am yo bu n na bu la anyunuyi tara bu kere ni. Bere la nahore sam, ni anjuno si, ni yaradayo. Wo yo daka ka na am yo nyini sam sanja kere, na am fa jaka yiwam buka su. ²⁴ Ambere ti ka anyinsinm na am kere minem atin ni. Am kpokpo yi nminsenm bo bu ti kan kanm n wo, am deke nuuwam nu, ama, na am sanja nu nyoomam bere, am deke nuuwam nu.

²⁵ Ambere Nyeme noanie kerefom, ni Farasifom n bo am ti burukonufom ni, am ba nu anyumboro. Am nmisi am kopum ni taalem sin wo, ama, na bu kunnu ayi ni dekem bo am fin bu fanja, ni anyii sayoowam wo. ²⁶ Woro Farasifo bo a ti ka anyinsin ni, du mo yo u kopu n kunnu casi ka, na i sin n gusu nya yo casi.

²⁷ Ambere Nyeme noanie kerefom, ni Farasifom n bo am ti burukonufom ni, am ba nu anyumboro. Am ti ka fanjunmam bo ba bo bu nzue fofoe kpakpari, na bu yo nyunyumi n wo, ama, bu kunnu yiri ayi ni fuin buwem wo, ni fin barasu kere. ²⁸ Am ti so o lee. Am ma minem nu am ka am ti minem bo bu yo sa bo i ko

atin su Nyeme do n wo, ama, am ahore su ayi ni burukoonu, ni satiem wo.”

Kabo Yesu na Nyeme ba cin Yudafoɗ tereterefo nbem sui barasu ni

²⁹ Na Yesu asa su ase ka, “Amberɛ Nyeme noaniɛ kerefom, ni Farasifom n bo am ti burukoonufom ni, am ba nu anyumboro. Am yo fanjunmam dongu fa ma Nyeme noaniɛ kanfom wo, na am yo minem bo bu yo sa bo i ko atin su Nyeme do n fanjunmam nyunyumi.

³⁰ Na am se ka, nzen ma amberɛ yo woori bere, am nam sangani, ma am kun ma Nyeme noaniɛ kanfom n ni, kabo am nam yo yoori bu ni.

³¹ Nyini ti, am asoro su ka am ti bere bo bu yo kuunri Nyeme noaniɛ kanfom n deɛ busu nufom wo leɛ. ³² To, i ti ye ni ka am de am nam jinaabiri ni, na am yo bu satie yoowam n ko wie.

³³ Amberɛ burukoonufom bo am ti woom na am ti ka pumpuni nbaam ni, am yo se ye am koro nmati fite nu, bo am wura ma cɛema sin n nu a?

³⁴ Nyini ti ye m sunma Nyeme noaniɛ kanfom, ni mine alecirafom, ni kerefom am do n a. Am kun bu nbem, na am fa bu nbem sense baka jaanu n su, na am fin bu nbem ngbere, am tientienbunoo soom n nu, na am ko mie miem su na am kere bu wuwuruwa. ³⁵ Nyini deɛ ti, Nyeme cin amberɛ sui fa ko kabo am nam yo kuunri minem bo bu yo sa bo i ko atin su Nyeme do durunya n nu. Bu yo yoori so o fite sangani bo bu kuunri sono be bo i yo sa bo i ko atin su Nyeme do n na bu fere i ka Abeli ni, fa ba juuri sangani bo bu kuunri sono be bo bu fere i ka Zakariya, Berakaya wa ni.

Yiri ye am kuunri i Nyeme Sereebiri Awuru n nu,

Casi KERE Casi Sɔɔ n ni Mikun yoowa yoobiri n afien n a. ³⁶ Nahore ye m suse am n a, nyini n kere deɛ ti ye Nyeme bá cin amberɛ nyumafɔm sui n a.”

Kabo Yesu ahore saaki maari Yerusalemfɔm barasu ni

³⁷ Na Yesu abo awie ase ka, “Keto, keto, amberɛ Yerusalemfɔm. Amberɛ kuunri Nyeme noanɛ kanfɔm n a, na minɛm bo Nyeme sunmaari bu am do ni, am atu bu yabuɛ. Saŋga kere m koroori ka m tien am noɔ, na m fa m saa bara ye am, kabo ako tien i nbaam noɔ, i laŋkpete nu ni, ama, am soro má m su. ³⁸ Am nie fen, Nyeme yáki am nu ji, na am mie n ká ŋgbɛɛn. ³⁹ M suse am wo lee, ka, fite kisa fa ko, am ŋú má m kun, má ka saŋga bo am bá se ka, “Terefie wo yiri n bo i suba Micera n deɛ duma n nu n do.”

24

Kabo Yesu seeri ka Nyeme Sereebiri Awuru ni bá bereki barasu ni

¹ Saŋga bo Yesu fiteeri Nyeme Sereebiri Awuru n nu na i wo ko su ni, na i susufɔm n aba i do, aba ase i ka i nie kabo Nyeme sereebiri n ti barasu a. ² Na wo se bu ka, “M ŋa am aŋu ahinm kere e? Nahore ye m suse am n a, yabuɛ kun n kpein n mmɔɔ bá nana má i beŋgu su. Bu bá bereki i kere go o lee.”

Kabo Yesu kere fa koori durunya n awieeri su deɛ jore ni

³ Saŋga bo Yesu fun ko tanaari Oliva Buka n su ni, na i susufɔm n aba i do, bu ni yiri ŋgumi,

na ba se i ka, “Ya Kerefo, se ya, sanɔa bono ye ahin sam kere bá yo a? Ye nzu deke bá kere ya ka sanɔa n adodo bo a bá bekun, na durunya n bá awieeri a?”

⁴ Na Yesu abo bu nu ka, “Am si am nu sa, na má am ma be dadaka am. ⁵ Dama mine donɔgu bá fa m duma ba, na bu sé ka, ‘Kristo Tiidefo n la mini wo.’ Na bu dá daka mine beberebe. ⁶ Sanɔa bo am bá ti aluwa nga fen, wara bu sukun lue do, má am ma am ahore saaki. Wo yo daka ka nyini sam n kere bá yo sin ka, ama, má am nie ka durunya n awieeri le. ⁷ Daanfie daanfie bá kun lue ni bu bengum, na nfemem kún lue ni bu bengum nfemem. Na asien bá kpisi awore aworem nu, na ahoe to. ⁸ Nyini n kere bá yo kabo bara kutu een bumboori dee wahara n ti n wo.

⁹ Nyini sanɔa, na bu tara am ma yikofom na bu kere am wuwuruwa, na bu kún am. Mini dee ti, sono kere kpo am. ¹⁰ Nyini sanɔa n na mine donɔgu bá kete m na bu su má m kun, na bu to bu bengum, na bu kpo bu bengum. ¹¹ Na korofom donɔgu bo bu yo bu nu ka bere ti Nyeme noanie kanfom ni bá ba, na bu dá daka minem beberebe. ¹² Satiyo bá sunnu n dee ti, mine donɔgu koro bá ko i sin. ¹³ Ama, woro kere bo a mindi deeri nyini n kere ko juuri i awieeri, Nyeme de u tii ji. ¹⁴ Na bu bá kan ahin labari kpa n fa ko Nyeme femeya n jore su, kere durunya n nufom, na adamande kere ti i ka, na durunya n nya bá awieeri.”

Anyumbaa ciire sa n bo i bá n jore

¹⁵ Na Yesu akaaki ase bu ka, “Am bá nu anyumbaa ciire sa be bo Nyeme mmoo kpo i n

na Nyeme noanie kanfo Danieli yo jɔjɔri i jɔre ni, ka i jina soɔ casi n bo i wo Nyeme Sereebiri Awuru n nu ni. Ma soɔ kere bo i kan ahin kadasi n ti i bu nyunyumi. ¹⁶ Nyini sanɔa ni, wɔɔ kere bo a tiiri i nga na a wo Yudiya asien n su, nmati kɔ bukam n su. ¹⁷ Wɔɔ kere bo a wo kpata nu, má a wura gisan nu fa pui. ¹⁸ Na wɔɔ kere gusu bo a wo fiesu, má a kpie u nyi kɔ awuru kɔ fa u sutura be. ¹⁹ Nyini sanɔa ni yó kekereke agaya ma nyinsefɔm, ni nbaram bo bu nbaam toko nu ni. ²⁰ Am sere Nyeme ka má nyini sa n yó buke sanɔa, wara Yudafɔm Njumiya cɛen ni. ²¹ Nyini sanɔa ni wahara bo mine dí i, i tára wahara kere bo ba di i asin ni, fite sanɔa n bo Nyeme yiiri durunya ni, haari ni kisa. Nahɔre, nyini wahara n nusu bá má kun. ²² Ama, Nyeme akpie nyini sanɔa n su. Nzen má wɔ kpie má i su, má soɔ wo má bere bo i nya ngɔɔ, ama, i deɛ tienɔu minem bo wɔ yi bu n deɛ ti, ye wɔ kpie sanɔa n su a. ²³ Nyini sanɔa ni, na nzen be bá se am ka, ‘Am niɛ, Kristo Tiidefo ni wo fen n a,’ wara, ‘Am niɛ, yiri wo do n a,’ má am de i mi noanie ni. ²⁴ Dama kɔrefo nbem bá ba, na bu yó bu nju ka bere ti Kristo n a, na nbem gusu yó bu nju ka bu ti Nyeme noanie kanfɔm wɔ. Bu yó alekutura sam beberebe fa kere am, na nzen bu koro nyaari atin, bu dáɔaka Nyeme deɛ minem mmɔɔ bo wɔ yi bu ni. ²⁵ Amberɛ, am ti fen, ma se am wɔ leɛ ka, na sanɔa n nyá ba ju.

²⁶ Na nzen be bá seeri am ka, ‘Am niɛ, Kristo ni wo boro kpantain n nu do n a,’ má am kɔ do. Wara, nzen be bá seeri am ka, ‘Yiri fie soɔ do n a,’ má am yo i mi yarada. ²⁷ Dama mini

Adamande Wa n ba ni, i bá ti kabo nzue kpɛɛ na i ta bara yɛ deke kɛɛ n wɔ, fite wiɛ afiri fa kɔ ju wiɛ atɔɔri n wɔ. ²⁸ Deke kɛɛ bo deke fuin nya wo, pɛtɛm bara yɛ dɔ ɔ.”

Kabo Adamande Wa ni bá kaaki ba barasu ni

²⁹ Na Yesu akaaki ase bu ka, “Sanɔa bo nyini wahara n kɛɛ ba siinri,

‘Awosin káta wiɛ n su,

na sara n gusu tá má bo minɛm ɲu i.

Na asarambaam fíte anɔoro titi toto,

na anɔoro n kɛɛ kpísi.’

³⁰ Nyini sanɔa ni, na minɛ ɲú deke be anɔoro bo i kɛɛ ka mini Adamande Wa ni suba. Na minɛm bo bu wo durunya n nu n kɛɛ bó awie, na bu nyá ɲu ka mini Adamande Wa ni sufite anɔoro yinyingɔ n nu suje piɛpiɛu suba ni yiko bambaka ni. ³¹ Na bu tí ka awie be sukpara ni fanɔa su, na m nyá sunma Nyɛmɛ mɛrɛkɛm durunya n awɔɛ n kɛɛ nu, na bu tíɛn minɛm bo Nyɛmɛ ayi bu durunya n nu n kɛɛ nɔɔ.”

Kabo Yesu ɲa ya fa damba baka fa se nyaari barasu ni

³² Na Yesu akaaki ase ka, “Am fa damba baka n fa se nyaari. Sanɔa bo am ba ɲu ka i nyawa akpɔnkpɔn, na i sufieɛ fɔfɔɛ ni, am si ka dɔdɔɔri sanɔa adodo lɛɛ. ³³ Mini Adamande Wa

n ba ni bá yo sɔ ɔ. Sanɔa bo am ba ɲu ka nyini sam kɛɛ bá suyo ni, am si tenle su ka sanɔa n adodo lɛɛ, i cé má kun. ³⁴ Nahɔɛ ye m suse am n a, ahin nyumafɔm busu kɛɛ wú wiɛ má ka, ye nyini sam kɛɛ bá yo a. ³⁵ Anɔoro n ni asienɔu

n kere bá la awieeri, ama, m deε nɔaniε n yiri la má awieeri cεen be.”

Kabo Yesu seeri ka ya si ya ηu sa fa kɔ i ba n su ni

³⁶ Na Yesu akaaki ase ka, “Be si má sanɔa ni, wara cεen n bo m bá kpie m nyi ba ni. Haari Nyeme merεkem bo bu wo i dɔ ni, ni mini bo m ti i wa ni mmɔɔ si má. Má ka ya Si Nyeme ηgumi si a. ³⁷ Mini Adamande Wa n ba sanɔa ni yó kabo sɔnɔ be bo bu fere i ka Nowa sanɔa na i yoori n wɔ. ³⁸ Sanɔa bo wɔmbu n nya di má durunya n ni, sɔnɔ kere woori di ni nu su wɔ, na nbaram ni nbiesom suja bu beηgum, fa kɔ juuri haari cεen n bo Nowa wuraari lee bambaka n nu ni. ³⁹ Minem ayo asi má sa bo i bá yo ni, haari cεen n bo wɔmbu n ba diiri bu kere ni. I yó sɔ ɔ, fa kɔ sanɔa n bo mini Adamande Wa ni bá ba ni. ⁴⁰ Nyini sanɔa ni, mine nnyɔ bá wo juma yo su fiesu, na Nyeme má bu bá fa kun n kɔ yaki kun ni. ⁴¹ Na nbaram nnyɔ wo ηgani saanbiri, na Nyeme má bu bá fa kun n kɔ yaki kun ni. ⁴² Tɔ, nyini ti, má am fa am ηu ji na am daafi, dama am si má cεen n bo am Mibiε ni bá ni. ⁴³ Am si tenle su ka nzen má awurufɔbiε n si sanɔa bo awiefɔ ni bá i dika na i bá wɔ i, má i tana ηminda a, na awiefɔ n koro ba wura má. ⁴⁴ Nyini ti, ambere gusu kpa am ηu sanɔa kere, dama mini Adamande Wa ni, m bá sanɔa bo am sunsun má ka m bá n wɔ.”

Miεnu fa kɔ akɔɔ nbem dabuηu n jɔre

⁴⁵ Na Yesu akaaki ase ka, “Akɔɔ kpien n bo i la dabuηu na i kaaki la alecira n la ηma a? Yiri la bo i mibiε n afa akɔɔ nyiηgam awura i saa nu

ka i kpaaki diire nu ma bu, saŋga bo i ti ye ni ka i ma bu ni. ⁴⁶ Nzen i mibiε n ba ŋuuri ka i suyo i juma kabo i seeri ka i yo ni, terefiε wo nyini akɔɔ n dɔ. ⁴⁷ Nahɔre ye m suse am n a, mibiε ni fá i aja kere wura nyini akɔɔ n saa nu wɔ, na i níε i dika. ⁴⁸ Ama, nzen i ti akɔɔ tiefɔ, i súnsun ka i mibiε ni kpíε má i nyi nde. ⁴⁹ A ŋu ka i subo akɔɔ nyingam wɔ, na i sudi, na i ni nzan nufɔm sunu bo. ⁵⁰ Dɔ, na i mibiε n ba kpieeri i nyi baari cεen bo i sunsun má ka i bá, na i kaaki si má ba n saŋga ni. ⁵¹ Nyini saŋga n na i mibiε n cín i sui agaya, na i fá i bo burukɔɔnufɔm n su. Dɔ na i sún, na i kán i saa.”

25

Miεnu fa kɔ nsunguru buru nbem jɔre

¹ Na Yesu akaaki ase bu ka, “Saŋga bo mini Adamande Wa ni bá ba, na Nyeme Feme bá niε i minem su ni, i yó ka nsunguru buru nbem bo bu faari bu fitanam ka bu kɔ kpa konyafan atin n wɔ. ² Bu mine nnu tiiri aleciraɔm wɔ, na nnu nyingam n ati sinnzinm. ³ Na sinnzinm n afa bu fitanam, ama, ba bita má ŋguin nu, ⁴ na aleciraɔm n bere afa ŋguin abita nu. ⁵ Na ba kɔ aŋminda konyafan n ace, wɔ ba má nde, na daafiri aba ati nsungurum ni, na ba daafi. ⁶ Na jinanjin saŋga, na ba ti ka bu subo ndoori ka, ‘Konyafan ni suba o, am fite na ya kɔ kpa i atin.’ ⁷ Na nsunguru burum kere ayasu, ayo bu fitanam dɔŋgu. ⁸ Na sinnzinm n ase aleciraɔm ni ka, ‘Am bu am ŋguin n be ma ya, ya fitanam ni sunɔ.’ ⁹ Na aleciraɔm n ase bu ka, ‘Ai, ya ŋguin

ni koro ju má ya ni amberε kere. Am kō nguin tofōm dō, na am kō to.’ ¹⁰ Na nsunguru sinnzinm n akō ka bu kō to nguin ni. Bu kō wieeri ni, na konyafan n aju. Na nsunguru nnum bo ba kpa bu ŋu ni, asu i su, awura konyaya awuru n nu. Na ba tu anō ni. ¹¹ Kasin, na nsunguru nyingam bo bu kōori nguin to ni, aba ajina anō n nu, abo afere i ka, ‘Ya mibiε, ya mibiε, teke anō n ma ya na ya wura.’ ¹² Na konyafan n ase bu ka, ‘Ai, nahore ye m suse am n a, m si má am cēen be cēen be.’ ” ¹³ Na Yesu ase i susufōm n ka, “Tō, nyini ti, má am fa am ŋu ji na am daafi, dama am si má cēen n bo m bá ni.”

Miεnu fa kō akō nsan nbem dabuŋu n jōre

¹⁴ Na Yesu ase bu ka, “Sanga bo m bá ba ni, i yó kabo sōnō be suko atin, na i fereeri i akōom, na i faari i nenje kere wuraari bu saa nu, ka bu niε i dika n wō. ¹⁵ Na wō fa ŋwaa akpaaki bu kere nu, kabo bu koro bita i barasu. I faari ŋwaa n busu nnu maari kun wō, na wō fa busu nnyō n ama kun gusu, na wō nya afa busu kun n ama nyinga ni. Na wō kō atin ni. ¹⁶ Na bo i maari i busu nnu ni afa abo wata bu, na wō nya i ŋusu nnu abuka su. ¹⁷ Na bo i maari i busu nnyō n gusu ayo sō, na wō nya i ŋusu nnyō abuka su. ¹⁸ Ama, bo i maari i seseewa kun ni kō funduuri kunma wō, na wō fa i dεε ŋwaa n awura nu, na wō kata su. ¹⁹ Na bu mibiε n akō ace dō, haari na wō ba aba ka i ba niε kabo bu bita i ŋwaa n barasu ni. ²⁰ Na bo i maari i busu nnu n afa i dεε ŋwaa aba, na wō se i mibiε n ka, ‘M mibiε, niε. A maari m ŋwaa n busu nnu wō, ama, ma nya

i n̄usu nnu abuka su.’ ²¹ Na i mibiε n ase i ka, ‘Nfan. Wɔrɔ akɔɔ kpa bo a la dabun̄u ni, kabo a kere ka a la dabun̄u niε deke kaan su ni, m fá dɔŋgu n mmɔɔ wura u saa nu na a niε i dika. Bra na a ba nya ahorejɔ n bo ma nya i n be.’ ²² Na bo i maari i busu nnyɔ n gusu aba ase i mibiε n ka, ‘M mibiε, niε. A maari m n̄waa n busu nnyɔ ɔ, ama, ma nya i n̄usu nnyɔ abuka su.’ ²³ Na i mibiε n ase i ka, ‘Nfan. Wɔrɔ akɔɔ kpa bo a la dabun̄u ni, kabo a kere ka a la dabun̄u niε deke kaan su ni, m fá dɔŋgu n mmɔɔ wura u saa nu na a niε i dika. Bra na a ba nya ahorejɔ n bo ma nya i n be.’ ²⁴ Kasin, na bo i maari i seseewa kun ni aba, na wɔ se ka, ‘M mibiε, m si u sa ka a ti sɔnɔ fan̄gafɔ ɔ. Deke bo a dɔ má i ni, a kp̄iε nyini wɔ. Na deke bo a bobo má i ni, a tientien nyini nɔɔ a. ²⁵ Nyini ti ye sere tiiri m a, na ma fundu kunma afa u n̄waa n afiε i nu. Yiri yaa, de u deke.’ ²⁶ Na i mibiε n akaaki ase i ka, ‘Wɔrɔ akɔɔ tie nviεyafɔ ni, a si tenle su ka deke bo ma dɔ má i ni, m kp̄iε nyini wɔ, na deke bo ma bobo má i ni, m tientien nyini nɔɔ a. ²⁷ Tɔ, má a si ka i ti sɔ ni, má wɔ yo daka ka a fa m n̄waa n kɔ seeri ban̄kifɔm dɔ, na má m ba kp̄ieeri m nyi baari, má m de m deke na m nya kp̄ere buka su.’ ²⁸ Dɔ na mibiε n ase i minem ka, ‘Tɔ, am de n̄waa ni i dɔ kisa kisa, na am fa ma akɔɔ n bo i bita n̄waa n busu buru ni. ²⁹ Dama sɔnɔ kere bo wɔ nya deke na i mi si i bita, bu má i buka su wɔ, na i nyá beberebe, ama, bo i si má i bita, haari ni nyini kaan n bo i la i ni, bu cín de i dɔ ɔ. ³⁰ Ama, m ahin akɔɔ n̄gbeen ni, am fa i tu awosin n nu, deke bo i sún, na i kán i saa.’ ”

Kabo Yesu bá di minem jɔɔɛ barasu ni

³¹ Na Yesu akaaki ase ka, “Sanɔa bo mini Adamande Wa ni bá baari ni m jirima woowa n nu ni, ni Nyeme merékem kere ni, m bá tana m jirima femeya bie n su. ³² Na durunya n nu minem kere bá tien bu nɔɔ m nyunu, na m kpáaki bu nu, busu nnyɔ, kabo bɔɛsasafɔ kpaaki yi nbɔem ni sirim nu barasu ni. ³³ Na m má m deɛ minem bo bu ti ka nbɔem ni jina m saa fombɔɔ su, na m má bo ba ka na bu ti ka sirim ni jina m saa bie su. ³⁴ Na mini femɛ n sé bo bu wo m saa fombɔɔ su n ka, ‘Amberɛ bo m Si Nyeme ayo am kisi ni, am bra na am ba de femeya n bo wɔ sese i su ase ama am, fite durunya n bumboori kere ni. ³⁵ Deke bo i ti na m se am sɔ n la ka, ahɔɛ yo tiiri m, na am ama m diire. Nzuehɔɛ yo tiiri m, na am ama m nzue. M yo baari am dɔ ka wɔfɔ, na am ade m. ³⁶ M yo kaari m bu ngbɛɛn, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am akɔ anie m busu.’ ³⁷ Dɔ na m minem bo bu yo sa bo i kɔ atin su ni nyá bo m nu ka, ‘Ya Mibie, sanɔa bɔnɔ ye ya ŋuuri ka ahɔɛ ati u, ye ya maari u diire a, wara nzuehɔɛ ati u, ye ya maari u nzue a? ³⁸ Sanɔa bɔnɔ tenle su, ye a baari ya dɔ ka wɔfɔ, ye ya deeru u a, wara sanɔa bɔnɔ ye a kaari u bu ngbɛɛn, ye ya maari u sutura a? ³⁹ Sanɔa bɔnɔ ye ya ŋuuri ka a daari tukpaki, wara sanɔa bɔnɔ ye bu nyiiri u dansaraka, ye ya kɔ niɛri u busu a?’ ⁴⁰ Dɔ na m nyá bɔ bu nu ka, ‘Nahɔɛ ye m suse am n a, sanɔa kere bo am yo yoori sakpa fa maari m ahin ninbaa kan kanm ni kun, am yo maari mini wɔ

lɛɛ.’ ⁴¹ Na m nyá se bo bu wo m saa biɛ su n ka, ‘Amberɛ bo m Si Nyemɛ ayo am ŋgbɛɛn na wɔ fa nɔɔ tiɛ ase am ŋu ni, am fa cinsi m bi berɛ na am kɔ wura sin n bo i nɔ má n nu, nyini sin n ye ba tɔɔ i afa ase Sitana ni i dɛɛ mɛrɛkɛm n a. ⁴² Deke bo i ti na m se am sɔ n la ka, ahɔɛ yo tiiri m, ama, am ama má m diire. Nzuehɔɛ yo tiiri m, ama, am ama má m nzue. ⁴³ M yo baari am dika, ama, am ade má m wɔfɔ. M yo kaari m bu ŋgbɛɛn, ama, am ama má m sutura. M yo daari tukpaki, wara m yo woori dansaraka nu, ama, am akɔ anie má m busu.’ ⁴⁴ Dɔ na berɛ bo bu wo m saa biɛ su ni nyá bɔ m nu ka, ‘Ya Mibiɛ, sanɔa bɔnɔ ye ya ŋuuri u ka ahɔɛ ati u, wara nzuehɔɛ ati u, wara a baari ya wɔfɔ, wara a kaari u bu ŋgbɛɛn, wara a daari tukpaki, wara a woori dansaraka, ye ya buka má u a?’ ⁴⁵ Na m nyá kaaki se bu ka, ‘Nahɔɛ ye m suse am n a, sanɔa kɛrɛ bo am ayo má sakpa, ama má m ahin ninbaa kan kanm ni kun, am ayo ama má mini wɔ lɛɛ.’ ⁴⁶ Na nyinim berɛ kó wo suicin n bo i la má awieeri n nu. Ama, na bo bu yo sa bo i kɔ atin su Nyemɛ dɔ ni, berɛ kó wo ŋgɔɔ bo i la má awieeri n nu.”

26

Kabo bu sɛsɛɛri su ka bu tára Yesu ni

¹ Sanɔa bo Yesu kereeri nyini kereewam kɛrɛ wieeri ni, na wɔ se i susufɔm ni ka, ² “Am si ka wɔ ka lennyɔ ɔ, na bu di Butara cɛɛnkpiri ni. Dɔ ye bu nyá mini Adamande Wa n taraabiri a, na bu kpáma m baka jaanu n su.”

³ Dɔ na Nyeme sayoowa dɔnguyofɔ nkpienkpienm ni, ni Yudafɔm nkpienkpienm n atien bu nɔɔ bu kpien n dika, bu fere i ka Kayafasi, yiri ti Nyeme sayoowa dɔnguyofɔm kere kpien a, ⁴ na ba fa sɛsɛsu ka bu tara Yesu asiri nu na bu kun i. ⁵ Na ba se bu nɔɔ nu ka, “Má am ma ya yo i cɛenkpiri n sanɔa. Má nyini, minem ni kéte yo nanmiɛ wɔ, na bu sutientien.”

Kabo bara be faari tulaaleɛ gɔɔri Yesu tii su ni

⁶ Yesu woori Betani miɛ n nu wɔ, sɔnɔ be dika, bu fere i ka Simon, i yo ti kokofɔ ɔ. ⁷ Sanɔa bo Yesu wo diire di su ni, na bara be aba i dɔ, ni tulaaleɛ tuwa nvanvani bo i la gɔ agaya. Na wɔ teke tulaaleɛ tuwa n nɔɔ, na wɔ kaaki tulaaleɛ n kere agɔ Yesu tii su. ⁸ Yesu susufɔm ni nɔɔri i sɔ ni, na yaa ati bu agaya, na ba bisa bu nɔɔ nu ka, “Nzu ti ye wɔ saaki i sɔ a? ⁹ Má ya tɔɔri nyini tulaaleɛ ni, má ya nyá nɔɔa beberebe, na má ya fá nyini nɔɔa n ma yaarifɔm.” ¹⁰ Na Yesu asi sunsunni bo bu bita i, na wɔ se bu ka, “Nzu ti ye am sukan bara ni ndiɛ a? Sakpa lɛɛ ye wɔ yo ama m n a. ¹¹ Am ni yaarifɔm ni wo bere sanɔa kere a, ama, mini, m wó má am dɔ sanɔa kere. ¹² Tulaaleɛ n bo wɔ kaaki agɔ m nɔɔ ni, i kere ka i nzee bo wɔ fa ayo m siriya afa anminda m yiwee cɛen lɛɛ. ¹³ Nahɔre ye m suse am n a, deke kere bo bu bá kaanri Nyeme labari kpa n durunya n kere nu, bu kán i sayoowa n na minem tenɔe i su.”

Kabo Yudasi sɛsɛeri su ka i tɔ Yesu ni

¹⁴ Na Yesu susufɔ buru ni nnyɔm nu kun bo bu fere i ka Yudasi Isikariyoti ni, ako Nyeme

sayoowa donɔguyofɔ nkpienkpienm ni do, ¹⁵ ako abisa bu ka, “Nzen m tooɔri Yesu maari am, am ma m nzu wo?” Na ba kan jete nwaa aburasan, afa ama i. ¹⁶ Fite nyini cɛen n na Yudasi akpini atin kabo i yo na bu nya Yesu taraabiri.

Kabo Yesu ni i susufɔm diiri cɛenkpiri diire ni

¹⁷ Na cɛenkpiri n bo bu di i ni kpɔnɔ bo bu go ma ayiri nu na i yasu ni, i lekun cɛen, na Yesu susufɔm n aba i do, aba abisa ka, “A koro ka ya ko ni ko sese Butara cɛenkpiri n diire n su se a?” ¹⁸ Na wo se bu ka, “Am ko mie n kunnu, sonɔ be wo do, na am ko se i ka, ‘Ya Kerefɔ n na o, i sanɔa n aju. Na i ni i susufɔm ni ba di Butara cɛenkpiri diire ni, u dika n nu.’ ” ¹⁹ Na Yesu susufɔm n ako ayo kabo i seeri bu ni, na ba sese Butara cɛenkpiri n diire n su.

²⁰ Na naaso sanɔa, na Yesu ni i susufɔ buru ni nnyɔm n aba atana ka bu di diire ni. ²¹ Sanɔa bo bu tana wo diire n di su ni, na Yesu ase bu ka, “Nahɔre ye m suse am n a, am nu kun ba to m ma m kpɔfɔm a.” ²² Na bu ahore asaaki, na bu kun kun n kere abisa i ka, “M Mibie, ye m na ma mini yiri e?” ²³ Na Yesu abo bu nu ka, “Am nu kun bo m ni yiri sanɔa fa ya saa wura taale kun nu ni, yiri to m a. ²⁴ Mini Adamande Wa ni wu kabo ba kere i Nyeme Jore Kadasi n nu ase ka m wu n wo, ama, sonɔ n bo i to mini Adamande Wa n ni, i mi ba nu anyumboro. Ma ba wu ma i mi n mmɔɔ, ma i ti ye.” ²⁵ Na Yudasi bo i to Yesu n abisa i ka, “Ya Kerefɔ, m na ma mini yiri e?” Na Yesu abo i nu ka, “Kabo a jooɔri ni, i ti so o.”

Ya Mibie kasin diire n jore

²⁶ Saŋga bo Yesu ni i susufom ni wo diire n di su ni, na Yesu afa kpɔnɔ, na wo da Nyeme asi, na wo bubu i nu, na wo fa ama bu, na wo se bu ka, “Am de ahin kpɔnɔ n na am di, i ti m ηuniembaa a.” ²⁷ Na wo kaaki afa awa ni nzan, na wo da Nyeme asi, na wo fa ama bu, na wo se bu ka, “Am kere nu be. ²⁸ Ahin nzan n ti m mbunja a λεε, ye m sufa ma am n a. M mbunja n δεε ti, ye Nyeme sufa sesesu na i di i di n a. Minem dongu satie δεε ti, ye m mbunja ni songi go a, na Nyeme fa bu satie ce bu.” ²⁹ Na wo kaaki ase bu ka, “M suse am wo λεε, ka, m nu ma ahin nzan bekun, ma ka cen be bo m ni ambeba ba saŋga nu i fofore, m Si Nyeme femeya n nu ni.”

³⁰ Nyini sin na ba di jue akansi Nyeme, na ba fite ako Oliva Buka n su.

Kabo Yesu seeri i susufom ni ka bu ba ηmati yaki i ni

³¹ Do na Yesu ase i susufom ni ka, “Nyuma δεε kongue n nu, am kere ηmati yaki m, dama ba kere i Nyeme Jore Kadasi n nu ka, Nyeme ηa, ‘M bo kun boesasafɔ ni, na nboem ba sandi.’

³² Ama, m ba tengeeri m yiwee n nu, m du am mo ko Galili awore n nu.” ³³ Na Petoro ase i ka, “Nzen ahinm kere ηmati yakiiri u, mini ηmati yaki ma u da.” ³⁴ Na Yesu ase Petoro ka, “Nahore ye m suse u n a, nyuma kongue n nu, kana akonyuma ba bo, a kete kpe nsan ka a si ma m.”

³⁵ Na Petoro akaaki ase i ka, “Mini se ma so da. Nzen haari wo yo daka ka mini ni woro kere saŋga wu mmoo, ηka ya wu wo.” Na i susufom n kere ase so.

Kabo Yesu jeke tiiri na i kɔ sereeri Nyeme ni

³⁶ Na Yesu ni i susufɔm n ayasu akɔ aju awɔrɛ be bo bu fere i ka Gesemane ni, na Yesu ase i susufɔm ni ka, “Am tana fɛn ɲminda m, na m kɔ dɔ kɔ sere Nyeme.” ³⁷ Na wɔ fa Petoro ni Zɛbedi nbaa nnyɔm ni, na ba kɔ mɔ kaan. Bu kɔ juuri dɔ, na ahoresaaki aba i dɔ agaya, na i jeke ati. ³⁸ Na wɔ se bu ka, “Ahoresaaki aba m dɔ agaya, i yo m ka m wu wɔ mmɔɔ. Am wɔ fɛn na am ɲminda m. Má am daafi.” ³⁹ Na wɔ kɔ dede kaan, na wɔ butu i kunnu su. Na wɔ sere Nyeme, i ɲa, “M Si Nyeme, nzen má a soro su, yi m fite ahin anyumboro n bo i suba m dɔ n nu. Haari ni nyini mmɔɔ, má a yo kabo m koro ni, ama, yo kabo a koro ni.”

⁴⁰ I sere Nyeme wieeri ni, na wɔ kpɛ i nyi akɔ aɲu ka i susufɔ nsanm ni wo daafiri su. Na wɔ bisa Petoro ka, “Nzu ti ye am mine nsan n kɛrɛ be mmɔɔ koro kpɛ má daafiri haari kaan sɔ mmɔɔ a?” ⁴¹ Na wɔ kaaki ase bu ka, “Am kpɛ daafiri, na am sere Nyeme adena má deke be yo am na am wura satɛ nu. Ahorembaa n koro nyemesu, ama, aɲuniɛmbaa n ayɔrɔki.”

⁴² Na wɔ kaaki akɔ asere Nyeme bekun, i ɲa, “M Si Nyeme, nzen i ti u dɛɛ koroyanu ka m fite má ahin anyumboro n bo i suba m dɔ n nu, ma u dɛɛ koroowa n yo.” ⁴³ Na wɔ kpɛ i nyi aba i susufɔm n dɔ, na wɔ ba aɲu ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wɔ kɔ asere Nyeme kpe nsan su, ni nyini nɔaniɛ jɔjɔɔwa kun bo i du mɔ jɔjɔɔri i ni. ⁴⁵ Nyini sin, na wɔ kpɛ i nyi aba i susufɔm n dɔ, aba aɲu ka bu toko wo daafiri su, na wɔ se

bu ka, “Am toko daafi yi am n̄umi wɔ? Am niε, san̄ga n̄ aju, wɔ tɔ mini Adamande Wa ni ama satieyofɔm. ⁴⁶ Am niε, sɔnɔ n̄ bo wɔ tɔ m̄ lεε. Am yasu na ya kɔ.”

Kabo bu taraari Yesu barasu ni

⁴⁷ Na san̄ga bo Yesu toko wo jɔjɔori su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni korɔmam. Nyεmε sayoowa dɔnguyofɔm, ni Yudafɔm nkpienkpienm ni sunmaari bu a. ⁴⁸ Na Yudasi bo i tɔori Yesu ni akere jama n̄ nyaari su kabo bu s̄i Yesu na bu tara i. I n̄a, “Sɔnɔ n̄ bo m̄ kó biti i ni, yiri lεε. Am tara i.” ⁴⁹ San̄ga bo bu kɔ juuri deke bo Yesu wo ni, na Yudasi akaba akɔ i dɔ, na wɔ se i ka, “Ya Kerefɔ.” Na wɔ biti i, na wɔ yo i anse. ⁵⁰ Na Yesu ase i ka, “M̄ dɔn, yo deke n̄ bo a koro ka a yo i ni ndende.” Na minem n̄ aba atara Yesu, na ba bita i kenken. ⁵¹ Na Yesu susufɔm n̄ nu kun acin awɔrɔ i takobe, na wɔ kpiε sɔnɔ be sui, nyini sɔnɔ n̄ ti Nyεmε sayoowa dɔnguyofɔm kpien n̄ akɔɔ ɔ. ⁵² Na Yesu ase i ka, “Fa u takobe n̄ kaaki wura i buε nu. Dama minem̄ kere bo bu fa takobe yo juma ni, bere gusu bá wu ni takobe wɔ. ⁵³ A si má ka nzen má m̄ sereeri m̄ Si Nyεmε, i súnma i merékem̄ asese asese buru ni nnyɔ, na bu bá buka m̄ kisa kisa bere? ⁵⁴ Ama, nzen m̄ nya yoori sɔ, kabo ba kere i Nyεmε Jɔre Kadas̄i n̄ nu ka wɔ yo daka ka i yó sɔ ni, i yó se ye i bá yo yiiwa?”

⁵⁵ Na Yesu abisa jama n̄ ka, “M̄ ti finfɔ ɔ, ye am fa takobem ni korɔmam na am ba tara m̄ a? Cεen̄ kere cεen̄ m̄ ni ambere wo Nyεmε Sereebiri Awuru n̄ nu a, ye m̄ kere minem̄ a, ama, am

atara má m. ⁵⁶ Ama, ahin kere yó sɔ, adena kabo Nyeme nɔaniε kanfɔm akere i Nyeme Jɔre Kadasi n nu n yo yiiwa a.” Dɔ na i susufɔm n kere aɲmati ayaki i.

Kabo bu fa Yesu kɔɔri jɔre diibiri ni

⁵⁷ Na bo bu taraari Yesu n afa i akɔ Kayafasi dɔ, yiri ti Nyeme sayoowa dɔɲguyofɔm kpien n a. I dika n nu ye Nyeme nɔaniε kerefɔm ni, ni Yudafɔm nkpienkpienm n tiεenri bu nɔɔ a. ⁵⁸ Na Petoro asu Yesu su, i woori dede kaan ni yiri, haari i kɔ wuraari Nyeme sayoowa dɔɲguyofɔm kpien n dika gisan nu. I wuraari gisan n nu ni, na wɔ kɔ asaɲga atana tintinijinafɔm nu, adena i ηu sa n bo i yo n awieeri. ⁵⁹ Na Nyeme sayoowa dɔɲguyofɔ nkpienkpienm ni, ni Yudafɔm tereterefɔm n kere anieniε minem bo bu bá di kɔre daani fa kɔ ηgasi bo Yesu ado i ni, adena bu nya i taraabiri na bu kun i. ⁶⁰ Haari ni bo mine beberebe fite jina diiri kɔre daani n kere, ba nya má jɔre bo bu fa kpie sɔ i. Kasin na mine nnyɔ nbem ayasu ajina, ⁶¹ na ba se ka, “Ahin sɔnɔ n ηa yiri koro fufu Nyeme Sereebiri Awuru ni, na i káaki ta i lesan afien.” ⁶² Na Nyeme sayoowa dɔɲguyofɔm kpien n ayasu ajina, na wɔ bisa Yesu ka, “A la má bɔnu be fa kɔ ahin jɔre n bo minem ni akpie asɔ u n su?” ⁶³ Ama, na Yesu amɔ i nɔɔ. Na Nyeme sayoowa dɔɲguyofɔm kpien n ajojɔ i dɔ bekun, i ηa, “Kisa, m koro ka a tan Nyeme bo i wo bere saɲga kere ni. Nzen wɔrɔ ti Nyeme Wa n bo i ti Kristo Tiidefɔ ni, se ya.” ⁶⁴ Na Yesu abɔ i nu ka, “Kabo a jɔjɔri ni, i ti sɔ ɔ. Ama, m suse am kere wɔ lεε ka,

'Fite nyuma fa kɔ, am bá ɲu mini Adamande Wa ni
ka m tana Nyeme Yikofɔ n saa fɔmbɔrɔ su,
na am ɲú ka m fite angoro yinyingɔ n nu
suba.' "

⁶⁵ Yesu bɔ nu sɔ wieeri ni, na Nyeme sayoowa dɔnguyofɔm kpien n asɔn i tanlee. Na wɔ se ka, "Wɔ jɔjɔ awura Nyeme ɲgasi nu. Ya koro má daanifɔ bekun. Ambere mmɔɔ ti kabo wɔ jɔjɔ awura Nyeme ɲgasi n nu e. ⁶⁶ Ye am ɲa se wɔ?" Na bu kere ase ka, "Wɔ kan ciire jɔre lee, wɔ yo daka ka i wu."

⁶⁷ Na ba yi nanzue ago Yesu nyunuawa nu, na ba bo i, na ba bo i nyɔɔnu, ⁶⁸ na ba se i ka, "Wɔrɔ Kristo Tiidefɔ ni, ɲma bo u a? Kan kere ya."

Kabo Petoro keteeri ka i si má Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wɔ se Petoro ka, "Wɔrɔ mmɔɔ yo woori nyini Yesu Galilifo n dɔ ɔ." ⁷⁰ Ama, na Petoro akete bu kere nyunu ase ka, "Ai, m si má nyini jɔre n bo a sujɔjɔ i ni mmɔɔ." ⁷¹ Na Petoro afite akɔ gisan n anɔ n nu, na afani nyinga be aba aɲu i, na wɔ se minem bo bu jina bere n ka, "Ahin sɔnɔ ni mmɔɔ yo woori Yesu Nazaretifo n dɔ ɔ." ⁷² Na Petoro akete bekun, na wɔ tan ndie, i ɲa, "Mini si má nyini sɔnɔ ni mmɔɔ." ⁷³ Wɔ ce má na minem n bo bu jina bere n gusu ase Petoro ka, "Nahɔre, a ti bu kun wɔ, dama u jɔjɔɔwa ni kere sɔ a." ⁷⁴ Na Petoro atan ndie afa i saa awura sin nu, i ɲa, "M si má nyini sɔnɔ ni." Kpenɲa na akonyuma abo. ⁷⁵ Na Petoro atenɲe su kabo Yesu seeri i ni, i ɲa

“Kana akonyuma bá bo, a kéte kpe nsan su ka a si má m.” Na wó fite akó asun agaya.

27

Kabo bu faari Yesu kó jinaari Gomina Pilato nyunu ni

¹ Na alecin sanja na Nyeme sayoowa dongu-yofó nkpienkpienm, ni Yudafóm nkpienkpienm n atana asese su kabo bu yo barasu na bu kun i.

² Na ba wura i jorokó, na ba fa i akó ama Pilato bo i ti Romafóm gomina ni.

Kabo Yudasi kuunri i ɲu ni

³ Sanja bo Yudasi bo i tɔɔri Yesu n tiiri ka ba ma nɔɔ ka bu kun Yesu ni, na wó yo m si n sɔ, na wó kaaki awɔɔ jete ɲwaa aburasan n aba ama Nyeme sayoowa donguyofó nkpienkpienm, ni Yudafóm nkpienkpienm ni. ⁴ Na wó se bu ka, “Ma yo satie kabo ma tɔ sonɔ bo i la má ɲgasi be na bu kun i ni.” Na ba se i ka, “Ya cɛcɛ bonɔ wo nyini nu a? U dɛɛ jɔɛ lɛɛ.” ⁵ Na Yudasi afa ɲwaa n atu Nyeme Sereebiri Awuru n nu, na wó fite akó awura i kóm nyama akun i ɲu.

⁶ Na Nyeme sayoowa donguyofó nkpienkpienm n afa ɲwaa ni, na ba se ka, “Ahin ɲwaa n ti mbunja yiiwa ɲwaa a. Nyeme nɔanie kpamaawa n kere ka má be fa i ɲusu fa sanja Nyeme Sereebiri Awuru dɛɛ ɲwaa n nu.” ⁷ Na ba yo anɔɔɛ, afa ɲwaa n ato asien be, bo bu fere i ka yakati tafó juma yoobiri ni, ka bu fa yo wɔfóm seebiri. ⁸ Nyini ti ye bu fere nyini asien n ka Mbunja Asien, haari ni nyuma sɔ n a. ⁹ Dɔ na nɔanie n bo Nyeme nɔanie kanfó Jeremiya

yo jɔjɔri n ayo yiiwa, i ɲa, “Ba fa jɛtɛ ɲwaa aburasan n bo Yisarelifɔm kɛrɛ soroori su ka bu tɔ i kaari, sɔnɔ n dɛɛ ti ni, ¹⁰ na ba fa ɲwaa n ato yakati tafɔ juma yoobiri, kabo Micɛra n seeri m ka bu yó lɛɛ.”

Kabo Gomina Pilato bisaari Yesu jɔrɛ ni

¹¹ Na ba fa Yesu akɔ ajina Gomina Pilato n nyunu, na wɔ bisa Yesu ka, “Wɔrɔ ti Yudafɔm fɛmɛ n a?” Na wɔ bɔ i nu ka, “Kabo a jɔjɔ ni, i ti sɔ ɔ.” ¹² Na Nyɛmɛ sayoowa dɔɲguyofɔ nkpiɛnkpiɛnm, ni Yudafɔm nkpiɛnkpiɛnm akpiɛ jɔrɛ asɔ Yesu, ama, wɔ bɔ má be nu. ¹³ Na Gomina Pilato abisa i ka, “A ti má jɔrɛ n kɛrɛ bo ba kpiɛ asɔ u ni?” ¹⁴ Ama, Yesu abɔ má jɔrɛ n haari kun be mmɔɔ nu, na gomina n abirisi agaya kabo wɔ bɔ má nu ni.

Kabo Gomina Pilato maari nɔɔ ka bu kun Yesu ni

¹⁵ Afɔ kɛrɛ afɔ, Butara cɛɛnkpiri n nya ba ju, Romafɔm gomina yi dansaraka n bo jama n koro ka i yi i ji n wɔ. ¹⁶ Nyini saɲga ni, sɔnɔ be woori dansaraka n nu dɔ, bu fere i ka Barabasi, i ti má jɔrɛ bu, sɔnɔ kɛrɛ si i sa. ¹⁷ Na saɲga bo jama n kɛrɛ ba tiɛɛnri bu nɔɔ ni, na Gomina Pilato abisa bu ka, “Am koro ka m yi ɲma ma am a, Barabasi ni, nzen Yesu n bo bu fere i ka Kristo Tiidefɔ ni?” ¹⁸ I seeri sɔ ni, dama i siiri tenle su ka bu si Yesu kɔrɛ ti ye bu faari i ba wuraari i saa nu a.

¹⁹ Saɲga bo Gomina Pilato wo Yesu jɔrɛdi su ni, na i yi asunma ase ka, “Má a se ka a yo nyini nahɔrɛfɔ n sa be, dama anuma kɔɲguɛ, ma cin alelɛ fa kɔ nyini sɔnɔ n dɔ bo wɔ miɛ m agaya.”

²⁰ Ama, na Nyeme sayoowa dɔŋguyofɔ nkpienkpienm, ni Yudafoɔm nkpienkpienm n awura jama n bu sin ka bu sere Gomina Pilato ka i yi Barabasi ma bu, na i kún Yesu. ²¹ Ama, na Gomina Pilato akaaki abisa jama n ka, “Nyini mine nnyɔm ni nu, am koro ka m yi ŋma ma am a?” Na ba bo i nu ka, “Barabasi.” ²² Na Gomina Pilato abisa bekun ka, “Ye ahin Yesu n bo bu fere i ka Kristo Tiidefo ni, am koro ka m yó i se wo?” Na bu kere abo i nu ka, “Kpama i baka jaanu n su na i wu.” ²³ Na Pilato abisa ka, “Ye nzu satie ye wo yo i a?” Ama, na ba kaaki atien kpa agaya bekun ase ka, “Kpama i baka jaanu n su na i wu.”

²⁴ Sangá bo Gomina Pilato ŋuuri ka i koro yo má jɔɛ n dɔŋgu, haari ni bo wo boro i nyi na i yo i dɔŋgu ni, jama n akete sukoro ka bu yo nanmie. Nyini ti, na wo fa nzue anmisi i saa, jama n kere nyunu, na wo se bu ka, “M saa wo má ahin sɔnɔ n yiwee nu. Am dɛɛ jɔɛ lɛɛ.” ²⁵ Na jama n kere ase i ka, “Tɔ, ma i yiwee ni ŋgasi su ya su, ni ya anumam kere.” ²⁶ Dɔ na Gomina Pilato ayi Barabasi aji, na wo ma sojam n afin Yesu ŋgbere, na wo nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu bengu sojam kere nɔɔ abara aye i. ²⁸ Na ba yi Yesu sutura bo i wura i ni, na ba fa tanlɛɛ kɔkɔɛ yorom be ka femeya tanlɛɛ dɛɛ su awura i. ²⁹ Na ba fa buwe aɔ i ka kaba dɛɛ su, na ba fa aforo i tii ka femeya

kere dɛɛ su. Na ba fa kpama awura i saa nu, na ba kutu i nyunu suyo i anzasi, bu ɲa, “Yudafɔm Fɛmɛ ni, ya yo u anɛɛ.” ³⁰ Na ba yi nanzue ago i ɲu, na ba de kpama ni i dɔ, na bu sufin i tii baka. ³¹ Bu ba yoori i anzasi n wieeri ni, na ba yi tanlɛɛ kɔkɔrɛ yorom ni, na ba kaaki afa i tienɲu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

³² Saɲga bo bu sukɔ ni, na bu ni Sirenefɔ biɛ be ayɛ, bu fere i ka Simon. Na sojam n amiɛ i ka i sɔ Yesu baka jaanu ni. ³³ Na ba kɔ aju awɔrɛ be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba saɲga nzan ni ayiri wiwi barasu be ama Yesu ka i nu na i jɔ yaari ni, ama, i kaanri i nɔɔ ɔ, na wɔ kete, wɔ nu má i. ³⁵ Na ba nya akpama i baka jaanu n su, na ba ye i su ajina. Bu yoori sɔ wieeri ni, na ba tu mbaa na bu si kabo bu kpaaki i suturam nu, bu ɲuɲu nu. ³⁶ Nyini sin na ba ka atana suniɛ Yesu. ³⁷ Na ba kɛrɛ jɔrɛ n bo bu kpiɛ sɔɔri i ni, afa abo akpama i baka jaanu n tii su, kɛrɛɛwa n la ka, “Yesu bo i ti Yudafɔm Fɛmɛ n lɛɛ.” ³⁸ Na ba kpama finfɔ nnyɔ nbem baka jaanu su adodo i, bu kpamaari kun i saa fɔmbɔrɔ su, na ba kpama kun n gusu i saa biɛ su.

³⁹ Na minɛm kɛrɛ bo bu sin dɔ ni, subobo bu tii, na ba kpiɛ i nzukɔ, bu ɲa, ⁴⁰ “Wɔrɔ bo a ɲa a fúfu Nyɛmɛ Sereebiri Awuru n na a káaki ta i lesan afien n lɛɛ, de u tii ji. Nzen a ti Nyɛmɛ Wa nahɔrɛ su, jura baka jaanu n su.” ⁴¹ Sɔ ye Nyɛmɛ sayoo-wa dɔɲguyofɔ nkpienkpienm, ni Nyɛmɛ nɔaniɛ

kerefom, ni Yudafoṃ nkpienkpienm n gusu yoori i anzasi a, ⁴² bu ṅa, “Wɔ de minem tii aji, ama, i sukoro de má yiri ni i tii. M ṅa i ti Yisarelifom Feme n wɔ e. Tɔ, ma i jura baka jaanu n su bra kisa kisa na ya nie, na ya yó i yarada. ⁴³ I daafi Nyeme ṅu a, ye i ṅa i ti Nyeme Wa a. Tɔ, nzen Nyeme koro i a, ma i de i tii ji kisa na ya nie.” ⁴⁴ Haari na finfo nnyom n bo bu kpamaari bu dodoori Yesu ni mmɔɔ akpie i nzuko so.

Kabo Yesu wuuri ni

⁴⁵ Wiesu kerefi buru ni nnyo sanḡa na awosin akata asien n kere su, haari naaso kerefi nsan. ⁴⁶ Na fa ko nyini sanḡa ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri so ni, na ba se ka, “Am ti, ahin sono n sufere Eliya.” ⁴⁸ Kpenḡa na bu nu kun anmati afa mene, ado nzan gagaraki be nu, na wo fa awo baka su alaandi ato Yesu noo ka i nu. ⁴⁹ Ama, na nyingam n ase ka, “Am yaki na ya nie, ka Eliya ba de i tii ji?”

⁵⁰ Na Yesu abo awie kpa, na wo nya ayo Nyeme dee. ⁵¹ Do na tani bambaka n bo bu fa kanda kpaakiiri Soo Casi n bo i wo Nyeme Sereebiri Awuru n nu n ati nu nnyo, fa i angoro ko jura i asienḡu. Na asien n akpisi, na yabue ngbingbirim akpakpaaki nu. ⁵² Na fanḡunmam ateke, na Nyeme minem donḡu bo ba wu n atenḡe bu yiwee nu. ⁵³ Na ba fite fanḡunmam n nu, na sanḡa bo Yesu ba tenḡeeri i yiwee n nu ni, na ba ko awura Yerusalem mie kpiri n nu,

na mine dongu anu bu. ⁵⁴ Na soja kpien n ni i sojam n bo bu jina niɛeri Yesu ni, na bu ŋuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, “Ahin sono n ti Nyeme Wa a nahore su.”

⁵⁵ Na nbaram beberebe bo bu su i su fite Galili awore n nu na bu buka i ni, ajina dede sunie Yesu. ⁵⁶ Bu nu nbem la Mariya bo i fite Magadala mie n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sangā na nengefō be aba, i fite Aramatiya mie kpiri n nu wō, bu fere i ka Yosefu. Yiri mmōō ti Yesu susufōm kun wō. ⁵⁸ Na wō kō asere Gomina Pilato ka i fa Yesu ŋunie n ma i. Na Gomina Pilato ama nōō ka bu kō fa ma i. ⁵⁹ Na Yosefu akō ayi Yesu fuin n apōondi nzee fōfōre nu, ⁶⁰ na wō kō ase i faŋkunma nu, yiri Yosefu dɛɛ tiɛŋgu yabue bue faŋkunma n bo ba lokoti i fōfōre ni. Na wō nya akundu yabue bambaka afa ato faŋkunma n anō ni, na wō kō. ⁶¹ Na Mariya Magadalafō ni, ni Mariya nyinga n atana afa bu nyunu awō faŋkunma ni.

Kabo tintinijinafōm jina ŋmindaari Yesu faŋkunma ni

⁶² Na alecin fōfōre bo i ti Yudafōm ŋumiya cɛɛn ni, na Nyeme sayoowa donguyofō nkpien-kpienm, ni Farasifōm n akō Gomina Pilato dō. ⁶³ Na ba kō ase i ka, “Ya si, ya tenge su ka sangā bo nyini kōrefō n yo la ŋgōō ni, na wō se ka yiri wuuri, i lesan cɛɛn, i tɛŋge i yiwee n nu. ⁶⁴ Nyini ti, ma nōō na bu kō jina ŋminda i

faŋkunma ni, fa kɔ ju haari lesan cɛɛn ni, má nyini, i susufɔm ni koro kɔ wɔ yi i ŋunie ni, na bu bu kɔrɛ ka wɔ tenge wɔ. Nyini sanɔa, kasin dɛɛ kɔrɛ ni tára bumboori dɛɛ ni.” ⁶⁵ Na Gomina Pilato ase bu ka, “Am fa tintinijinafɔm, na am ma bu kɔ jina ŋminda i faŋkunma n kabo am koro i barasu ni, na má be koro yo pui.” ⁶⁶ Nyini ti, na ba kɔ ata atɔ faŋkunma n anɔ n kɛrɛ, na ba ma tintinijinafɔm n ajina aŋminda abara aye i, adena má be koro yo pui.

28

Kabo Yesu tengeeri i yiwee n nu ni

¹ Yudaɔm Ŋumiyi cɛɛn n sin dɛɛ alecin, bakue n bumboori, mɔnɛ cɛɛn ŋgarama fuun, na Mariya Magadalaɔ ni, ni Mariya nyinga ni, akɔ ka bu kɔ niɛ Yesu faŋkunma ni. ² Kpenɔa na asien n akpisi agaya, dama Micera n mereke be fiteeri aŋgoro jura ba kundu yiiri yabue bambaka n faŋkunma n anɔ n su a, na wɔ fun atana su. ³ Na wɔ ta fofoe papasi ka nzue kpɛsɛɛwa dɛɛ su, na i sutura n kɛrɛ ayo fofoe ka cisen. ⁴ Na sɛrɛ ati tintinijinafɔm ni, na bu ŋunie subobo bu, na ba yo ka ba wu dɛɛ su wɔ.

⁵ Na Nyɛmɛ mereke n ase nbaram n ka, “Má am ma sɛrɛ ti am. M si ka am niɛniɛ Yesu bo bu kpamaari i baka jaanu n su n wɔ. ⁶ I wo má fɛn. Wɔ tenge i yiwee n nu, kabo i yo seeri am ni. Am ba niɛ deke bo bu faari i seeri ni. ⁷ Am kpie am nyi na am kɔ se i susufɔm ni ka wɔ tenge i yiwee n nu. Am ti fɛn, i sudu am mɔ kɔ Galili awɔrɛ n nu, dɔ ye am kó ŋu i a. Ma se am lɛɛ.”

⁸ Na ba fite fanƙunma n nu ndende ni sere, ama, ni ahorejo, na ba ηmati na bu ko se i susufom ni. ⁹ Bu suko ni, kpenƙa na bu ni Yesu aye, na wo yo bu anse. Na ba kutu i jaa bu, na ba ma i jirima. ¹⁰ Na wo se bu ka, “Má am ma sere ti am. Am ko se m ninbaam ka bu ko Galili, do ye bu kó ηu m a.”

Kabo tintinijinafom seeri sa n bo i yoori ni

¹¹ Saƙa bo nbaram n wo ko su ni, na tintinijinafom nbem ako mie n kunnu, ako ama Nyeme sayoowa donƙuyofo nkpienkpienm ni labari, fa ko sa n kere bo wo yo n su. ¹² Na Nyeme sayoowa donƙuyofo nkpienkpienm, ni Yudafo nkpienkpienm n atien bu noo, afa asese su, na ba ma tintinijinafom ni ηwaa beberebe, ¹³ na ba se bu ka, “Am se minem ka, saƙa bo am adaafi konƙue n ye i susufom ni ba wo yiiri i a. ¹⁴ Na nzen haari gomina n ba tiiri nyini labari ni, yere kan de am tii, na i yo má am pui.” ¹⁵ Na tintinijinafom n ade ηwaa n na ba ko ase minem kabo nkpienkpienm n seeri bu ni. Nyini dee ti ye nyini labari n abara aye Yudafo do, fa ba ju haari ni nyuma n a.

Kabo Yesu faari i ηu kereeri i susufom ni

¹⁶ Na i susufo buru ni kunm n ako Galili awore n nu na ba fun ako buka n su, deke bo Yesu seeri bu ka bu ko ni. ¹⁷ Saƙa bo bu ko ηuuri i ni, na ba kutu ama i jirima, ama, bu nbem asunsun ka má yiri lee. ¹⁸ Na Yesu acin adodo bu, na wo se bu ka, “Nyeme afa angoro ni asiengu fen kere yiko, afa awura m saa nu. ¹⁹ Nyini ti, am ko durunya n kere nu, na am ma daanfie kere yo m susufom.

Na am biε bu Nyεmε nzue, Si, ni Baa, ni Awiewiε
Casi n dεε duma nu. ²⁰ Na am kere bu ka bu de
m noaniε maawa n kεrε bo ma fa ama am ni.
Am ti fen, m wo am dɔ, sanɔa kεrε, fa kɔ haari
durunya n awieeri.”

ΝΥΣΜΕ ΙΟΥΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022

fe36d0e6-2a60-5e15-8d1c-8bf275389598